


CHIKUMISHILO

 Kuwahilila hakupwa hano chimene chino, na kwivwa kukafwa, hakwiza kaha kukamenga. Ngukonekelenu hakukotokela. Oloze vakakuviza kunyima okwo, mu miyawu, muji ambulance, ngachize, kaha—kaha Ngwapwanga na kukwata navaze vahonanga kwingila, mwamono, shimbu kanda Ngwingile.

² Jino, Ngwalikomokela kachi ndumbu wapwevo uze akwechi vaze—vaze vavandende, kachi ikiye mwahona kukinduluka na musana. Ngwatondo kunangula chino chongoloshi, nawa, kachi Mwata netava. Kachi ikiye mwahona kukinduluka ku kukunjika, shimbu Ngunema chikuma lwola lwalusuku, chamwaza, mulwekenu, anehe kemba jino. Oloze kachi ikiye mwahasa kukinduluka, ou, ufuku uno, kaha nachiya nakupwa kanawa kuli etu. Oloze mwechenu ocho nahase kulinga, mwosena omwo. Mwomwoika, ikiye mwahonene kukinduluka, etu natuya nakuneha vaze vavandende jino mangana vava kunjike. Kaha jino, vyosena evi, shimbu Nguli nakuhanjika, kachi ikiye mwatonda kwiza jino, kaha luno lukiko lwola jino.

³ Jino, ufuku uno, kuli chuma chakulimanyina, Ngwatondo—Ngwatondo kuhanjika ha mutwe wachihande ufuku uno, mujimbu waupolofweto: *Mwane, Luno Lukiko Lwola Kana?* Shikaho kachi Mwata netava, Ngwatondo kuhanjika ha mutwe wachihande ufuku uno. *Luno Lukiko Lwola Kana, Mwane?* Mokomoko, *Mwane, Luno Lukiko Lwola Kana?* nge chiku. Kaha jino Ngwatondo kumbata eli lisesa, kumeso alino liuka. Eli, kuli vyuma vyavivulu vyasolokele mumakumbi amandende akumakumishilo, echi chili nakwinyika ku—ku chuma chachinene chize Ngunahono kwivwushisa. Oloze etu tuli, etu lwola lwosena... Kalunga jijila yenyi japwa jajikalu kuwana kuli muthu, shikaho etu twatela kaha kutambuka ha lufwelelo. Kachi kala muthu nahase kulumbununa Kalunga, kahajino kacheshi kupwa chakutamo kupwa na lufwelelo, mwomwo enu—enu munatachikiza jino. Oloze etu natutambuka kaha ha lufwelelo.

⁴ Kaha chimene chino, Ngwashingtonyakanganga Ngwatela kuya na kweseka kaha kupwa nakutangisa chamukakutangisa mujimbu wamwaza, mwomwo, kaha ngwalumunanga vishinganyeka hanyima Ngwapwanga kuze kaha kumona vavulu vanema, kaha vanavandamina lwola lwalusuku. Kaha jino, ufuku uno, pamo chindende hano, kaha jino Nanguya nakutwalilaho na echi Ngwatondanga kuhanjika.

⁵ Chuma chimwe Nguli nakutonda kuvilika, shimbu vavavulu muli hamwe, vavavulu muli hamwe. Chuma chimwe

Ngunapunga nakulihenda kuhona kuvilika milungu yayivulu. Shina, malombo enu vanawakumbulula kuvuluka mulonga wa mitelo uze Ngwapwanga nawo na fulumende. Wakumu. Kaha shikaho etu tuli. . . Echi—echi chili kwosena jino. Enu vavavulu munevushisa omwo vakiko vapwanga nakole yami hali aze jichecki vangulingilile akuya nawo nakunangula, kaha ohonyi vakiko vesekele kuhanjika nge apwile ami. Kaha vatondele vangufwetese seli handulendi na fifite nge ngocho sauzande mandola hakupwa upite wami, kaha kawapwile ngochoko. Apwile amukwambulula mujimbu. Kaha liuka vanatachikiza ngachize. Enu vosena mwatachikiza echi. Kaha makumishilo vakiko vejile kuze kuchihela. . .

⁶ Nanguya kaha nakumihana kwala chachindende cha vyuma vyasolokele. Vakiko vanapunga pamo na myaka seli nakutwala faifi, hali, hakamwihi na myaka faifi, Ngwashingtonyeka, mumulonga kana, kaha kunyima na kulutwe, kaha vilinga na vyuma vyosena. Oloze Nguli wakusakwilila nge vakiko kavawanyine chuma chimwe hali yamiko, shikaho vakiko vahonene kungukunyukishila yami hali echiko. Shikaho kakwapwile chuma chimwe chakungukunyukishila, kuvangila, vakiko ngwavo, kuhona kaha chami—chami kuhona kutachikiza, yami lyavene, Ngwashingtonyeka, ha kuhona kutachikiza chikuma shimbi. Vakiko vangunehelile jicheki kaha mangana Ngufwachikeho, kuhakaho lijina lyami hawakiko, kuwahaka mukwambulula mujimbu. Oloze jino, chikalo lijina lyami Ngwahakile hawakiko, akiko apwilenga ami, mwamono. Chipwethuhu. . . Ngwenyi, “Echi chili kanawa kuli enu, nge ngachize. Oloze akiko apwilenga ove, kaha jino ove himuwahana kuliuka. Oloze chikalo ove muhaka lijina lyove hawakiko, apwile ove, chipwe apwilenga amulimo muka. Akiko vawasonekele kupwa ove.” Shikaho. . . kaha kachi vawahakile hali. . . muthuumwe nahakeho jikulusu, “wana wenyi,” chize chatelele kupwa chakwoloka. Oloze vakiko vasonekele, “William Branham.” Talenu? Kaha omwo Ngwahakile lijina lyami hawakiko, echi jino chinalingika. Chize chapwilenga ngachize. Shikaho vakiko vapwilenga. . . Kaha jino makumishilo na kulomba. . .

⁷ Kaha jino keshi kunyima chikumako, munatachikiza, vakiko. . . Ngwapwile na chimweno chize chachinene, milima, wishu, pwii, mavanda mavanda, nge musevu, muthu ejile, kwiza kuli yami, na minwe ya ulu. Ngwapwile na kapoko kakandende, nge *ngana*. Kaha ikiye angukwachile, “fulumende ya United States.” Kaha Kangweshi kuchikafwako. Ngwapwile wakuzeneka kulikafwa. Kaha jino Mwata ejile haze vene, kaha vachifungulwile. Kaha enu ngunanuka yami kumilweka enu chize, kunyima okwo.

⁸ Kaha vakiko vetavilile, likumbi likwavo. Kaha attorney yami, Mukulwne. Orbison wamu New Albany, na Ice na

Miller vamu Indianapolis, ha mulonga wa mitelo, angusanyikile, na kungulweka, “Twaya kuno.” Kaha Ngwayileko, Ndumbu walunga Roberson na Yami, na pwevo lyami, na vakufwelela vamuliuka hano, kaha tuvosena. Etu twayile kuze. Kaha vakiko vatulwekele nge vakiko vapwile, vakiko fulumende, vapwile vakulizanga kulivwasana.

⁹ Kaha Ngwambile ngwami, “Yami, kachi etu tuli namukuli nakala muthu, Nanguya nakuvafweta. Oloze Nangulinga mwosena nangushila. Oloze,” Ngwambile ngwami, “Kangweshi nauze mukuliko.” Kaha shikaho Ngwambile ngwami, “Ngwa—Ngwa... Echi chili, mukushishika. Kalunga natashikiza. Kaha mwomwoika vahonenanga kungukunyukisa, kahajino, nge Nguli wa kupaishiwa?” Ngwambile ngwami, “Vakiko vapwile na myaka faifi kweseka kulinga echi, oloze vakiko kavahashile kuwana na chumako chakulinga na chize.” Shikaho Ngwambile ngwami, “Nduma, Ngwakane. Kangweshi kuhasa kufwetako palanga vanenjikiza nge Nguli na mukuli.”

¹⁰ Kaha jino attorney angumbachile nakungwingisa na kuhanjika kuli yami, kaha ngwenyi, “Jino, etu natuya nakutala hali ou mulonga. Fulumende mwaya nakweseka echi.” Kaha ngwenyi, “Omwo vakiko valingile, chuma chimwe kaha vakiko vanakuwanyina mulonga, wapwile nge ove...” Chuma muka Yami, chuma muka, mujila Ngwalingile chize. Kangwachilingilile kahako...

¹¹ Kangwatachikiza na chuma chimweko mwakulamina mikanda, shikaho Ngwachilingile mujila ngwamwene Ngwami chakwoloka. Kaha ize—ize vayihakile mulijina lya nyambulu yamiko. Lwola lwosena vajihakilenga mu nyambulu ya mulijina lya liuka mukwambulula mujimbu kaha na vyangocho, talenu, shikaho chize kachapwile chuma chimweko Ngwashashile kulinga hali chize. Kaha Ngwa...

¹² Ikiye ngwenyi, “Chamwaza, vakiko vali vakulizanga kulivwasana, ha fifiteni sauzande yamandola, na teni sauzande ya mandola ya mulonga.” Kaha uze attorney kumufweta fifiteni sauzande. Kuwafutula hamwe kunguhana fwote sauzande. Kaha shikaho jino vakiko vatondele faifi cheka, Ngwashingtonyeka echi jino. Shikaho Ngwayile...

¹³ Ngwambile ngwami, “Kulihi muno mukaye okwo Ngunahase kuwana fwote sauzande ya mandola?” Ngwambile ngwami, “Munatachikiza, munyambaulu yami hano, muli pamo handulendi ndola, mokomoko pamo mwishi.” Ngwambile ngwami, “Kulihi Ngunahase kuwana fwote sauzande yamandola nakuhakilaho?” Kaha Ngwambile ngwami, “Kangweshi nachuma chakuhana nge cha kukwachilamo. Kangweshi nachumako. Mukiko kaha.”

¹⁴ Kaha ikiye ngwenyi, “Mukulwane. Branham,” ikiye ngwenyi, “omu mukiko chili. Kachi etu natweseka,” ikiye

ngwenyi, “kakweshi kukakasanako oloze natuya nakuveta ou mulonga.” Ikiye ngwenyi, “Oloze hano mukiko kaha. Etu tuhase kuuveta, mwomwo omu mukiko Nanguya nakulinga. Vakiko vali nakuvuluka nge vyove mwomwo ove wafwachikile lijina lyove kuli aze. Kaha vakiko vali nakuvuluka nge vyove, chipwethuhu vawahakile munyambaulu ya kwambululu mujimbu, liuka, kwambulula mujimbu Branham, kaha jino liuka.”

¹⁵ Kaha keshi lwola lumweko, vakiko vawanyine peseti yimwe nge Ngwawazachishile. Ou ukiko muchano. Kalunga atachikiza. Kuli lunga umwe natwame hano vene, napunga nayami lwola lwalusuku. Kakwapwile numba wani peseti Ngwazachishile. Josena japwile ja Wangana wa Kalunga, kwosena, jichecki josena, vyuma vyosena.

¹⁶ Oloze, talenu chize, oloze chize kacheshi chumako. Echi chapwile—echi chatelele kupwa vyami, chatete, kaha jino liuka, kwambulula mujimbu. Kaha vakiko vakwechi jila mwakulingila, munatachikiza, kala mwosena mwakuchinyina vakiko vanahase kulinga. Shikaho jino Ngwambile ngwami, “Chamwaza, Kangwa—Kangweshi kuchilingako.”

¹⁷ Kaha ikiye ngwenyi, “Chamwaza, kachi etu natuveta uze mulonga mujila kana, mwomwo, Nanguya—Nanguya nakuuvuluka kupwa nge ‘mawana akufuma kumuthu.’ Talenu? Nanguya nakuuvuluka, kufulumende, nge ‘mawana akufuma kumuthu.’” Kaha ngwambile ngwami, “Kahajino, nge Nangulinga ngachize, ize teni sauzande ya mandola naiya nakupwa uswana. Kaha jino ove muya nakukindulukamo cheka, kaha vakiko navaya kukukwata mummyaka yikwavo yitanu, kuwatalanga osena.” Talenu? Nge musoneka jichecki, yatela kuhita muzuvo yakuyitavila. Vakiko navaifwatula, kukopa ize jichecki. Mwomwo, Ngwapwile na jichecki josena, nawa, jize jahichile. Shikaho vakiko ngwavo, “Hakiko navakakukwachila, cheka nawa.”

¹⁸ Kaha ikiye ngwenyi, “Chuma chikwavo, Mukulwane. Branham, kachi ove, wasanyikileho lyehi fulumende, nge ngachize, kuhichila mukusandasanda, chipwe thuhu vyosena ovyo mukalinga, mumeso alikungumbuwa, ‘Ove uli muka makuli.’ Talenu? Oloze mukiko kaha.”

¹⁹ Tala hali uze mukakuzata ka Mbaputishiti wa kanyike muno mu Mississippi, uze mukweze wakanyike. Pwevo umwe ngwenyi ejile nakungutukana. Kaha uze lunga anehele vinjikizo kufuma kusali ya lifuchi na kwosena, ikiye kapwile na mumbongiko, makumbi ahichilemo, likumbi, mokomoko likumbi lya shishilemo, kuheta nahaseteko chamba milonga kutonda kukinduluka na kumulweka nge atela naikiye kumulanjila uze pwevo saimoni yakuyisa puho. Ikiye ngwenyi, “Echa ikiye ayenga.”

20 Kaha omwo chize vachihakile ha *Likina* lya kweseka, kuzauka lifuchi, munatachikiza chuma muka chasolokele? Sevete faifi pasenti ya vathu vaka America vahanjikile ngwavo, “Kwose kuli wishi, kaha kwishi kuli kakahya.” Kaha uze mukweze wamundende, kupwa wakushishika nge omu Ngunahase kupwa, mokomoko kalamuthu nawa, mwaya nakuzata na kukilikita mumakumbi eyi, nge ikiye kapwile nachuma chimweko.

21 Nguli nakwivwa mwamupi, chindende, kushinganyeka nge Ngunahake chiyoyelo chami mu Wangana wa Kalunga, kweseka kulinga, kumona vathu kufweta mitelo na kulinga vyuma vimwe, kaha kulinga vinoloka, nakupingula kuhenga chizenga na kupwa malunga vakwoloka; kaha ikiye ahakile nge ngana Ngwapwile mukamakuli, amilyavene. Ngwashingayekele, “Chuma muka mukaye Ngunalingi?”

22 Kaha jino echi chejile kuli yami, kaha Ngwatalile mu Mbimbiliya. Kala muthu mu Mbimbiliya, keshi naha akulipekela, vaze vapwilenga lyehi ufwishi ya mushipilitu, kachi Satana ahonene kuvakwata ha twamiso mokomoko, kachi fulumende yavakwachile. Yako kwosena okwo unatondo, yako mbwe nakuliva: Mose, Ndanye, vana va Hepeleu, Yowano Mukakujimika. Yesu Kulishitu vamujihile kuli nguvulu, chakusukika. Paulu, Petulu, Yakova uze Wamunene, Yakova uze Wamundende, vosena vavajihile ku fulumende.

23 Mwomwo, echi chili, kala fulumende, chili chitwamo—chitwamo cha Satana. Mukiko ambile Yesu. Eyi Mbimbiliya ya hanjika ngocho. Talenu? Kala fulumende vali nakuyitwaminyina kuli liyavolo. Kuli nakwiza fulumende ize navakatwaminyina kuli Kulishitu, oloze chize nachikapwa Mumilele. Oloze echi, awa mafulumende jino, chipwethuhu natuwashinganyeka kupwa ngachilihi, oloze, kuyima yawo, apwa—apwa akuyula kuli Satana. “Awa mawangana,” ikiye ngwenyi, “apwa ami. Ngweji kulinganga nawo mwosena omwo Ngwazange. Nanguya nakukuhana Ove, kachi Ove muya nakulifukula kuli yami.”

24 Yesu ngwenyi, “Fuma kumeso ami, Satana. ‘Ove watela kulifukula kuli Mwata, kaha Ikiye watela kuzachila.’”

25 Kaha jinonyi Ngwazeyele. Pwevo lyami ali nakwivwulila. Ngwayile lika, Ngwambile ngwami, “Nduma, mwane. Kangwa, kachi Nguli namukuli, Nanguya nakufweta. Kangweshi namukuliko, kaha Kangweshi kuya nakufwetako. Mukiko kaha.” Ngwambile ngwami, “Mujila na Ngufwetela, kala mwosena omwo?”

26 Shikaho, Ngwayile kwimbo. Ngwambile ngwami, “Meda, sanyisa meso avanyike. Wahisa uvwalo wavo. Nguli nakuya.” Ngwambile ngwami, “Vakiko kaveshi numba . . . Vyuma vyosena vinalisepasana.”

27 Ngwambile ngwami, “Chumamuka Ngunalingi? Ngulweke.” Ngwambile ngwami, “Ohonyi, yami, fwote sauzande ya mandola? Hee! Ove unahono kutachikiza echi omu chalumbunukila.”

Kaha ikiye ejilemo, nge pwevo wamwaza wakanyike omu atela, ngwenyi. . .

Ngwambile ngwami, “Nguli nakuya.”

28 Ikiye ngwenyi, “Ove unashinganyeka nge ocho nachikukafwako mumwe? Wa lombele hali ngwetu?”

29 Kushinganyeka, “Chamwaza, pamo Ngwatela kulomba cheka.” Ngwatela kuya cheka mu. Chinasoloka nge Ikiye ahanjikile kuli yami, mu Chisoneka.

30 Lwola lwosena, etu twatondo kutala hali echi Chisoneka, chuma muka Kalunga alingile hali echi, mwamono.

31 Kaha likumbi limwe, Ikiye vamuhulile, munatachikiza, kweseka ku—kweseka kumuhana mulonga Ikiye ku fulumende. Vakiko ngwavo, “Chili chakwoloka kuli etu va Yuleya kuhana mulambu na mitelo kuli Kesale?”

Ikiye ngwenyi, “Ove ukwechi penyi?” Ngwenyi, “Mutwe uliho weya?”

Ngwavo, “Kesale.”

32 Ngwenyi, “Kahajino enu muhanenu Kesale vyuma vyapandama kuli Kesale. Kaha kuli Kalunga, vyuma vya pandama kuli Kalunga.”

33 Ngwashinganyekele hali chize. Ngwafukunuine mu Mbimbiliya na kutanga. Ngwashingayekele, “Mwamuchano, Mwata, echi chakwoloka. Oloze *echi* kachapandama kuli Kesale ko. Echi chili Chove. Kachapwile cha Kesale ko. Kachi chapwile chami, Ngunapunga nakufweta mitelo yayivulu mokomoko chumachimwe, chamwaza, chize nachiya nakupwa chakuhandunuka, nge chapandama kuli Kesale. Oloze, *echi*, echi chili Chove. Talenu? Kaha kacha—kacha pandamine kuli Kesale ko, mukuputuka.”

34 Munatachikiza, Ikiye napunga lwola lwosena kupwa nakukumbulula mu Lizu. Ngwatangile kaha chindende nakutwalilaho, kaha Ikiye ngwenyi, “Kuhanjika kuli, Shimona ove ukwechi ulovo mu mboloso yove?” Talenu? “Ove lwola lwosena weji kumbatanga kaulovo na lungoji. Kaha Ngwahakanga mali munyambaulu chimene chino, munyambaulu muli ishi muze mu—muze mukalwiji, munatachikiza.” Ngwenyi Ikiye. . . “Ngwahakangamo mali, kaha uze mukakulama mwaya nakukuhana wo. Yako kaha kuze na kumbilamo ulovo muze mukalwiji. Kaha omwo muya kunyambaulu, sokolola mukanwa kenyi, naukamona, kaha ikiye mwaya—ikiye mwaya nakukuhana ngwee. Kanda

natumunyeketesako. Kanda kanaha kuyenyetela kuli vakiko. Talenu? Yako ukafwete, Shimona. Chize chili cha Yami na ove.”

³⁵ Ngwashinganyekele, “Muchano, Kalunga. Ove ukwechi nyambaulu ya va ishi kaha na vyuma vyosena, mulifuchi lyosena. Ngunahono kutachikiza omwo nachizachiwa.”

³⁶ Oloze etu twayile kuze. Ngukwechi vandumbu vamaunga vali muno vene muliuka vemaanyine haize check, kaha Ngwayihakilemo, kaha ngwambachile fwote sauzande ya mandola, nakufweta.

³⁷ Ngwayile kwimbo. Ngwatondele kutachikiza mujila Ngwasonekele ize check, kachi vakiko vakindulukile cheka kuli yami. Ngwambile ngwami, “Echi chinapu nge kuhanjika nge Nguli wakukasunuka kufuma ku mitelo. Chamwaza, vakiko vatelele kusoneka vakiko, vakiko nawa navakaya nakwingila muukalu hanyima yachize.” Ngwatwalileho kumusanyika, ize nyambaulu, kumona nge vakiko navaya nakuchilinga.

Kaha, makumishilo, Bob angulwekele, ngwenyi, “Billy, vakiko vachilinganga.”

³⁸ Ngwayile mo na kuhaka mavoko ami hali pevo lyami, Ngwambile ngwami, “Uchi wami, Ngwakasunuka.” Omwo ngwevwile, ha kukasunuka!

³⁹ Kaha shikaho Nanguya nakufweta jino, vakiko vanachilingisa kupwa chachashi kuli yami. Nanguya nakufweta ha fwo sauzande ya mandola hamwaka hamwaka. Jino, Kangweshi kuchihaka hali kala muthuko, masepa. Ngwatela kulovoka na kuya nakuzata. Shikaho Nguli—Nguli... Echi chinangumbate yami myaka likumi ya kufweta. Kaha kachi—kachi Yesu keshi kwizako. Kaha omwo chize, omwo Ikiye mwakalinga, mwakakumisa mikuli yosena mwosena omwo. Talenu? Shikaho, kahajino, shikaho Ngwa—Ngwafwelela naenu vosena... Malombo enu... Kaha ufukuuno, Nanguya nakutwalilaho na chuma chimwe chachindende kuli echi. Oloze malombo enu akiko angukafwile yami. Kalunga amikisule, chikuma kuma. Kalunga amikisule. Chipwethuhu kwosena okwo twapwilenga, Kangweshi kavulyama echiko.

⁴⁰ Ufukuuno, kachi Mwata netava, Ngunafwila kuhanjika muchano umwe uze Ngunatachikiza. Kaha pwenu vakukunyuka kwiza. Jino, anukenu: *Mwane, Luno Lukiko Lwola Kana?*

⁴¹ Jino, etu tuli nakuya ku... Ngwafwelela, vakiko vatambwile mwakuzachila ya... ou mulungu wosena. Kaha ufuku wa Muchimwe... Chize kutangisa, ufukuuno, lelo na ufukuno, kaha Muchimwe. Muchimwe naufuku naukapwa kutanga chalwola. Kaha—kaha jino echi nachikuhana enu Chivali, Likumbi Iya Mwaka Wauhya; kachi enu muli kusali yambaka, munhase kuya kwimbo.

⁴² Kaha etu natuya nakupwa vamwe vakakuzata hano jino va chize kuliwana. Etu, lize—lize lizavu lyalinene lya vakakuanjika, kaha muthu wosena mwaya na kuhanjika halwola halwola, mbwe na mukachi ka ufuku. Kaha lwola lumwe vakiko valile mbolo, kachi echi chili mumukana. Ngunahono kutachikiza nge vakiko vali muli elu lwola, mokomoko chiku. Hazevene vali nakunduhuma, na kutambakana, na kuvilika, na kunwa, kaha nakutwalilaha, etu tuli nakulya mbolo. Amena. Putuka Mwaka Wauhya kanawa, na mbolo. Jino, enu tunamisanyika muvosena. Kaha Ngwafwelela chize, enu, Kalunga wa melu mwaya nakumihana enu lisesa lya kutwama cheka kachi enu munahase.

⁴³ Jino, shimbu kanda etu tupandame kuli eli Lizu, Ngwatondo kuhanjika echi, nawa, nge Ngunasakwilila lino liuka, navathu vacho, hali ino suti yakuvwala yamwaza eyi mwangulanjilanga. Ngwamisakwila, chikuma. Echi chinapu chikuma kuli yami. Makati enu osena na vyuma kuhita mu—mu—mungonde ya Christmas, na mawana aze mwatumine ku chisaka chami, kaha, mamalelo, Ngwa, vakiko kavangulavileko. Kaha mapenga amandende akuzeneka kukwata mukachi ka muchima wami, kakwapwile chumachimwe chahashile kulinga ngachizeko, kutachikiza nge chafumine kuli ove. Kaha vamwe vavo vangutuminyine mawana avo a Christmas mu mali.

⁴⁴ Kaha vamwe vatumine vyangachize. Umwe ndumbu walunga angutuminyine kamukanda kakandende, akatungile na kusonekaho lijina lyami. Naka ndongo kakandende kaze ove unahase kulimona; kapwile na Lilombo lya Mwata hakakiko. Kaha, mamalelo, vyuma vyakufwana ngachize, mukiko kaha, etu tuli kaha vakuwahilila. Pwevo lyami na Yami, kaha vana vanatondo kumilweka, “Kusakwilila, chikuma.” Chinapu chachindende. Oloze Nanguya nakuhanjika echi, eli linapu lizu lyalinene Ngwashingtonyeka nge kalamuthu nahase kuhanjika ngwenyi, “Kalunga amikisule.” Kakweshi chuma chinahase kupwa chachinene.

⁴⁵ Jino, kaha kuli ava vandumbwetu hano haliuka, vase vangulanjilile uta, Ngwa—Ngwawwale suti yami, oloze Kangwa—Kangwanehele uta kuno kuliukako. Oloze chapwile... Vakiko vene vatelele kupwa nachumachimwe hali yami, keshi ngochoko? Shikaho Nguli—Nguli—Nguli vene wakusakwilila, vandumbwami. Kaha Ngwapwilenga nakuya nakutanga majina avo ha kakandende... Oloze umwe hali vase vandumbwami akatukanga zau, ngwenyi, “Mamalelo, kanda—kanda—kanda kungusakwilako, Ndumbu walunga Branham. Echi nachiya nakufumisa kuwahilila muli echi.” Talenu? Shikaho Ngwashingtonyeka pamo vosena pamo kushinganyeka vyuma vyovimwe. Oloze Ngukwechi lijina lyovo. Vakiko vanalisonekaho. Nanguya nakwanuka echi. Kaha Mwata amikisule mwamunene.

46 Kaha enu munatachikiza chuma Ngweji kunokelanga, kaha kuya muze muzuvo ya wina na kutwama muze, nakuoyela muze. Omwo Nangupwa waketunguluka, Kangweshi kutwalilahoko, kahajino kushinganyeka ha ungeji waunyanga Ngwayile kumwe, mokomoko kumwe ngwayile kukwata ishi. Ngwasakwilila chize. Kalunga amikisule.

47 Jino, echa etu tunongame mitwe yetu chindende kaha, shimbu etu tuli nakupanda ku Lizu. Ngunafwelela kuli kutonda kuvalembelala chili hano chino chimene, amavulu hakuwalava jino. Shikaho Ngwalikomokela, shimbu etu tuli namitwe yakunongama, kutonda kumilembelala chakulimanyina, kachi ove nauchihaka mumuchi wove, kaha kuzundula mavoko enu, kaha nakuhanjika, “Kalunga, Ove unatachikiza chuma muka Nguli nakushinganyeka jino.”

48 Mwata Yesu, Ove uli nakumona livoko lyosena. Kaha Ove unatachikiza chuma muka chili kunyima yachize. Kwishi lya lize livoko kuli kutonda. Kaha etu tuli nakwiza jino, nakavumbi, kukanduka ku Litanda lya Kalunga wakuyoya, lize lyalinene litoma nge pemba ize ili nakuhita kwosena muatangatanga ya lwola, kuze Yehova Kalunga atwama Muze, kaha Manyinga a Kulishitu atwama ha kamenga. Kaha etu tweji kuhanjikanga kuhita muli aze Manyinga, hali Ikiye uze ahanjikile ngwenyi, “Lomba Tata kalachuma mu Lijina Lyami, navaya nakukuhanacho.” Kaweshi Ove kwiwva, Kalunga, chimene chino, kaha kumbulula kutonda chavo? Ngunahake kulomba chami na chavo, lelo, nge Ove muya nakuvahanacho.

49 Hano hali malesu ali hano, Mwata, ava kakuviza nakuyanda. Kaha etu vatulweka mu Mbimbiliya, nge, “Vafumishile malesu na mahina kuli Mukakujila Paulu, kaha vawahakile hali vakuviza, kaha mashipilitu amapi afumine nakulovoka muli vakiko, kaha misongo yavafumine.” Kaha, Tata, nge omu taunatachikiza ha lwola lwalusuku, kaha etu tuli vene vakutachikiza nge etu katweshi Mukakujila Paulu ko. Oloze, hanyima yavyosena, etu tuli nakwivwa nge kapwile Mukakujila Paulu ko. Apwile Kulishitu ikiye apwile muli ikiye. Kaha Ove uli “youmwe zau, lelo, na hayamyaka,” kutesekesa na Chisoneka. Jino, ava vathu, Mwata, fwelelenu ngwove kachi etu natumulomba Kalunga, kaha nakumbata awa malesu na kuwahaka hali vakauviza, nge vakiko navayoya. Ngwalombo nge nachiya nakupwa ngocho, Mwata, omwo awa malesu navawahaka hali vakakuviza.

50 Kaha nge omu vamba ngwavo, lwola lumwe, Isalele kuputuka hamukana wamulimo, kuya kulimbo lya lushiko, kaha Kalungalwiji Uchila avavatwileko, hazevene mujila yamulimo. Oloze Kalunga atalile hano hamavu kuhichila muli Panda ya mulangi wa Kakahya, na meso autenu, kaha kalungalwiji evwile woma. Kaha akindikile makanya eyi nakukinduluka kunyima,

meya acho. Kaha va Isalele vahichile hamavu aumu, nakuya ku limbo lya lushiko.

⁵¹ Jino, Mwata, lelo, tala kuhichila mu Manyinga a Yesu. Kaha Ove tala ha vilinga vya lufwelelo evi etu tuli nakulinga hano chimene chino. Kaha echa Satana evwenga woma kaha atambuke nakuya. Kaha echa wosena ou mukakuzuzuma ali muno, na kala lilesu lyosena lili aha, echa akiko... jila yisokoloke, kaha kuviza chitambuke nakuya, kaha echa akiko ayenga kulifuchi lya lushiko, kupwa akutwaminyina kuli Shipilitu Wajila, eyi Panda ya mulangi wa Kakaya. Tuhanecho echi, Mwata.

⁵² Jino, kisula kutangisa, awa mazu, na mutwe, na kutanga. Kaha echa Shipilitu Wajila ambate Lizu, chimene chino, kaha ali tumbunune Lyosena kuli etu vosena, Mwata, nge omu tuli nakupandama kuchuma chachinene chize etu tunatachikiza keshi nge mwekako. Michima yetu yitambuke mwaungeji, Mwata. Kaha etu twalombo jino, nge omu tuli nakavumbi ka kupandama kuli Ove na Lizu Lyove, nge Ove muya nakulumbununa kuli etu ulumbunuiso wacho. Etu twalombo echi mu Lijina lya Yesu. Amena.

Jino, ufukuuno, kanda kuvulyamako... *Elu Lwola, Lwola Muka Luno?*

⁵³ Kahajino, chimene chino, Ngwafwila kufukununa, naenu nawa muli na Jimbimbiliya jenu. Mokokoko fundenuho, kachi nge munazange, mu Visoneka, muze etu twatondo kuhanjika kufuma, ha tando yayindende, kuwanywa mu Mukanda wa Vilinga. Etu pamo tutange havihela vivali mokomoko vitatu. Vilinga 26:15, chatete. Vilinga, 25 kapetulu na vasi 15, kuputuka.

⁵⁴ Kahajino etu twatondo kutanga Vilinga 23:11. Kaha ove unahase kuhakilako echi, kachi nge unatondo, Yami kangweshi kupwa nalwolako lwa kutanga evi Fwilipu 1:20. Echi chili cha kutangisa chachimwe, mazu oamwe.

⁵⁵ Jino, mu Mukanda wa Vilinga, 26:15, omu natutanga ngana:

Kaha Ngwamuhulishile ngwami, Ove Mwata, yove hiya? Kaha ikiye ngwenyi, Yami vene Yesu uli nakuyanjisa.

...katuka, wimane hamahnji ove: mwomwo Ngunalisolola kuli ove hachuma echi, ngunakutongola kupwa mukakuzata kaha uchinjiho havyuma unamono, kaha navize Nangukakusolwela omu nangukasoloka kuli enu;

Nangukakuyovola kuli vaka muyachi wove, nakuli Vakamafuchi, ...kuze Nangukakutuma,

Mangana ukavatonese vakalumuke kufuma mumilima nakwalumukila kumusana, kaha vafume kungolo ja Satana nakwalumukila kuli Kalunga, mangana

vakavakonekele milonga yavo ya shili, nakutambula chazano chavo muli vase vajilika hakungufwelela.

Shikaho, Ove . . . Angalipa, Kangwalikangile kuchimweneso chize chakufuma mwilu ko:

Oloze ngwavangilile kwambulila vase vaku Ndamashiku, naku Yelusalema, na kujingalila ja lifuchi Iya Yuleya joseni, na kuli . . . jino Vakamafuchi, nawa ngwami vakunyuke hashili na kwalumuka mumuchima valumukile kuli Kalunga, vazatenga vilinga vyakuta na kukunyuka hashili nakwalumuka mumuchima.

56 Mu Vilinga 23, na vasi 11 cheka:

Kaha jino naufuku Mwata emanyine kwakamwihi na ikiye, nakumwamba ngwenyi, Kanda wivwa woma ko, Paulu: mwomwo . . . ngana muze unambulula unjiho wakunguvuluka mu Yelusalema, mwomumwe nawa kuvanga ukangulumbunune naunjiho namu Loma.

57 Echa Kalunga ahakeko jikisu Jenyi jakujila kukutanga cha lyalikoji, Lizu lyajila eli tuli nalyo kumeso etu.

58 Jino, Ngwapwilenga nakwivwa lunga umwe kuhanjika, mokomoko kuhanjika, kahashimbwile chikumako, kaha ikiye azachishile lizu Iya: *Chikumishilo*. Kaha Ngwashinganyekele, “Eli linapu lizu Iya mwaza.” Ngweji kulivwanga lwola lwaluvulu, “cha Kukupuka chikuma.” Mukiko . . .

59 Ngwalitalile muchikukulwishi, cha Webster. Kutesekesa na Webster, wapwa “Wakukupuka muchivene; chakwilila mujingolo jacho; muwihi nge makumishilo.” Kaha chuma navamba ngwavo *makumishilo* chili “Nge amena. Mukiko kaha.” Nge Chikumishilo, mukiko chili. Chili “Jize ngolo jakwilila,” eli lizu Iya *chikumishilo*. Lili—lili nge, “Kukupuka muchivene. Mukiko kaha chili. Mukiko lyapwa.”

Ngwashinganyekele, “Echi hichuma chaupahu. Eli linapu lizu Iya mwaza.”

60 Kahajino, lizu lyapwa chishinganyeka chinasoloka. Chatete, lyatela kupwa chishinganyeka, kaha jino hinalize nakupwa lizu. Mwomwo, enu kamwahanjika mazu enu chakuzeneka chishinganyeka.

61 Nge etu natuhanjika mumalimi, etu kakweshi na chishinganyekako. Ali Kalunga kuhanjika vishinganyeka. Vinapu vishinganyeka vya Kalunga kuzachisa mivumbo. Etu katwashinganyeka mokomoko kutachikiza chuma muka muli nakuhanjika nge muli nakuhanjika mumalimi, nge chili kuhanjika chakuhwimina. Nge namuya nakulumbununa, ove kutachikiza chiku ovyo uli nakuya nakuhanjika. Ove muchihanjika kaha. Mukiko kaha. Talenu? Uze ikiye Kalunga. Kaha kupolofweta, ove kaweshi nakuzachisa vishinganyeka

vyoveko. Ali Kalunga, mwomwo ove muhanjika vyuma vize muvangila kushinganyeka numba uvihanjike. Talenu?

⁶² Oloze eli lizu *chikumishilo* lili “makumishilo.” Kaha shikangaho, Ngwashinganyeka nge kalamuthu atela kupwa na makumishilo. Kaha kala kuhasa chosena chachinene chize vahashile, kunavangilanga kupwa chikumishilo kunyima yacho. Numbathu chapwilenga ngachilihi, chapwile na makumishilo kunyima yacho. Kaha kala muthu, hakulinga muthu ahase chumachimwe, atela chatete kupwa na chikumishilo. Kaha ize ikiko peho yamakumishilo yakunyima, kuhichila muli *echi*, na *chize*, kuhita nakukinduluka *mukwavo*, palanga enu namwiza ku chikumishilo, mokomoko amena, mokomoko chikumishilo. Mwosena omwo ove wapwa . . . Ove ukwechi chumachimwe ove watela kulikasako, mujila ikwavo. Nachipwa kwakukashila kwamakumishilo, kuli kala kuhasa. Chili kumwe. Chinahase kuhita mujipeho jakuhandunuka handunuka palanga namu nachiheta kuze kwakukashila, oloze kuli amena ku vyosena. Kwatela kupwa chuma chamuyachi ngachize. Ove kaweshi kuhasa kutwalilaho nakuhita muchiyoyelo chakuzeneka kupwa naumwe ko.

⁶³ Enu, nge namumbata, kwatela kupwa peho kunyima kuhita muvishinganyeka vyove, chumachimwe, palanga enu namuliwana kwakukashila. Kaha echi chatela kupwa zangi na pwevo lyove, mokomoko lunga lyove. Chamwaza, pamo keshi litananako nge pwevo lya John; mokomoko ikiye, chamwaza, ikiye keshi uze—uze *echi*, *chize*. Oloze kuli chumachimwe hali ikiye, chize, enu, nachimikwata enu. Enu—enu—enu ngwenu, “Ikiye nahase kuhona kupwa litanana nge vakwavo veka,” mokomoko, “Ikiye pamo kaeshi wamwazako nge veka.” Oloze kwatela kupwa chikumishilo, chize chize muthu atela kupwa wakuhandunuka, kaha kuze kukiko naukwachilila. Kachi chize kacheshiko, ove kawatela kumbatako. Chize chakukashilako! Chize chikumishilo!

⁶⁴ Etu tunahase kushinganyeka vavavulu vaze vapwilenga na chikumishilo, mu Mbimbiliya. Mamalelo, omu tunahase etu kumbata, nakushikumuka kuhita mukaselwoke wa Mbimbiliya, kaha nakupwa kaha kuno mumilungu ivali; kaha kanda lyehi numba kukwata numba helu, kachi etu natushinganyeka havikumishilo mu Mbimbiliya. Chakutalilaho, echa yami ngusanyika umwe mokomoko vavali, nakuvajimbula chindende.

⁶⁵ Tala hali Yopa. Jino, ikiye apwilenga na chikumishilo. Vyuma vyosena vyahengele na ikiye, lunga wakwoloka. Jino, etu tunahase kuhanjika ngwetu apwilenga wakwoloka, mwomwo Kalunga ngwenyi mukiko apwile. Kakwapwile naumweko hano hamavu apwile nge Yopa. Ikiye apwile wakukupuka, kumeso a Kalunga. Kaha ikiye atachikijile, mwomwo ikiye apwilenga na makumishilo. Ikiye apwilenga na chikumishilo, omwo vyosena vyasolokele kulimbalaka.

66 Misongo kulovoka. Masepa jenyi pamo vahanjikile ngwavo, “Jino, yove ou, Yopa. Echi chinenjikiza nge ove uli nakuvulumuna. Ove uli wakuhenga.” Kaha jino va mbishopu vejile. Vakiko vamusanyikile vakakuvendejeka Yopa kwiza. Kaha kachi kumuvendejeka ikiye, vakiko kavamwene chuma chekako shina shili kaha mu chiyoyelo, mwomwo Kalunga alingile na ikiye mujila kana Ikiye alingile.

67 Kaha vana venyi vavajihile. Upite wenyi—wenyi vawochele. Vyenyi—vyenyi vyosena vyahengele. Kaha na chiyoyelo chenyi chapwile muukalu, kutwama hachishita cha uto, kufuma kumuchama wa mutwe wenyi swii na kuvilyachilo vyenyi, na mahute. Kaha nauze wenyi wakuzanga, uyema wakulihata nenyi, naye yavaze vana, ngwenyi, “Ove watela kushinga Kalunga na kufwa cha kufwa.” Oloze mumeso avyosena vize, Yopa apwilenga na chikumishilo.

68 Mamalelo, mulwola lwamisongo, kachi etu tunahase kukasa etu vavene ku chikumishilo!

69 Yopa atachikijile nge ikiye natwame na Yehova. Kaha ikiye apwile na lufwelelo muchuma ikiye alingile, mwomwo Yehova atondele chize. Etu tunahase kulinga chumakana. Yehova atondele mulambu wakulumba ha shili yenyi. Kaha Yopa, keshi kaha hali yaveneko, oloze nahali vana venyi, ahanyine mulambu wakulumba, kaha chize chikiko kaha chuma Kalunga atondele.

“Mamalelo,” ove unahase kuhanjika ngwove, “Ngwafwelela chize chikiko kaha Ikiye natondo nalelo.”

70 Chili chachindende hali chize. Lufwelelo kaha mu Lizu Lyenyi! Kaha enu, kachi enu namulingisa Lizu Lyenyi kupwa chikumishilo, ove unahase. Kala kushika cha Ukalunga mu Mbimbiliya, ove unahase kukasako mwono wove kuli chizee. Chipwethuhu makanya nawavula ngachilihi kukuveta nakujinguluka, ove hanga wakashiwa; chikumishilo chove.

71 Kaha akwachilile kuli chize. Kaha omwo vakakumuvendejeka vambile ngwavo, “Ove unavulumuna,” ikiye atachikijile nge kalingilemoko. Ikiye apwile wakwoloka, mwomwo ikiye apwile nalingi muchima wa Yehova. Kaha omwo venyi vosena . . .

72 Uze lunga ejile nakwingila, ngwenyi, “Ove vana vove vanafu.” Mukwavo eji nakwingila, ngwenyi, “Vangamela jove vanavocho vosena. Kaha kwezanga kakahya kufuma mwilu.”

73 Talenu kulipika kana chapwile mukachi ka vakakumuvendejeka. “Mwamono? Kaze kakahya kufuma mwilu. Jino, Yopa, uze enjikijile.” Uze kamwene chuma chimweko. “Jino, Ikiye keshi navete hali vanavove, Yopa; ove uli muthu wakwoloka.”

74 “Oloze,” Yopa ngwenyi, “Ngunatachikiza nge Ngunalingi mwakwoloka.” Ikiye akwachilile lika. Ikiye apwile nachuma

chimwe chize ikiye ashikumwishile hamavu. Mukiko kaha. Ikiye achitavilile. Ikiye alingile muze vene Kalunga amulwekele ikiye kulinga, kaha ikiye apwile vene wakukunyuka. Chosena chakwoloka.

⁷⁵ Kahajino omwo ikiye ejile kuchuma chivene, omwo chikumishilo chakwachile, kahajino makumishilo aputukile kwivwa luze lungoji kukashiwa. Luze lwapwile nakumbwembwela, nakutumbwojoka, oloze lwaputukile kukashiwa. Kaha Shipilitu yejile hali ikiye. Kaha ikiye emanyine, hakupwa kapolofweto, kaha ikiye ngwenyi, “Ngunatachikiza Mukakungusokola ayoya.” Amena. Talenu? Ikiye alikashikile chikuma ku chikumishilo. Ikiye ejile nakuliwana nenyi. Ikiye atachikijile nge ikiye nalingi muze mwakwoloka, kaha likumbi limwe ikiye atela kuchikoka. “Ngunatachikiza Mukakungusokola ayoya, kaha kumakumbi akumakumishilo, Ikiye mwakaya nakwimana hano hano hamavu. Chipwethuhu hanyima ya jindulo kwenyeka chikova cha mujimba, oloze mumujimba wami wanyama Nangukamumona Kalunga.” Ikiye atachikijile. Kahajino chikumishilo chenyi chazamine mbe.

⁷⁶ Apalahama, chikumishilo, kwiza nakushikumuka kufuma ku Mbavilone, kufuma ku kaposhi, kwiza nakulovokela mu Shina, kaha muze mukiko ikiye apwile kupwa ngeji na ise, kaha pamo apwile jimi. Oloze likumbi limwe, kunyima okwo muchipapa kumwe, pamo nakwanda jipawa, mokomoko—mokomoko kuya nakujihya kanyama wakulya nyama; kaha kumwe kunyima okwo, Kalunga ahanjikile kuli ikiye, omwo apwilenga na myaka sevete faifi yakusemuka. Kaha ikiye apwile. . . Ikiye na pwevo lyenyi, Sala, ikiye kupwa sikisite faifi, apwile wakuzeneka mwana—wakuzeneka mwana. Vakiko kavapwile na mwanako. kahajino Kalunga amulwekele ikiye, “Ove muya nakupwa na mwana na Sala. Oloze, hakulinga echi chilingike, ove watela kulihandununa.”

⁷⁷ Kalunga jishiko jenyi lwola lwosena jatwama na mukeleko. Ove watela, vene. Chipwethuhu chikuku chove chika na lushiko, luli na mukeleko, lwola lwosena. Omwo tunahase kwimana hano na kuhita mu Visoneka, kunyima na kulutwe, ha ola amavulu, talenu, uze mukeleko ukiko uli naulumbunuiso wa chuma chimwe. Ove unahase kupwa wakushishika nge omu unatondo, oloze echi chili mwishi ya mukeleko wa lushiko, kutongola, na vyangocho. Tachikizenu.

⁷⁸ Jino, “Apalahama, ikiye afwelele Kalunga, kaha vamuvulukilecho kupwa wakwoloka.” Jino, chuma kana—kana hakuli humangana na—na kaye kakutona, lunga wa myaka sevete faifi yakusemuka, na pwevo wa sikisite faifi, kaha vanayoyenga hamwe kufuma kukweze wavo, mwomwo ikiye apwilenga musonyenyi, kaha jino kuya nakupwa na

kemba naikiye. Oloze ikiye apwilenga na chikumishilo. Kachi nachimwe chasolokele chauchi.

⁷⁹ Kaha nge, kakweji watete, kachasolokeleko, chikumishilo chenye chakwachile, mwomwo ikiye atachikijile nge ahanjikanga na Kalunga. Kakweji wamuchivali, mwaka wamuchivali, myaka likumi, kaha ha myaka twende faifi halutwe, omwo ikiye apwilenga na myaka handulendi, kaha Sala apwile ma niyite, chikumishilo chenye hanga chakwachila.

⁸⁰ Kaha Mbimbiliya ngwayo, mukiko mujimbu wenyi vausoneka, Ikiye ngwenyi, “Apalahama katyangilileko ha lushiko lwa Kalunga, kuhichila mukuzeneka kufwelela, oloze apwile wakuzama, kuhana kwalisa kuli Kalunga.”

⁸¹ Mwomwoika? Enu mwashinganyekaho lyehi nge mwomwoika? Ikiye apwile chikumishilo, hakuzama. Kaha chuma chimwe ikiye alingile chapwilenga kulihandununa kufuma kuli vathu jenyi. Kaha Kalunga kamukiswile ikiyeko palanga nomu ikiye alingile. Ikiye ambachile ise. Ise afwile. Ikiye ambachile Lote. Kaha omwo, hanyima Lote ahandunukile kufuma kuli Apalahama, kahajino Kalunga ejile kuli ikiye, ngwenyi, “Jino tambuka nakuhita muno mulifuchi.” Talenu?

⁸² Kwononoka, lushiko, mwishi ya mukeleko, lwola lwosena lwaya na Kalunga na Lizu Lyenyi. Jino tala aha . . .

⁸³ Echa tumbate Mose. Mose, uze—uze ngamba kapolofweto wakunyina, uze Kalunga akatwile na kumutangisa ikiye munganda ya Fwalo. Kaha—kaha Mose ayile na kulilongesa cha kulinangula mbimbiliya, kaha apwile lunga watete ajihile. Kahajino, ukalu waundende wejile, kahajino Mose alizakaminyine chikuma kuma.

⁸⁴ Mwomwoika? Ikiye apwile na chamakumishilo. Ikiye apwile kaha na—na unjiho wa naye wakusemuka chenye. Ikiye apwile mwana wakulimanyina. Ikiye apwilenga na lizu lya naye hali echi. Ikiye apwilenga na mukanda uze Kalunga pamo mumapipilo kumwe, vakiko vasonekele, vapwilenga nayo, kaha Kalunga apwilenga nakuya nakutambukila vana Venyi. Ikiye atachikiza nge luze lukiko lwola.

Nge omu etu tweji kulinganga jino, etu twatachikiza chumachimwe nachiya nakusoloka.

⁸⁵ Jino, Mose atachikijile luze lwapwilenga lwola kana, kaha ikiye atachikijile nge apwile wakusakula hali chize, oloze oloze ikiye kapwile na chikumishiloko. Talenu?

⁸⁶ Kaha likumbi limwe, kunyima kuze kusali ya pambo, omwo ikiye ajimbalishile chize chimweno, Kalunga alisolwele kuli ikiye, chiputa chakakahya. Kaha Ikiye ngwenyi, “Mose, Ngunamono kuyanda cha vathu Jami. Ngunevu mitete nakulila chavo, cha vase vakakuvazachisa kuvashinjejeka. Kaha

Ngunanuka lushiko Lwami. Nguneza nakuvasokola vakiko. Jino yako shikumuka ku Yijipitu.” Mamaah, yami!

⁸⁷ Ngwenyi Mose, kuyayavala, kuhanjika ngwenyi, “Kangwahanjika kanawako. Yami—yami kuhanjika chami kacheshi kanawako. Vakiko kaveshi kuhasa kungufwelela yami ko.”

Ikiye ngwenyi, “Chuma muka chili mulivoko lyove?”

Ikiye ngwenyi, “Mukombo.”

⁸⁸ Ikiye ngwenyi, “Umbile hamavu.” Walumukile kupwa linoka. Ngwenyi, “Mumbate nakumukwachila kumukila.” Walumukile cheka kupwa mukombo. Ikiye apwilenga nakumuhana ikiye kukunyuka, kwinjikiza.

⁸⁹ Nge Kalunga mwahana chikumishilo, Ikiye mwahana kwinjikiza kuli chize chikumushilo lwola lwosena.

⁹⁰ Kahajino Mose, omwo apwile kuze, kaha ikiye ambulile uze mukombo hamavu kumeso avaze vakavisava na Fwalo, kaha vaze vakavisava vejile na kumbila hamavu mikombo yavo navakiko nawa, Mose kalahile na kwamba ngwenyi, “Mamalelo, chamwaza, Ngunayinga mwakuhenga. Ha, echi chinapu visava vyamokomoko, kaha pamo Ngwahengesa.”

⁹¹ Oloze ikiye atachikijile. Ikiye apwile wakuzama nge aliwanyine na Kalunga, kaha ikiye hanga emanyinanga lwii. Echa tuhanjike nge ikiye alingile vene mwamulwekele Kalunga kulinga. Shikaho mwomumwe namuze alingile Yopa nge muze amulwekele Kalunga kulinga. Mose akavangijile jishimbi Jenyi. Kahajino, hanga nemanyina lwii kaha talenu upahu wa Kalunga. Mose apwile wakukasa ku chikumishilo chenyi, kutuma chenyi, kaha ikiye hanga nemayina lwii. Kaha omwo alingile ngachize, linoka lyenyi aminyine vaze manoka vosena vakwavo. Talenu? Ikiye apwile wakukasa kuli chize chikumishilo.

⁹² Kalunga ngwenyi, “Omwo mukavasokola vana vami, namukaya nakulifukula Yami cheka hano haino pili.”

⁹³ Jino, uze mukakole, mujila yosena ize nahase, mwaya nakweseka nakukufumisa ove kufuma kuli chize chikumishilo.

⁹⁴ Hazevene vakiko vaputukile kulovoka mu Yijipitu, vakiko vavengishile mufweke ya uze—uze Kalungalwiji Uchila, jipili sali na sali. Kwiza nakuhita muchana, kaha kuze kwapwile Kalungalwiji Uchila. Jila yeka yauchi yakuchinyina jize jipili, jila yeka yauchi yakuchinyina *eyi* jila, kaha maswalale ja Fwalo kwijila *eyi* jila. Chihela kana kwimanamo!

⁹⁵ Talenu omwo liyavolo mwakwingisa muchihela muze ove uhone kutachikiza na mwakulingila? Oloze anuka, kachi ove uli wakukasa kuli chize chikumishilo, chize uli nacho.

⁹⁶ Mose atachikijile nge Kalunga amushikile, nge, “Enu namukaya nakulifukula hali ino pili omwo ove mukavalovola.

Kaha Ngunasuluka hamavu, na livoko lyove, kuvasokola vakiko na kuvahaka kusali kulifuchi likwavo.” Ikiye atwamine haze vene nachize. Kaha Kalunga atumine peho yakumututuko na kushijika meya, kufuma kwishi ya kalungalwiji, kaha vakiko vatambukile nakuzauka ha mavu aumu. Chikiko chikumishilo!

⁹⁷ Omwo etu tunahase kuya nakuhita mu Visoneka: Ndanye, chikumishilo chenye; Shadrach, Meshech, na Abednego, chikumishilo vyavo; Ndavichi, chikumishilo chenye; vosena, chikumishilo.

⁹⁸ Paulu apwile Nachimwe, nawa, uze Umwe etu tuli nakutangaho. Ikiye apwile na kusanyika cha kwimanyina hali Kulishitu, kaha chize chikiko chapwilenga chikumishilo chenye. Ou ukiko mulonga ikiye kevwie womako wa Angalipa mwahanjika ika. Kwimana haze, kaha Angalipa apwile ka Yuleya, nge omu etu twatachikiza. Kaha shikaho jino omwo ikiye emanyine kumeso avaze va myangana na vize vyuma, Kalunga tele namulweze lyehi ikiye nge mwaya nakwina kuze. Shikaho ikiye apwilenga na chikumishilo, shikaho ikiye avalweze vene chimweno cha Mwilu. Ngwenyi, “Kangweshi na...Kangwahashile kuhona kuhana kavumbi kuli chizeko. Ngwapwile...Kangwahashile kuchikakasanako. Kangwapwile nakatangalakaji ko.” Oloze ikiye kwachile kuli chize, kaha kapwile wakulikangako. Ikiye achikavangijile, minyutu yosena, mwomwo Chize chapwilenga chikumishilo.

Kaha wosena ali na chiyoyelo cha kwimanyina hali Kulishitu, echi chikiko chikumishilo chenu.

⁹⁹ Jino, kufuma haze hakuliwana na Ikiye, meso na meso, mujila yakuya ku Ndamashiku, chize chapwilenga chuma cheka kuli Paulu.

¹⁰⁰ Jino, anuka, ikiye apwile mukakutanga, shimbu kanda. Ikiye apwile chindume mu Visoneka. Oloze ikiye kapwile naku akashiwileko oloze va Sulandelini vakiko vamukafwilenga, kaha na—kaha na lipoloma lya kufuma kuli—kuli—kuli mulongeshi wamunene. Ikiye apwilenga lunga wamunene muwande wenye. Oloze ikiye apwilenga nakuvandamina. Chuma chimwe kaha ikiye apwilenga na chikumishilo chenye chize chakukola nge omu chapwilenga chikungulwilo chenye. Muze mukiko ahetele kuzama chenye. Kaha ikiye apwilenga nakuzata mwakushishika kuli chize, kaha apwilenga nakumbata Vakukulishitu, na kuvakasa, kaha nakuneha ukalu muli vakiko, kaha ashile lilolwa Setefwane.

¹⁰¹ Ngwashingtonyeka, halutwe muchiyoyelo chenye, mulonga ikiye ayile ku Yelusalema: Omwo, uze kapolofweto amulwekele ikiye, “Kanda uya kuzeko, Paulu, mwomwo malenge na jele ili nakukuvandamina.”

¹⁰² Kaha Paulu ngwenyi, “Ngunatachikiza. Oloze Kangweshi nakuya kaha ku Yelusalema nakupwa kaha chinjiho ko. Oloze,

Nguli nakuya kuze, Nguli wakulizanga kufwila Yesu Kulishitu.” Mwomwo ikiye atachikijile chuma ikiye alingile, kaha kufwila chenye chapwilenga kujika unjiho wenye na manyinga eyi ivene, afwenga wakujihia, mwomwo ikiye ajihile umwe chinjiho cha Kalunga.

¹⁰³ Kaha jino ikiye apwilenga mujila ya kushikumuka na kuya ku Ndamashiku, na kutanga chenye chosena. Chakufuma kuli mulongeshi wamunene, Gamaliel, na omu vamulongesele mu kunangula cha kulifukula cha Yuleya. Kaha ohonyi, na vyosena vize, ikiye apwilenga wakuhona kuzama, kaha kapwile na ngolo ja kulinga vyuma vimweko. Kaha kukasumuka, kwejile Kumunyika, na kukanguka, pamo, na mukalateta. Kaha ikiye vamuvetele, kaha aholokele hamavu.

¹⁰⁴ Kaha ikiye atalile helu. Kumana kwapwile Kumunyika cha nakumuyika, chize chajimine meso eyi. Kaha chuma kana chungaji chasolokele. Kakwapwile wekako amwene chize Kumunyika, shina Saulu. Chize chapwile chakushika, shikaho hatoma kuli ikiye, palanga Chize chajimine na meso eyi. Ikiye kahashile kumonako. Chikupu kapuputa, na ize Panda ya mulangi wa Kakahya kumwocha ikiye kumeso eyi. Kaha ikiye ewwile Lizu kuhanjika ngwalyo, “Saulu, Saulu, mwomwo ika ulinakunguyanishila Yami?”

Ikiye ngwenyi, “Mwata, Ove Hiya?”

¹⁰⁵ Kaha Ikiye ngwenyi, “Yami Yesu. Kaha chili chachikalu ove kuveta mumisomo. Katuka jino, kaha yako nakwingila mu Ndamashiku, kaha umwe navakamutuma kuli ove.” Kahajino omwo ikiye akatukile nakufuma kuze. . .

¹⁰⁶ Kaha kwapwile umwe, kapolofweto, muze vene mumbongi, uze amwene chimweno shimbu ikiye apwilenga nakulomba, kaha ikiye ejile. Ananyiya ejile, kaha ejile kuli Saulu. Ahakile mavoko eyi hali ikiye, kaha ikiye ahindikile na kuhinduka cha Ukalunga. Ikiye akatukile cheka, vamujiimikile, kukosa jishili jenyi, kusanyika ha Lijina lya Mwata. Kaha jino ikiye himwapwa na chikumishilo. Ikiye kapwile cheka mwomumweko kufuma haze. Ikiye ayile, kufuma muliuka nakuya muliuka, kufuma muchela nakuya muchihela, kweseka kutunga vize ikiye esekele kutanya.

¹⁰⁷ Omwo lize lifuchi, omwo Vakakulishitu vamukaye, chimene chino, vanatondo chikumishilo cha ngana. Vaze vali...?... jishimbi jauthu na visemwa, vineseka, na kunangula cha vathu, kuhonesa Lizu lya Kalunga kuhana kupwa lyolimwe zau, lelo, nahaya myaka. Vakiko vanatondeka chikumishilo, kutachikiza chakufuma kukuliwana, mujila ya Ndamashiku, Kalunga wakuyoya Uze nahase kuhindula vakakuviza, nakusangula vafu, na kutapula vandemoni. Chikumishilo cha mwenemwene!

¹⁰⁸ Paulu atachikijile nge chumachimwe nachiya nakusoloka. Kakweshi nauumwe mwahasa kuchifumisa kuli ikiye ko. Chuma

cheka kachapwile naulemuko. Ikiye vamwesekele, kaha mukiko kaha. Chipwethuhu vyose ovyo vyejile, ikiye atachikijile nge ikiye apwile wakukasa, chiyoyelo chakwimanyina ha Kulishitu. Mamalelo!

¹⁰⁹ Echi chiyoyelo chize ikiye ayoyele chapwile chiyoyelo chakuhandunuka. Jino, anuka, ikiye apwile muthu wakulifukula.

¹¹⁰ Kaha enu vathu vamwe chimene chino (kaha Ngunatachikiza enu namwijiva nge ino tepu vali nakuyitunga, navakaimba kumafuchi osena mwishi ya melu, ha, kujinguluka kaye); kaha enu vathu vamwe muli hano, muno; kaha vamwe muli enu kwosena okwo eji jitepu navakajimba mumafuchi avo (kuhila muli mukakulumbununa kujihana kumitundu ya litungu lya mu Africa, kukinduluka nakuli va Hottentots, na—na vosena vanajinguluka); kaha kuli enu vatwamina ja vakakulifula enu munahase kutanga eyi Mbimbiliya:

¹¹¹ Ove unachiwane kufuma mu mumijumbu ya mwaka, kaha pamo unahase kulumbununa vyuma vyosena, oloze kachi ove kawahashile kupwa na chikumishilo ko, kaha kaweshi na—na kutachikizako, kaha kachi uli nakutachikiza chize—chize ove uli kulivuluka kupwa na kulingisa ove kukana eli Lizu lya *Echi* kalyapwile muchano nge Liuka lelo ko nge omu Likiko lyapwilenga, kaha enu muli na fwelele Bachelor of Art degree mokomoko kala vyosena ovyo enu munahase kupwa nacho, kachi enu muli nakufwelela ha vishinganyeka vya chikungulwilo chize nachihanjika ngwacho, “Makumbi avikomwesa ahita lyehi, kaha etu katweshi na kuka cha Ukalunga, kaha lujimiko lwa Shipilitu Wajila nge vakiko vatambwile ha Likumbi lya Pendekosita keshi wa vathu va lelo ko,” kachi omu mukiko ove unahase kulinga, ndumbu walunga, ndumbu wapwevo va mwaza, enu mwatondeka kwijiva chakufuma mujila yaku Ndamashiku!

¹¹² Enu munatondo kuliwana naou Kalunga wakuyoya, kuze enu, keshi kaha nge vishinganyeka vyakutaka muwongo, keshi kuchikima kaha, mokomoko pamo kwivwa chamujimba, oloze kunagula na kwijiva cha muchano, mwenemwene. Ou Yesu youmwe uze atambukile mu Ngalileya ali wakuyoya na lelo, kaha ayoya lika. Kaha Ikiye apwa youmwe zau, lelo, na haya myaka. Chikumishilo, chize ove kawatela kumbata chize muthu weka nahanjika. Munatachikiza enu vavene, keshi nge vyakwivwa kwivwa.

¹¹³ Kaha kchi nge uli na chize cha kwivwa mumujimba, kaha muthuumwe, chinahase kupwa kwivwa chamwenemwene chamu Mbimbiliya, kaha muthuumwe esekele kulumbununa echi nakumitwala kweka, kuhanjika vyuma kana vyapwile vya likumbi lyeka. Pwenu vakuvanguluka. Chili muchano. Pwenu vakuvanguluka. Oloze kuli jila yakutachikiza. Yeseke na Lizu. Echi chinapu chakufunda lyehi.

¹¹⁴ Kachi zuvo nayiya helu kulimbalaka na kufunda chacho, uze kambi mwayipuzula na kuyitunga cheka. Oloze yatela kutesekesa na kufunda chacho.

¹¹⁵ Chipwethuhu ove wejiva ngachilihi, kahajino, kachi chumachimwe muli ove nachikulweka nge eyi eyi Mbimbiliya kayeshi ya muchanoko, jize ngolo ja Kalunga, vapositolo, tupolofweto, na milongeshi, na ma pashita, kaha mawana amu Shipilitu kaweshi chochimweko nge Omu apwile nge Omu ahichile muli vapositolo ha Pendekosita, kuli chumachimwe chakuhenga na chikumishilo chove. Chatela kukashika ku jishimbi ja chikungulwilo keshi ku Mbimbiliya ya Kalunga ko. Omwo, Ikiye ahanjikile ngwenyi, “Na melu na mavu nawakahita, oloze Lizu Lyami kalyeshi kalyeshi kahonako.” Tala chikumishilo chove.

¹¹⁶ Ove unahase kupwa na chikumishilo vene nge ove uli mukulikata chamwaza na pashita. Kaha pamo muli vene vakukunyuka nge muli mukulikata na mukulwane atala mauka amu mbongi. Kaha pamo muli vene vakukunyuka nge muli vakulikata na mbishopu mokomoko navamwe malunga vapuhu va muliuka lyenu. Oloze kachi enu kamweshi ngochoko... Chikumishilo chenu keshi Yesu Kulishitu ko.

¹¹⁷ “Mwomwo hali eli Lilolwa Nanguya nakuhaka chikumishilo Chami, kaha vikolo vya hetese kavyeshi kahasako hali echi.” Kusoloka chamushipilitu cha Ou Ikiye ali, kaha kutachikiza! Chosena chakwoloka. Mamalelo!

¹¹⁸ Jino, omwo ove wejile nakupwa nge Paulu, pwako na chikumishilo nge chize apwile nacho, chiyoyelo cha kwimanyina hali Kulishitu chapwa chiyoyelo chakulimbalaka kuhambakana chize wapwilenga nacho. Kaha chinahase kupwa chiyoyelo cha kulifukula vene chize ove wayoyelemo.

¹¹⁹ Mamalelo, Ngunevunga vathu kuhanjika ngwavo, “Jino, vakiko vali vene vakakulifukula.” Chize kacheshi nachuma chimweko na Echiko.

¹²⁰ Ngunamononga vakakulifukula vavavulu, va kakumukomoka, lwola lwaluvulu vakushishika kuhambakana vathu vakakulivuluka kupwa Vakakulishitu va lelo. Omwo, naye kumbata wenyi wamundende, wakununa, kamba wilava, pamo kusuwa nge ngachize, na kumumbila mukachi ka kanwa ka ngandu, kupwa zangi yenyi kulikombelo. Ngwalikomokela omwo vatela Vakukulishitu kushishika. Omwo, muthu kuliyanjisa lyavene mujila kana, kulihaka malovo pamo sauzande kwingisa muyama yenyi nge *ngachize*, kusukama kusongo kuli jinguja ja meya, kumukwata ikiye nge *ngana*, kaha kutambuka mumulangi wakakahya, kufuma hano nakusongo yayino mbalaka, kuya nakukinduluka, kaha muze mwangengu, vanahehelamo nge *ngachize*, mwomwo ya mulambu kuli likombelo lyenyi, uze likombelo haze na meso ngengu, na

vyangocho. Ngwalikomokela okwo vali Vakakulishitu. Huu-hu. Huu-hu. Shikaho kanda kushinganyeka “kushishika.” Kushishika nge Chikiko. Kushihsika chili chakwoloka kachi vanachihake ha chihela chakwoloka.

¹²¹ Nge ndotolo kuhana vitombo. Ikiye nahase kukuhana ove arsenic, mukushishika, kaha ikiye nahase kukuhana sulfuric acid, mwakushishika. Ove vanahase kukusonekela vitumbo mwakuhenga, kaha ove unahase kuvinwa mwakushishika, oloze chize kacheshi kuhasa kulwila mwono woveko. Talenu? Nduma, mwane. Ove watela kutachikiza chuma uli nakulinga. Kaha kala chuma chakulimbalaka na Lizu lya Kalunga, Kangwalizakaminako chinapu chuma muka, nyi chinashimbula ngachilihi, hanga chili chakuhenga.

¹²² Petulu avahanyine vakiko kusoneka chavitumbo cha Hayamyaka ha Likumbi lya Pendekosita. Ikiye ngwenyi, “Alumukenu, enu vosena, kaha vamijimike mu Lijina lya Yesu Kulishitu chakuneha kujimbangana jishili jenu, kaha enu namutambula wana wa Shipilitu Wajila. Mwomwo echi kusoneka chavitumbo chili kuli enu, na vana venu, na kuli vaze vali kwakusuku, veshovo mwasanyika Yehova Kalunga ketu kwiza kuli ikiye.” Echi chakwoloka. Chize chinapu kusonekela vitumbo Chahaya myaka.

¹²³ Jino, vamwe vileya vakuhana vitumbo vanahase kukuhana ove nakukujiha. Yaah. Punduvene. Munatachikiza, muli ulembe waunene muli vize vanakusonekela, ulembe wakwenyeka tututu, kaha uze—uze ndotolo natachikiza omwo unahase, mujimba wove kwimana. Kachi ikiye mwavulisa ulembe, nachiya nakukujiha. Kachi kaweshi nawoko chikuma, kahajino nachiya nakupwa ngachilihi? Echi kacheshi kuya nakukukafwako hakunwa vize vitumbo. Ikiye natachikiza nge mujimba wove nauya nakwimana.

¹²⁴ Jino, eyi ikiko jila nakusonekele cha Kalunga chapwa. Chipwethuhu muthukala mwaya nakuhanjika echi chatela kupwa muli *eyi* jila, mokomoko *ize* jila, ove kaweshi kuhasa kufwelela echiko. Nge ove muya nakukavangiza eli Lizu mwosena, mukiko kaha. Kwachilila ku Chikiko. Jino, etu tukwechi ava...vaze veji kuhanjikanga, “Enu mwatela kumisapwile.” Vakiko vapwilenga navize. Shikaho, “Enu mwatela kuzachisa mitwe ya Tata, Mwana na Shipilitu Wajila.” Muli vyavivulu chikuma mu Mbimbiliya. Kakweshi chihela chimwe muze kala muthu vajimikile, mu Mbimbiliya, mujila yekako kusali ya Lijina lya Yesu Kulishitu. Chize chinapu kunangula chauthu vanahakilako kufuma mu liuka lya Katolika yaku Loma, chize chinezanga kaha kuhita muvisemunuino. Etu natuya nakuchihita echi ufuku uno.

¹²⁵ Oloze tachikiza, mukachi ka vyuma vyosena evi, chize kusoneka hanga chinemana. Ou ukiko mulonga vavavulu

vana vali nakukola, mwomwo vakiko vali nakwivulila muze mwavalweka Ndotolo. Chikumishilo, nge ove unalikashila kuli Chize, mukiko kaha. Eli likiko Lizu lya Kalunga. Kalyeshi kuhasa kuhonako.

¹²⁶ Chiyoyelo chakwimanyina hali Kulishitu, kupwa wakulifukula chikuma, oloze kapwile chakwimanyina hali Kulishituko. Shikaho vavavulu muli etu vali naechi lelo.

¹²⁷ Kaha nge ove mutambula echi chiyoyelo chakwimanyina hali Kulishitu, nachikulingisa ove kulinga vyuma vize kawahashile kulingako. Echi nachikulingisa kulinga mwakuhandunuka kuhambakana omwo ove unahase kulinga. Kangwatondole kulinga mwauleyako. Ngwatondo kulinga mwa Shipilitu, chuma chimwe chili vene kanawa, chuma chimwe chili chamwenemwene. Kaha nge enu namumona muthuumwe kulinga mwauleya, munatachikiza vakiko vali kaha vanavwele chuma chimwe. Vali kaha na kweseka kulifwanyisa nachize chuma chamwenemwene.

¹²⁸ Nge enu namumona mandolo akwonga, anukenu kuli ndola yamwaza vakiko va fwanyishileko. Talenu? Nge enu namumona bogus, ili kaha vene chifwanyisa cha vyumavimwe vize vili vya mwenemwene. Chili chuma chimwe chize—chize chili chamwenemwene, chili chakukopela.

¹²⁹ Tachikizenu, chinahase kumilingisa kulinga vyuma vize kawahashile kulingako. Mamalelo, echi chili chuma chimwe. Ove watela kukunyuka. Ove uli vene wakukunyuka na echi, nge ove nautambula chikumishilo. Ove uli wakukunyuka. Ove kaweshi kuhasa kumbata kwijiva cha mthuwekako.

¹³⁰ Ou ukiko mulonga Vakakulishitu vaneza nakupwa nge vanyike vavandende mu Mbimbiliya, mokomoko kaha keshi ngochoko, ngukonekelenu, vanyike vavandende mu shikola. Vakiko veji kweseka kukopela kuli umwe namukwavo. Kaha kachi uze mukweze ali wakuhenga, kaha chuma chosena kaha chakuhenga. Talenu? Enu mukwechi mukuta wavo vakuhenga. Mamaah, yami! Kanda kukopelako. Liwane na Ikiye, ove lyavene.

¹³¹ Sepa lyami wamwaza, nemana kuze kunyima, ali wamwaka...apwa mwana walunga wa kasendo kami, sepa lyami wamwaka, kanyike Jim Poole. Mwomwoika, ise yenyi na Yami twakulile hamwe mu shikola. Kaha, mamalelo, apwile mukwetu wambwende! Kanyike Jim na Yami tuli nakulomba chikuma nge uze mukulwane Jim kachi ezenga nakupwa Mukakulishitu, mukakufwelela wamwenemwene. Kaha kanyike Jim na Yami twapwanga nakuhanjika zau nge kulihi etu natuwana Kalunga muze muchipapa kaha twamumwene Ikiye mutengeso yenyi. Muze mukiko enu munahase kumuwana Ikiye. Mwomwo, Ikiye apwa Tengi, kaha Ikiye ali mutengeso Yenyi.

¹³² Kaha Ngunanuka, Jim na Yami twapwilenga na kuya—kuya, kutonda kuya nakuhanga. Kaha omwo ufuku wejile, chamwaza, etu twapwilenga nakuya nakushikumuka, twambate jikinga jetu, kaha kutambukisa muno vene mujila, nawoma wakufwa hakuhita hamafuka mumilima, kaha kuya nakushikumuka na kumbata meya amakaza.

¹³³ Kaha Jim azangile shoot pool. Jino, etu twapwile kaha vanyike vamaalunga, myaka yakusemuka teni, twolufu, fwoteni. Kaha jinonyi Jim azangilenga kutwama nakutanga mikanda yamijimbu ya kuhanga na makonga.

¹³⁴ Kaha Ngwatwaminenga kuze ku nakupwa muvishinganyeka vyakulota. Talenu? Pamo...Kaha jino vamwe vanyike vamaalunga vahashilenga kungumona. Kaha Ngwamwene ka shack kakandende kumwe. Ngwpwilenga nakwamba ngwami, “Kanyike walunga, uze mwaya nakupwa shack wamwaza kupwa mujipili.” Kaha Ngwapwilenga lwola lwosena nakulota vize likumbi limwe Nangupwa nge ngu shack muze mujipili, kaha lizavu lyalinene lya matuwa, kaha—kaha mata amwe. Kaha Ngwapwilenga nakushinganyeka, “Kachi nge Nangupita .30-30, mulwola lwami lumwe.” Kushinganyeka, “Ngachilihi muno mukaye Nanguya nakuwana wami waundende uta .30-30?”

¹³⁵ Kaha likumbi likwavo, kwimana, kutala hambango yami, kaha kumona hapwile mata amwe amwaza atelele kupwa, Ngwashingtonyakele, “Keke yakukomoka.”

¹³⁶ Ngwashingtonyakele, “Nanguya nakulilongesa ami lyavene mwakwashila, na kwasa kanawa. Kaha jino pamo lwola lumwe, kwenda mushipili nakuya muze mujipili, vinyanga vamwe wamwaza navakangutwalamo. Kupwa kaha wambwend...Mwomwo, ikiye mwatondo kuinga chiyoyelo chenyi, pamo, kufuma kuli mulusu wakutenuka. Ikiye kapwile wakukunyukako. Lunga umwe wakupita, mwakaya nakungutwalamo, kuya kaha nenyi, kupwa kaha nge mukakulama mujimba wenyi. Pamo likumbi limwe Nangukaya nakuhanga muze mulitungu ya Africa, nge mukakulama mujimba. Kachi kaha nge Nanguhasa kulilongesa! Chikiko kaha chuma Nguli nakutonda kulinga hakupwa, wakwasa wamwaza.”

¹³⁷ Mamalelo, Ngwashingtonyakele, “Kalunga, shinganyeka, Ove echa yami ngupwenga chinyanga, muno mukaye.” Chuma kana kuwaha!

Jim apwilenga nakutwama na kutanga mukanda. Ngwambilenga ngwami, “Jim...”

Ikiye ngwenyi, “Ngwazanga—Ngwazanga kutanga hali echi.”

¹³⁸ Ngwambile ngwami, “Jim, muze mukiko muthu weka alingile. Ngwatondo kulinga echi, yami lyavene. Ngwatondo

kwijiva.” Omwo Ngwejile kuli Kulishitu, Kangwambachile kwijiva cha mthuumwe ko. Ngwachitondele, amilyavene.

¹³⁹ Ngunanuka omwo Ngwatangilenga Zane Grey’s *Lone Star Ranger*. Ngwaupulile jikombo ja mama havali mokomoko hatatu, nakutambukisa kujinguluka zuvo, kichika kichika, omwo Ngwapwilenga ha lukombo lwa chimbulu. Ngwa—Ngwatangile mujimbu wa—wa *Uze Lone Star Ranger*, omwo anehele chiyulo Nakuchihengesa Chikuma.

¹⁴⁰ Kahajino ngwatangile Edgar Rice Burroughs’ mujimbu wakitaka wa *Tarzani, Uze Wakufwa Iyehi*. Naye apwilenga na lilambu lyamwaka, na mulondo wa lilambu, mokomoko chumachimwe, chize Pwevo Lya Wathen amuhanyine kufuma kuze kukakahya. Kaha lyapwilenga muze mukapete kenyi, kaha Ngwa—Ngwambachile lize lilambu. Mama atachikijile nge peho kayali pekumungako. Kaha Ngwalimbachile, na kuli vatula, kaha nakungutungila suti ya Tarzani, kaha kutwama kuze kwilu kumutondo. Ngwa—Ngwayoyele chimbwa cha lwola lwami mumitondo, kuze mu suti ya Tarzani. Mwomwo Ngwamwene omwo ikiye alingilenga, Ngwatondele kuli ngachize nawa.

¹⁴¹ Oloze likumbi limwe, ha likoji lya Kalunga, Ngwambachile Mukanda wamwenemwene, eyi Mbimbiliya. Mwaso na mujimbu wami unapunga, “Kupwa nge Yesu, hano hamavu Ngweji kufwila kupwa nge Ikiye.” Kangweshi na kutonda kupwa mbishopu ko mokomoko—mokokomoko umwe wamunene muliuka, vamwae va popu mokomoko umwe kapilishitu. Ngwatondo kupwa nge Yesu. Chikumishilo, cheji kukulingisa kupwa wakuhandunuka. Kuli chuma chimwe hali echi, kutanga Lizu Lyenyi, kaha chumachimwe mumuchima wove, ove wawila kupwa nge Ikiye. Ove unapu wakukunyuka.

¹⁴² Echi chili, chikumishilo kuli Kulishitu, chikumishilo kuli Mukakulishitu, chinapu nge. . . Echi, chili nge chikungo cha mupopolo. Eyo. Enu, enu mwatela kupwa na makumishilo. Kaha kachi Kulishitu napu chikumishilo chove, chili nge chikungo. Chize, omwo enu. . . Kalungalwiji apwa wakukinduka, kaha nge mbopolo ili yakulizanga kujiminyia, kaha, enu, lutilililo muli nalwo, shina, kumbila chize chikungo. Kaha jino kachi nge mbopolo na yakuveta noku noku, talanu chize chikungo nachiya nakukwata ize mbopolo. Munatachikiza, etu tukwechi mwaso, Ngunavulyama lijina lya mwenyawo, oloze, *Chikungo Chami Nachimana*.

¹⁴³ Nge kanyike wamundende walunga, nge omu etu tweji kushinganyekanga lwola lwaluvulu, kutuka nge kandeke kalipepa. Ove kaweshi kuhasa kumona chumako, oloze ikiye akwechi lungoji. Kaha muthu umwe ahichile kaha ngwenyi, “Chuma muka uli nakulinga, mwanami?”

Ambile ngwenyi, “Nguli nakutukisa kandeke kami kalipepa.”

Ikiye ngwenyi, “Chuma muka chili mulivoko lyove?”

Ambile ngwenyi, “Lungoji.”

¹⁴⁴ Ngwambile ngwami, “Nyi kandeke kalipepa?” Ambile ngwenyi, “Kangweshi nakukamonako. Chamwaza, unatachikiza ngachilihi nge kandeke kove kali nakutuka?”

¹⁴⁵ Ikiye ngwenyi, “Nguli nakukevwa. Kali nakukoka.” Talenu? Kusongo ya lungoji, chize chikiko chikumishilo. Kuli aka kajila, kaze kandeke kalipepa kapwile chikumishilo chenye, shikaho ikiye ahashile kuhanjika nge kandeke kenye kalipepa kali nakutuka. Chipwe ikiye kahashile kumona kazeko, oloze ikiye apwile nachize akwachile, chumachimwe, chize kwachile.

¹⁴⁶ Mukiko mujila na muthu, omwo ikiye mwasemuka chachihya na Shipilitu Wajila, ikiye akwachile chumachimwe chize chakwachile chize chikungo kuze, kaha aze makimba kamunyakishileko. Ikiye atachikijile nge ikiye ali kanwa. Ikiye apwile wakuzama. Chosena chakwoloka.

¹⁴⁷ Jino, kachi etu tuli muchiyawu chachindende, kuhungumuka muchiyoyelo chivene, nge omu mukakwimba ahanjikile, echi:

Chiyoyelo kachapwile, chilota
chamupolongwa ko!

Kaha mwono unafu uze weji kusavalanga,
Kaha vyuma kavyeshi nge omu vyatelako.

Chiyoyelo chili chamwnemwene! Kaha
chiyoyelo chinapu kufwila!

Kaha chili lifuka keshi mumbeloko;
Mwomwo ove wapwa ulukungu, kaha kukiko
naukakinduluka,
Kavahanjikile kumono ko.

¹⁴⁸ Mamalelo, Ngwashinganyeka echi chili chamwaza! Jino, Longfellow ikiye asonekele omu, *Psalm Of Life*. Talenu?

Shimbu kuhita muchiyoyelo chivene,
Mwomwo ya ndumbu walunga wakuhunga,
Mukumona, nangukambata muchima cheka.

¹⁴⁹ Talenu? Jino etu vanatushijika, kuhita muchiyoyelo chivene, kaha Kulishitu, kupwa mbopolo helu lya lwola lwa makimba. Nge makimba nawavula, kaha vakiko vachiwile, Ngunawahilila Ngukwechi chikungo chize chinakwate mukachi ka lihina kuze, kumwe. Chipwe kufwa chivene kacheshi kuhasa kukufumisa kuli echiko. Ove uli wakukashiwa ku chikumishilo chove. Kulishitu ikiye Chikungo chetu. Ikiye Hiya? Ikiye Lizu. “Ha kuputuka kwapwile Lizu, kaha lize Lizu lyapwilenga na Kalunga, kaha Lizu lyapwilenga Kalunga. Kaha Lizu lyalilingishile kupwa muthu wanyama, kaha atwamine muli etu.”

¹⁵⁰ Kahajino, omwo twatachikiza nge vilinga vyetu vili vene na Lizu, etu tunatachikiza kunangula chetu chili cha kukupuka na eli Lizu, kununga chuma chimwe mokomoko kumbata chuma chamokomoko, shina Lizu. Kaha etu tuli nakumona vyuma vyovimwe, nge kuli veka nawa vakashiwa Lizu lyolimwe, kuyoyela mu chiyoyelo chetu, kahajino chikungo chetu chakwachisa. Chiyoyelo cha Kulishitu kusoloka muli wosena muze ikiye ali, kuhichila muli enu, nge omu chapwile muli Kulishitu, mwomwo, “Apwilenga Kalunga muli Kulishitu, kukindulwisa kaye kuli Lyavene.” Kaha enu namumona Kalunga muli enu vavene, kukwata tukukunya hali Lizu, mwomumwe vene mujila Yesu alingile. Enu mwamono chiyoyelo Chenyi. “Milimo eyi Ngweji kuzatanga namukayilinga nayenu nawa, wosena nafwelela.” Keshi uze mukakulifwanyisa kufwelela, uze mwashingayeka nge ikiye afwelela, oloze, “Wosena nafwelela.” “Wosena mwafwelela hali Yami, milimo eyi Ngweji kuzatanga naikiye nawa mwakayilinganga.” Mwomwoika? Ikiye wakukashila kuli Lilolwa lyolimwe. Lilolwa lyapwile lika? Eli Lizu, lwolalwosena. Ove vakukashila kuze. Apwa Tanganyika waku kuto nge unajimbala mukalungalwiji.

¹⁵¹ Munatachikiza, etu tukwechi vatanganyika vavavulu, oloze kuli kaha umwe tanganyika wamuchano, uze katambukako. Ikiye tanganyika wa kukuto, mwomwo atwama hakachi ka hamavu. Chipwethuhu ove uli kunyima, kwishi, mokomoko kwosena okwo uli, uze tanganyika apwa mwomumwe. Apwa tanganyika wove wakukuto. Jino, munamono, kuli vatanganyika vavavulu veji kutambuka kufuma muchihela chimwe nakuya muchihela chikwavo. Oloze kachi ove uli mu . . . ha kalungalwiji, mwomwoika, kala mukakutambuka hameya atachikiza, mokomoko kala chinyanga uze eji kuhitangana muchipapa, atachikiza nge tanganyika yove wa kukuto apwa wove—apwa chihela chove. Mukiko kaha. Kaha jino chili nge compass yove—yove—yove. Compass yove kayeshi kuhasa kwinyika ku Mars, mokomoko Jupiter, mokomoko kumwe. Nayiya nakukwinyikila kutanganyika wa kukuto. Mwomwoika? Chikiko chikumishilo chove.

¹⁵² Mamaah, yami! Tachikizenu, chikumishilo chove! Mamalelo, Nguli nakuya nakuhanjika chumachimwe! Nguli nakuchivwa chili nakwiza lika. Tachikizenu. Nguli na kwivwa nge kulifukula hali echi lwola lwoosena, mwomwo echi chinapu kukunyukisa. Tachikizenu.

¹⁵³ Compass yove yinahase kaha kwinyika ku tanganyika wa kukuto. Chize chikiko chihela kaha mwakwinyikila. Kachi ali compass wamuchano, nachiya nakukwinyikila lwola lwoosena kutanganyika wa kukuto. Echi chakwoloka? [Chikungulwilo ngwacho, “Amena.”—Muka.]

¹⁵⁴ Kahajino, kachi ove uli na Shipilitu Wajila, Mwaya nakukwinyikila ku Lizu. Keshi kahasa kakwinyikila ku

chikungulwiloko. Keshi kahasa kakwinyikila ku jishimbi jauthuko. Keshi kahasa kakwinyikila kweka kukwavoko. Mwaya nakukwinyikila ku Lizu kaha. Nguli nakwivwa nge kutambakana. Tachikizenu, chili—chili Chumachimwe mukachi ka muthu, chili nakutonda, nge enu namumona Tanganyika natwame haze, Yesu Kulishitu, apwa Lizu. Kaha enu namumona Shipilitu uze ali muli enu keshi kahasa kumutambukisa kuya kuchilyo mokomoko kuchimoswe. Eyi ikiko jila Yimwe inahase. Ikiye ejile na kumbata vyuma vya Kalunga, nakuvalwekesa vakiko, kuvisolola kuli vakiko.

¹⁵⁵ Kaha Yesu ngwenyi, “Ikiye mwaya nakulinga muzevene Ikiye ahanjikile. Ikiye mwaya nakusolola kuli ove vyuma vize vili nakwiza,” kukulwekesa lwola lwakulutwe, shimbu kanda uheteo. Talenu? “Ikiye mwakaya nakumbata vyuma vize Vyami kaha nakumilweka kwavyo enu, kaha jino Ikiye mwaya nakulwekesa enu vyuma kana vize vili nakwiza.” Yowano 15.

¹⁵⁶ Etu twamono nge Ikiye mwakamilwekesa. Kaha Ikiye eji kumbata vyuma vize vyapwa vya Kalunga kaha mwakaya nakumilwekesa enu. Kaha Ikiye mwakaya nakusolola kuli enu vyuma vize Yesu ahanjikile. Mujila ikwavo, Ikiye mwakaya nakulumbununa vyuma kana. Vihake muze mumbango, ufukuuno, mwomwo vikiko etu natuya nakuzachisa, chindende kaha. Kumona nge, kulingisa chize kupwa chakukunyuka, talenu, munatachikiza. Kachi enu...Tanganyika yove wa kukuto, ou ali Lizu, kuli kala Mukakulishitu.

¹⁵⁷ Kala chuma chakulimbalaka na Lizu! Tala. Echa ngumilweke chumachimwe. Ivwililenu kuli echi chikuma. *Echi* chinapu chakukuma mwosena, kusoloka cha Ukalunga wa Kalunga, Ikiye mwaya, kaha Kwiza cha Kulishitu. Kaha vyuma vyosena vili muli ou Mukanda, kukumisa mwosena. [Ndumbu walunga Branham kuveta ha Mbimbiliya—Muka.] Kaha kachi kalachuma nachiku koka nakukufumisa kuli Chize, mbila ize compass, mwomwo chinapu kaha jishimbi jauthu. Chinapu kaha chikungu-...Chili kaha lipapa lize uli nakuhaka mumboloso yove, linasukama mukapete kove, chifwanyisa. Chili jishimbi jauthu. Kahajino, wana compass ize naikuhaka ove mu Lizu. Amena.

¹⁵⁸ Enu talisenu kanawa, nge echi kutachikiza chamuwanyine Paulu, ikiye ayile mbwe na mu Yijipitu na Alivya, kumwe, kaha akatangile mummyaka. Upahu! Hee! Ikiye apwile wakukunyuka. Kaha omwo ikiye amwene, omwo Shipilitu Wajila amulwekele, lizu ha lizu, ikiye ahashile kusoneka Mukanda wa Hepeleu na kulwekesa vaze va Yuleya. Punduvene. Mwomwoika? Ikiye apwile wakwimana hamwe. Compass yapwilenga Shipilitu Wajila kumuhaka ha Tanganyika wa ku kuto.

¹⁵⁹ Jino, kachi ove ukwechi chhumachimwe chili nakukukoka nakukufumisa kuli Echi, ove watela kuchiseza wukawacho.

Ou Mwana, Mwaya nakukwinyikila ku Lizu Lyenyi, kaha ku Lizu Lyenyi kaha, mwomwo Shipilitu Wajila ejile nakusoloka, mokomoko kwinjikiza, jishiko ja Kalunga. Kakwechi chipwe lushimbi naluya nakulinga chizeko. Kakweshi chikungulwilo nachihisa kulinga omuko. Kakweshi ngolo mokomoko chumachimwe chnahase kulinga ngachize. Shina Shipilitu Wajila, ha Lizu. Kaha Ikiye kaze ka Mbuto kakuyoya.

¹⁶⁰ Jino, ove mbata linona lya tiliku, linona lya mwaza lya tiliku, oloze kalyeshi kuhsa kuli nachuma chimweko. Likiko lili lyakufwa kuvangila na lipwa na kambuto kakuyoya mulikiko. Kahajino numba lihasa kusemunuina manona atiliku amavulu.

¹⁶¹ Kaha Kulishitu apwa ikiye uze Kuyoya, chize chikumishilo. Kachi tiliku kayeshi na chikumishiloko, kaha kalyeshi kahasa kusangukako. Kachi ize tiluku kayeshi na chize chikumishiloko, pamo yahase kupwa ya mwaza kuweluka, oloze kayeshi kuhasa kuyoyako, mwomwo kamweshi chumachimwe muchikiko nachiyoyela. Oloze nge nachimbata chize chikumishilo, linahase kutala kumeso ava kakutoleka, nakuhanjika ngwenyi, “Nangukaya nakusanguka.” Mwomwoika? Mwomwo lize likwechi chikumishilo. Echi chili mukachi. Echi chatela kusanguka cheka. Kaha kachi. . . “Kachi ove nautwama muli Yami, kaha Mazu Ami muli ove, kahajino lomba kala chuma ove unatondo.” Chize chikiko chikumishilo.

¹⁶² Oloze kachi ove mupwa na jishimbi jauthu na vyuma vyosena kupwa vyakukashila kuli Echi, ove kaweshi kuhasa kufutula maji na meya ko. Enu mbatenu echi nakuchihokola mwosena omwo enu mutondo, kacheshi kalinungako, mwomwo vinapu vitumbo vya kulimanyina. Kaha enu kamweshi kuhasa kutunga jishimbi na Mbimbiliya, kulimbalaka na Mbimbiliya, kulinunga. Enu kamweshi kuhasa kulingisa chikungulwilo na wakukasunuka wakusemuka wakulifukula, mokomoko wakukasunuka wakusemuka wakulwila, kulinunga hamwe. Mwomwo, kupwa vene, Kalunga eji kuzatanga na . . .

¹⁶³ Ngulinakuya nakuhanjika echi ngana, mwosena omwo. Kalunga kanda lyehi ahokole kwala Chenyi. Ikiye keshi kuhasa kuhokola ko, mwomwo Ikiye apwa wakuzeneka maputukilo na makumishilo. Kaha Ngwejivanga, munatachikiza, Nguli, Echi chili nakuya kulutwe lwa vathu vavavulu. Talenu? Oloze Kalunga keshi kuhasa kuhokola kwala Chenyi. Ikiye keshi kuhasa kulinga chumachimwe likumbi *limwe* ko, kaha kuchalumuna, kulinga chumachimwe, kuhanjika nge chili chakuhenga *lize* likumbi.

¹⁶⁴ Kalunga kanda lyehi azate na lizavu lya vathu. Kalunga azata na muthu hakapanji, mwomwo vathu vakwechi vishinganyeka vya kulimanyina. Ikiye vamutunga mwakulimanyina, mu tengeso. Kalunga atela kumbata uze muthu, kaha kumumwanga chindende, nakumukoka

chindende, kufuma muze uthu wenyi, palanga Ikiye mwahasa ikiye kumumbata Ikiye mutengeso yenyi. Talenu? Kaha jino Kalunga eji kuzatanga namuthu kana. Tala mwosena kuhita muvisemunuino, Nowa na Mose, vase tupolofweto, kanda lyehi vapwenga vavali halwola lwolumwe. Umwe, kutwalilaho, kwosena kuhita mwosena chisemunuino.

Shikaho, kachi enu namuhanji ngwenu, “Mukachi kamayongomena a vakakukafwa muze mwatwama kukingiwa.”

¹⁶⁵ Tala, kaha Ngwanangwile hano keshi kunyima chikumako, hano ha mbalaka. Kwapwilenga Ahave, kaha kuze kwapwilenga na Yehoshafwete. Kaha vakiko vapwilenga nakuya ku Lamote ya Ngilyiate, kushinjika nakukundulwisa. Muchikuku, vakiko vapwile vakwoloka, lifuchi kana lyapwilenga lyavo vene. Kaha va—va kakole, va Sulya vapwilenga kuze, vapwile nakuzalisa majimo avana vavo na tiliku yatelele kupwa java Isalele. Luheto lwakuvahana kuli Kalunga, shikaho, kuchikuku, chasolokele kupwa chamwaza. “Yako nayami, kaha yako kuze, kaha etu tukavahange muze mulifuchi.” Chamwaza, echi chili nakwivwakana kuwaha. Kuchikuku, chapwile chakwoloka, oloze seteko yacho.

¹⁶⁶ Yehoshafwete, kupwa lunga wamwaza, ambile ngwenyi, “Kumana katwatela kumuhula Mwatako?”

¹⁶⁷ Mwomwo, Ahave, uze wakulimbuka, ambile ngwenyi, “Chamwaza, pundu.” Vakakufwelela vhamuseto, munatachikiza. Ngwenyi, “Mamalelo, punduvene, Ngwatelanga kushinganyeka ngachize. Ngukwechi fwo handulendi tupolofweto va Hepeleu. Vakiko vapwile fwo handulendi, Ngulinakwivwa, kuzakamina echi. Vakiko vapwilenga vamwe vase vakulitulaho muze mulifuchi. Etu natuya nakuvaneha.”

¹⁶⁸ Kaha vakiko vosena hamwe, na kujina chimwe, ambile ngwenyi, “Yako kanduka. Ou Mwata ali naove.” Kuchikuku, vakiko vapwilenga vakwoloka, oloze vakiko kavapwile na chikumishiloko.

Kahajino omwo ikiye ambile ngwenyi, “Kakweshi weka nawako?”

¹⁶⁹ Ambile ngwenyi, “Eyo. Kuli umwe weka, oloze Ngwamujinda.” Ikiye ambile ngwenyi, “Ikiye lwola lwosena eji kungulwezanga vyavipi hali yami, talenu, lwola lwosena eji kuhanjikanga.”

¹⁷⁰ Kaha mwapolofweta mwamwaza ngachilihi, ohonyi Lizu lyosena, Eliya uze napungako shimbu kanda ikiye, ambile kuli Ahave, “Va tuwa nava kanwa manyinga ove”? Jino, kaha nachipwa ngachilihi na uze kapolofweto wakwinjikiza kuhanjika chuma chize kachapwile muchima wa Kalunga ko? Kaha ngachilihi, chize, “Va tuwa navakaya nakulya Yezevele, kaha vase tuji navakapwa muwande, kuchina vakiko

navakamba ngwavo, ‘Haze Yezevele nasavala aha.’” Na changu nge changana hali uze muthu, weka hiya mwaya nakukisula?

¹⁷¹ Omu mukiko mujila na lelo. Muthu mwakisula ngachilihi vyuma kana chize chili nakutwala vathu kwakusuku na Kalunga lwola lwosena? Kuli kaha chuma chimwe chakulinga, kachi ove unatondo kwimana hali ove lyavene: angula chize chuma kana, mu Lijina lya Mwata, kaha twama na Echi, nge ove unapu chikumishilo.

Ove ngwove, “Chamwaza, Ndumbu walunga Banham, ove unakulingisa vathu vakujinda.”

¹⁷² Kalunga mwaya nakunguzanga. Echi chikiko chikumishilo chami. Kangweshi kukundamina halivoko lya nyama. Enu mwatela kukundamina ha Lizu, muze ahanjikile Kalunga.

¹⁷³ Nyi Mikaya atachikijile ngachili nge noloka? Ikiye avandaminyine. Ikiye apwile nachimweno. Vakiko vapwile na chimweno, nawa, oloze chize chimweno kachipezelesele na Lizu ko. Kaha lelo, chuma chochimwe. Mikaya apezelesele chize chimweno na Lizu, kaha jino ikiye achimwene ikiye kupwa na Lizu vyapwile hamwe. Lelo, kachi chimweno chove chakulimbakala na Lizu, chiseze ukawacho, mwomwo chinapu chikumishilo chakuhenga. Mikaya chikumushilo chenye chapwile chakwoloka na Lizu, shikaho ikiye ahashile kwimana na kuhanjika ngwenyi, chuma ahanjikile, kaha—kaha achi fwelelele.

¹⁷⁴ Omwo, vakiko vamuvetele ikiye kukanwa, na kwamba ngwavo, “Jila yimwe ili Shipilitu ya Kalunga yayanga?”

¹⁷⁵ Ikiye ambile ngwenyi, “Enu namuya omwo namukaya nakutwama mukapete kakuswama.” Chakwoloka.

¹⁷⁶ Ikiye ngwenyi, “Omwo Nangukakinduluka na kuunda. . .Enu hakenu ou lunga mukamenga, kaha omwo Nangukakinduluka na kuunda,” ngwenyi Ahave, “Nangukaya nakumukilikita.”

¹⁷⁷ Mamalelo, jino, Mikaya, ngachilihi echi? Mutwe wove valinakuya nakuuvatula omwo mwakakinduluka. Mikaya emanyine haze nakumika chosena nge muze alingile Setefwane. Amena. Wakulizanga nge Mwata wami atambukile nakuya kukulusu. Kwijila chachashi nge Ndanyeke omu engile muze mwina wavandumba, mokomoko Shadrach, Mesheck, Abednego kwingila mulutengo. Mukikovene! Ikiye emanyine haze kaha ambile ngwenyi, “Kachi namukinduluka muvosena. . .” Mwomwoika? Ikiye apwile na chikumishilo. “Kachi enu namukinduluka muvosena, Kalunga kahanjikile nayamiko. Kavatulenu mutwe vene.” Ikiye apwilenga na chikumishilo. Ikiye atachikijile compass yenyi, ize yamutwaminyinyine ikiye kuli echi chimweno, apwilenga vene na Tanganyika wa kukuto. Eyo, mwane. Chikungo chenye chakwachile, eyo, lize Lizu na Chize kunahu.

Kachi chikumishilo chove, kachi ove uli na chikumishilo muchiyoyelo chove. . .

178 Kwapwile lwola omwo, munatachikiza, jishimbi ja chisemwa jikwechi chikumishilo. Kangweshi kuhasa kwanuka lijina lya uze pwevoko, oloze lifuchi lyosena lya fwelelele muze ahanjikilenga uze pwevo. Ngwvulyama lijina lyenyi. Ngwapwanga nakusoneka hano. Ngwahono kushinganyeka lijina lya uze pwevo, lyapwilenga lika. Oloze hano, myaka yayindende kunyima okwo, vakiko vapwilenga, na ou pwevo, vyuma ahanjikilenga. Kachi ikiye ambile ngwenyi zachisenu poko mulivoko lya chimoswe, mukiko kaha—mukiko kaha, chize chapwilenga chikumishilo. Ikiye apwilenga uze—chize kukumbulula kuli vosena. Kaha kachi ove mukaka fwoloko kulivoko lya chimoswe, kahajino ove uli vene wakuwenga. Lijina lyenyi apwilenga hiya? [Chikungulwilo ngwacho, “Emily Post.”—Muka.] Mamalelo, mukiko kaha. Punduvane. Yaah. Ikiye vene. Jino, enu mwapwilenga—enu mwapwilenga chikumishilo. . . Ikiye apwilenga—ikiye apwilenga chikumishilo cha jishimbi. “Echi chatela kupwa muli ize jila.” Nge, mamalelo, vyuma vyavivulu etu tunawane nge ngachize. Oloze, etu twawane, jino vinayi. Kulya mujila omwo ove unatondo. Eyo, mwane. Chosena chakwoloka. Chize chapwilenga chikumishilo cha jishimbi jachisemwa. “Ikiye achilingilenga muli ize jila.”

179 Kwapwilenga lwola lumwe omwo Adolf Hitler apwilenga chikumushilo cha Germany, kalamwosena omwo ahanjikile. Nge ikiye mwahanjika, “Tumbuka,” vakiko vatumbukile. Ikiye ngwenyi, “Jiha,” vakiko kujiha. Mamiliyone ya va Yuleya, ikiye avafumishile mitwe. Enu mwamono omwo chapwilenga ku chikumishilo kana? Chasolokele nge ngolo, oloze chapwilenga chakulimbalaka na Lizu.

“Namutachikiza ngachilihi nge echi chapwilenga chakulimbalaka na Lizu?”

180 Kalunga ambile ngwenyi. Omwo Mbalamu esekele kutala hali va Isalele, mangana avangule, ikiye amble ngwenyi, “Ngunamumono ikiye nge kanyama waminga yimwe. Omwo jimbalaka jove japwa jakwoloka! Wosena mwakwangula mwapwa wakwangula. Wosena mwakukisula mwapwa wakukisula.”

181 Tala nge Hitler pamo amwene chize. Kula nge Mukakulishitu wamu German atelele kumona chize, talenu, chize chikumishilo. Mukikovene chakulimbalaka na Lizu. Munatachikiza, nge omu vachambile ngwavo, “Muthu. . . Kalunga atangile muthu, oloze muthu natenga vandungo.” Umwe kweseka kuyula hali veka nawa. Etu tukwechi umwe Mukakuyula, ikiye Kalunga.

182 Oloze Hitler apwilenga chikumishilo cha Germany. Tala hali echi lelo. Jino, talenu chuma muka chasolokele? Chapwilenga

chakuhenga vene. Mwomwoika? Chapwile chakulimbalaka na Lizu. Kaha jino enu muli na kutala kulihi chayile: chasonyi.

¹⁸³ Kaha kachi chikumishilo chove chili mu chikungulwilo chimwe, mokomoko muvyakwivwa mumujimba, mokomoko chumachimwe kusali ya Muthu Yesu Kulishitu, ove mwiza kuchihanda chochimwe cha sonyi, kuhambakananyi, talenu, kachi chikumishilo chove keshi Kulishitu ko. Ikiye kaha hakachi ka chiyoyelo cha muthu, kaha Kulishitu na Lizu; keshi liuka lyove, lizu lyove. Eli Lizu! Talenu? “Hali echi chikumishilo hakiko Nangukaya nakutunga Liuka Lyami,” hali Kulishitu, eli Lizu.

¹⁸⁴ Kwapwile lwola omwo Mussolini apwilenga chikumishilo cha Loma. Ngunahono kutachikiza, Ngwatangaho lyehi mukanda umwe, mokomoko chinahase kupwa nge Ngwatanga echi mu mukanda, mokomoko muthuumwe angulwekele, oloze omwo muthuumwe vamuhuli kuli Mussolini. Ikiye apwilenga...

¹⁸⁵ Ikiye atondele—atondele kuneha Loma kupwa mukakuhema, kulipika chakuhema. Kaha kuze kwapwilenga kaponya wamunene apwilenga na kwimana kuze, wa ikiye, mukulipika cha kuhema. Chize chose chakwoloka. Greece apwilenga nachize chishingnyeka myaka yayivulu kunyima okwo. Loma napunga nakweseka kachi apwenga nacho. Mukakuhema chili chakwoloka, oloze—oloze kulipika chakuhema. Oloze—oloze anukenu, chize kacheshi kuhasa kumbata chihela cha Kulishitu ko. Chipwethuhu ove wajikiza ngachili, chize kacheshi na chumako na chechi. Ikiye apwa wangolo josena. Kaha enu mwamono ocho ikiye esekele kutunga Loma hazevene. Kaha ikiye esekele kutunga Loma hachuma chapwilenga chikumishilo, nge ikiye napu chikumishilo.

¹⁸⁶ Kaha vakiko ngwavo, likumbi limwe, uze—uze—uze nyamutekanya alivangile na munyutu yimwe, kaha ikiye amwashile. Ambile ngwenyi, “Kangwahanjikanga, ‘kupwa hano mumunyutu shimbu kanda naini ko.’ Ngwambile ngwami, ‘Pwenu hano na naini.’” Pow! Kaha ikiye amwashile. Talenu? Talenu? “Kangwazangile enu hano munyutu umwe shimbu kanda. Ngwatondo enu hano ha naini.” Talenu? Tala omwo esekele kulilingisa kupwa chikumishilo. Oloze enu mwamono omwo chasolokele?

¹⁸⁷ Enu anukenu, enu vavavulu hano, vase vamwaka, Roy Slaughter, pamo, nakutwalilaho kunyima kuze, kwanuka kunyima okwo omwo Ngwamilwezele enu hali uze upolofweto. Likumbi limwe, kunyima kuze hali zuvo ya Mukweze Wakusehewa’ shimbu kanda etu twizenga hano, Ngwambile ngwami, “Mussolini mweza nakukumisa musonyi.” Ngwambile ngwami, “Kutula chenyi chatete, ikiye mwakaya ku Ethiopia, kaha Ethiopia navakaholokela kumahinji eyi. Oloze ikiye

mwakaya nakwiza kumakumishilo enyi, kaha naumwe pimbi mwakamukafwa. Mu sonyi mukiko navakamufunda.” Mukikovenene.

¹⁸⁸ Ngwambile ngwami, “Kuli isms jitatu jinakatuka. Nazism, fascism, na communism.” Ngwambile ngwami, “Awa ma isms nawakaya na kupwa umwe, kaha navakapwa va communism. Tala. Communism naikaya nakwocha Loma.” Talenu?

¹⁸⁹ Enu katalenu hali echi. Huu-hu. Echi chinapu chitwa mulivoko lya Kalunga. Vakiko vashinganyekele nge vanafumbukile Kalunga. Vakiko vali nakuzata muze vene, lwola lwosena, kavachitachikizako. Ikiye ali kaha nakuvazachisa vakiko nge vakawoma, huu-hu, chitwa chimwe mulivoko Lyenyi, nge omu Ikiye alingile na Nevukataneza na veka vakwavo. Jino tachikizenu. Talenu, jino.

¹⁹⁰ Kwapwilenga lwola omwo Fwalo apwilenga chikumishilo cha Yijipitu, oloze tala okwo ali jino. Talenu? Echi chosena chahonene.

¹⁹¹ Mamalelo, chinapu chuma chakuhenga, shikaho vakiko lwola lwosena va honenenga. Vakiko vanapu vikumishilo vya kutunga kuvathu. Enu kamweshi kumbata chikumishilo chakutunga kuvathu. Kangwa lizakaminako kachi ali—ali kolokoko, kachi ali mukakuyula nangolo jenyi, kachi ali mwangana, kachi lili liuka, kachi chili chikungulwilo, kachi jinapu jishimbi jauthu. Kala vyuma vyosena evi navikaya nakunonga, nge vikumishilo vyosena vya kala muyachi vya muvisemunuino vyosena.

¹⁹² Etu tunahase kutala kunyima. Tala kunyima. Tala hali ava malunga vafwelele ava vamyangana vavanene. Tala hali ava malunga va fwelelele muli vaze vakukuyula nangolo javo. Tala hali malunga vaze vatungile malufwelelo hali vize vikumishilo, kaha tala vakiko vali kuli lelo.

¹⁹³ Jino echa tulyalumune etu vavene nakutala hali ava malunga vaze vahakile malufwelelo avo ha Mbimbiliya, ha Lizu lya Kalunga, kaha Valikwachile kupwa chikumishilo. Tala vakiko vali kulih jino.

¹⁹⁴ Paulu namihane enu muwihi kaha hali vamwe, mu Hepeleu, mukapetulu 11, chuma muka vakiko valingile. “Omwo vahonesele mawangana, vanehele kwoloka, na vyangocho. Kaha vakiko vakimbwojokele mumalambu amikoko na mumalambu ava pembe. Omu aka kaye kakateleleko.” [Ha tepu hapimbi—Muka.] Kuvandamina mu Upahu ha kusanguka chachinene. Talenu? Chosena chakwoloka. Mwomwo vakiko, vamwe vavo, kavahashile—kavahashile kutambula evi vikomesa, kaha vakiko vahanyine mijimba yavo, mwosena omwo, Kutalila chize kusanguka. Kukumisa chize chiyoyelo chavo, vakiko kavalizakaminyineko. Vakiko vatondele kutwalilaho na

kupwa mulambu, shikaho vakiko vanahase kutambula chize kusanguka, kaha mukiko valingile.

Jino, vikumishilo, etu tulinakuhanjika hali, chikumishilo.

¹⁹⁵ Munatachikiza, supreme court yetu yapwa chikumishilo. Echi chinapu chikumishilo. Chili—chili makumishilo cha jipami josena chamuno mulifuchi. Echi chakwoloka. Kusakula chavo chinapu chikumishilo, omu mu supreme court. Chakwoloka. Mamalelo, Ngunatachikiza lwola lumwe etu katwachizangako, oloze chili—chili chikumishilo, kala mwosena omwo. Eyo, mwane. Nachipwa ngachilihi nge etu katwapwile nachizeko? Kahajino chumamuka? Oloze chize chapwile chikumishilo. Punduvene chili. Mwomwoika? Chikiko, lifuchi lyetu, lyakashika kuli chize. Nge supreme court vanahanjika lyehi mwamakumishilo, mukiko kaha. Kakwechi kuyalikako. Kuli ove uli nakuya, hanyima yachize? Ove uli nakuya nakukavangiza kusakula chavo, mukiko kaha. Enu muchikwechi echi. Vakiko vanapu lizu lya makumishilo. Vakiko vanapu amena.

¹⁹⁶ Enu munahase kweseka echi mujizango jakusopela mujimbongi. Enu munahase kweseka na magistrate, kahajino kuya ku federal, kujizango josena jakusopela, kaha ku federal courts. Oloze nge natwiza ku supreme court, mukiko kaha. Chakwoloka. Lwola lumwe etu katwazanga ngachizeko, kuhanjika ngwetu, “Chamwaza, Kangwazanga kusakula chavoko,” oloze ove mweseka kufumako. Chize chinapu chikumishilo cha lifuchi. Kaha kachi etu katwapwile nachoko? Eyo.

¹⁹⁷ Etu twatela kupwa na chikumishilo. Kala muthu atela kupwa nachimwe. Ove watela kupwa nachimwe. Oloze chumamuka Nguli nakumilweka, kwala chikuku, na kumilweka vikumishilo vyapwa vika.

¹⁹⁸ Jino, supreme court ya lifuchi yapwa chikumishilo cha lifuchi. Chize chikiko chuma muka kulipika. Vakiko veji kukumisanga. Vyuma vakiko veji kuhanjikanga, mukiko kaha.

¹⁹⁹ Kwosena kwatwama nguja kwatwama chikumishilo. Uze mukakwimba kapyololo. Mamalelo, yaa. Lwola lumwe etu katwazanga kusakula chenyiko, chipwe, oloze mukiko—mukiko—mukiko kaha, mwosena omwo. Uze mukakwimba kapyololo, kusakula chenye chinapu makumishilo, mukiko kaha, chipwethuhu veka navahanjika mweka. Kachi nge ikiye ngwenyi yinengila, yinengila. Chize chakwoloka. Punduvene. Chipwethuhu veka navahanjika muka, kacheshi kuhasa kulinga chumako nachize. Kaha echa tushinganyekaho. Kachi enu. . . Kangwaya kungujako, oloze ngwavisonekanga kaha. Uze mukakwimba kapyololo, ikiye chikumishilo cha kuze kunguja.

²⁰⁰ Umwe mwahanjika, “Yinengila.” Mukwavo umwe ngwenyi, “Ove mukamakuli.” *Echi ngwacho*, “Echi chili muli ize jila. Ove watela kupwa muli *eyi* jia.”

201 Uze mukakwimba kapyololo ngwenyi, “Yinengila!” Talenu vosena navatwama hamavu. Na chikolesa vamwe. Oloze Ngunashinganyeka vakiko veka navamuunga, mukachi ka muchima wavo, na vyuma kana, oloze “yinengila” kala mwosena. Mwomwoika? Ikiye lizu lya makumishilo.

202 Muka kumukafwa watete ngeewenyi, “Unatachikiza ize ize yahitanga.” Mukwavo weka ngwenyi, “Unatachikiza yiyapwanga...”

203 Ikiye ngwenyi, “Yinengila.” Huu-hu. Mukiko kaha. Kuhola haze vene, yako kaha kuchihela chenyi.

204 Kachi nge kakwapwilenga uze mukakwimba kapyololo wauchiko kuze kunguja? Mama! Eseka kushinganyeka kachi nayipwa kuhema muka nayitela kupwa? Umwe wavo ngwenyi, “Ize yengilanga.” Mukwavo nawa ngwenyi *echi*. Mukwavo ngwenyi *ngachize*. Mukwavo ngwenyi, “Ove mukamakuli.” Kuze nakupwa chimbalanganyi na kuzunga.

205 Hakupwa na kuhema cha nguja, enu mwatela kupwa na chikumishilo. Kaha ikiye mwatambuka nakulovoka kufuma muze, kaha chipwethuhu kamwamuzangako, mokomoko chumamuka, ikiye—ikiye napu chikumishilo, mwosena omwo. Ikiye napu chikumishilo. Lizu lyaenyi lili lya makumishilo, chipwethuhu namuhanjika ika hali chize. Mukiko mujila kaha. Jino, kachi vakiko kavate, kaha kuhema chosena nachiya muwoya. Echi chakwoloka? [Chikungulwilo ngwacho, “Chakwoloka.”—Muka.]

206 Nachipwa ngachili na lifuchi kachi kakwapwile federal court? Kakwapwile supreme court muno mulifuchi, kachi nachipwa ngachili? Kachi vanyi kulihi? Lifuchi kachi lili muchimbalanganyi. Kachi kayapwileko...

207 Kachi kakwapwilenga mukakwimba kapyololo kuze ku nguja, kachi ukalu, kachi kaweshi numba shimbu kanda umbile nguja muthumwe mwakumbalanganyisa. Muthumwe kwimana haze, kaha pamo kwimana ha chihela chimwe, kaha mukwavo nahase kuhanjika, “Mamalelo, nduma. Nduma, nduma. Kachalingika ngachizeko.” Kahajino, mikiko chapwa. Nguja yatete vayimbilile, vakiko kachi navalipula jipami. Umwe wavo ngwenyi, “Ize yengilanga.” Mukwavo weka ngwavo, “Ize kayengilangako.” Talenu?

208 Ove watela kupwa na muthumwe ize chikuhema chatela kukashiwako, kaha uze ikiye mukakwimba kapyololo. Nge ikiye ngwenyi, “Yinengila,” kaha yinengila. Kachi ikiye ngwenyi, “Nguja,” yinapu nguja. Kalachosena ikiye mwahanjika, nachiya muzevene. Mukiko kaha. Kaha kachi enu kamweshi kulinga ngachizeko, enu kamweshi kuhasa kupwa nakuhema kanako.

209 Echa ngumilwekese chikumishilo chikwavo, cha malaiti achila. Malaiti achila, nge nawamba ngwayo “imana,” shina kwimana. Kachi ove mulaha, ove uli nakuya nakufweta hali

chize. Oloze kachi eyi mbongi kayapwanga nawa nawa malitiko, malaityi akwimika, kachi tuli na mbongi ya muyachi uka? Talenu? Yatela kupwa na chikumishilo. Kangwazakaminako chuma muka kapokola mwahanjika, mokomoko kalamuthu wosena omwo mwahanjika, nemana haze. Vakiko vanapu vamuchivali. Kachi muthuumwe nahase kwinjikiza echi nge wahitanga omwo malaityi apwanga atoma, Kangwa lizakaminako kala chosena kapokola mwahanjika, vakiko vali vakuhenga. Nge malaityi ngwayo “yako” kulumbununa nge yako. Chize chikiko chikumishilo. Enu munahase kwinjikiza chize, aze malaityi ngwayo “yako.” Uze kapokola pamo nemananga haze kumwe, uze mukulwane wambongi pamo, kumwe, chize chacheshi kuneha chihandwako. Kachi nge ove uli nachichinjikizo chakukulweka “yako,” ove yako. Kaha kachi muthuumwe mwaveta muli ove, unapu ukalu wavo. Ove unahase kwinjikiza echi. Echi chakwoloka.

Kaha etu twahase kwijikiza echi tuli nakuhanjikaho. Chakwoloka.

²¹⁰ Jino, ngachilihi kachi malaityi achila kawapwileko? Umwe mwahita, kaha echi. . . tala omwo nachisoloka. Umwe ngwenyi, “Hai! Fuma mujila. Yami nguli mulumbushi. Ngwatela kuya kumilimo. Ngunakotokela. Yami nanguhita kaha.” Mukwavo weka ngwenyi, “Enu shinganyekenu hali echi. Mwomwo, Yami nguli nakuhita, mwomwo Yami watete.” Kaha Nguli nakumona pwevo kulovoka kukasa jikambu jenyi kanawa. Kachi ngachilihi nge etu katwapwile na malaityi achilako? Kumana kachi katwechi naukalu ha mukwakwa ko!

²¹¹ Ou ukiko ukalu uli na mauka. Talenu? Echi chakwoloka. Ou ukiko mulonga etu tuli naukalu muvikungulwilo. Yaah. Echi chili vene chakwoloka. Katweshi noku tuli nakuyako. Vakiko vanemana, nakulipika.

²¹² *Echi* hano akiko Malaityi a Kalunga. Omwo Nawahanjika “yako” yako. Nge Nawahanjika “imana, haze,” jino imana. Echi chakwoloka. Aha hakiko etu tunemanyina, hali Chize, lize Lizu, keshi lizavu limwe lya vathu ngwavo, mokomoko lizavu likwavo lya vathu ngwavo. Yesu ambile ngwenyi, “Evi vinjikizo navikava kavangiza vakiko vaze vakakufwelela.” Echa tuyenga. “Yenu mukaye mwosena, nangulenu Mujimbu wamwaza kuli vathu vosena.”

²¹³ Munatachikiza, chochimwe nge kutanga, oloze Yesu katondele chizeko. Echi chakwoloka. Chochimwe na mauka nawa, jizuvo, Ikiye katondele jizeko. Chochimwe na vipatela; etu, mauka, kutunga vipatela. Chize chose chakwoloka. Etu twasakwila chize. Oloze Ikiye katondele chizeko.

²¹⁴ Ikiye ahanjikile ku Liuka, “Kanangulenu Mujimbu wamwaza.” Kaha Mujimbu wamwaza wejile keshi mu Lizu kahako, oloze kuhichila mungolo na kusoloka cha Lizu. Paulu

ahanjikile ngocho. Kahajino, kusoloka cha Mujimbu wamwaza, mamaah, yami, kachi chapwile mujila kana.

²¹⁵ Mamalelo, etu tuli, lelo, kuyoyela mulwola omwo etu tuli na mandotolo vamwaza. Etu tukwechi na vitumbo vya mwaza kanda lyehi vipwengako. Munatachikiza ngocho. Kaha etu tunahane kalemesa kuli malunga kana. Etu natuvalombelela vakiko. Ngweji, kaha Ngwafwelela nayenu nawa. Vaze malunga, vaze na kwivwushisa chavo cha kwivwa. . . Vakiko vakwechi mangana avali vatela kuzata nawo, apwa kumona na kwivwa, kaha vakiko. . . na kwivulila. Vakiko veji kuzatanga na chivumo chamuchima, mokomoko na—na kwivwa cha ufwa, mokomoko chumachimwe, mokomoko kumona chumachimwe vakiko vanahase kumona, kutanda ch musongo, mokomoko—mokomoko chumachimwe kumeso, chize chili nakufwika kumeso mokomoko mujimba, kumwe. Vakiko—vakiko kuzata hali vize vyuma kana. Talenu? Mwomwo chize chili. . . Kaha vakiko kweseka kumbata vitumbo, kaha shikaho vinhase kujiha, kaha jino kavweshi kukujihako, na—na vyangocho. Vakiko kaveshi. . . Uze unapu mulimo wavo, kuzachila hali chize. Kaha etu twasakwila chize. Echi chili chamwaza. Oloze, etu tukwechi va ndotolo vamwaza, vitumbo vyamwaza, vipatela vyamwaza, kaha misongo yayivulu kuhambakana yapwilengako.

²¹⁶ Etu tukwechi kuzeneka kufwelelela chachivulu kuhambakana omwo chapwilenga. Eyo, mwane. Mukikovene. Vakakuzata vanalivwasana vavene, kaha vakwechi vikungulwilo, kaha kwingisamo kala chuma, kaha na vyangocho, kaha kalachuma, kulingisa membala waliuka. Kaha vakiko vayile kushikola yimwe, nge mwakukumbila tusumbi, kaha nakuvatota kuvafumisa muze na kalaikina kze kali nakualovolamo, kaha lwola lumwe kavatachikiza na Kalungako kuhambakana na Hottentot atachikiza ufuku wa Yijipitu. Kuvaneha mujilakana, kaha muze vene. Talenu?

²¹⁷ Mamalelo, chuma tunatondo mumauka etu shina muthu uze akwechi chikumishilo. Chuma tunatondo shina liuka lya Mesondisiti, liuka lya Mbaputishiti, liuka lya Pendekosita, liuka lya Pulishiteliyani, kupwa chikumishilo, muthu wa Kalunga uze mwaya nakwimana wakukashiwa ku Lizu na kuli Kulishitu, kaha kuneha chize chikungulwilo mwishi ya seteko ya muze atela kupwa membala wosena kutambuka museteko ya eli Lizu, kumona lize Lizu kusoloka, kuvakavangiza. “Evi vinjikizo navikavakavangiza vakiko vaze vafwelela, mukaye mwosena.”

Vakiko ngwavo, “Vize vyahita lyehi.”

²¹⁸ Yesu ambile ngwenyi, “Yenu mukaye mwosena, kunangula Mujimbu wamwaza kuli kala muthu.” Etu kanda tuhete kukaye kwosena, kaha kwakusuku na tengeso yosena. Kwakusuku kulih? “Kukaye kwosena.” Kuli hiya? “Kuvathu vosena.” Chumamuka chasolokele? “Evi vinjikizo na vikatwamanga na

vaze vakakufwelela. Mu Lijina Lyami vakiko navakatapulanga va ndemoni. Vakiko navakaya nakuhanjika malimi amahaya. Kachi vakiko navakakwata manoka, mokomoko kunwa vyuma vya kufwa, kavyeshi kavakolesako. Kachi nge navakanangika mavoko avo hali vakakuviza, navakayoya.” Echi chikiko chikumishilo chakwata muze, eli Lizu, uze Tanganyika wakukuto, ize compass yakwoloka na Chechi. Chikiko etu tuli nakutonda.

²¹⁹ Oloze etu twayile nakutunga mashikola, kulivwasana na vathu, kumbata mamembala, kaha kumbalanganyisa va Mbaputishiti mwomwo vakiko kavafweleleleko mujila etu twalingi, kaha va Mesondisiti mwomwo vakiko kavalinga, *echi* mujila kana. Kaha—kaha etu twatotekele nge vakufuma mushikola, kutunga mauka amanene, kaha vakutumuna kufuma muvitwamo vyamwaza, kaha chikungulwilo chachinene, kaha navyangocho, kaha lizavu lya kuvwala kanawa, kaha etu tukwechi na mukulwane wa mbongi na vosena muliuka. Kaha chuma muka etu tukwechi? Lizavu lya kufwa, kukashila kuchikumishilo cha chikungulwilo. Kufwa! Mamalelo, kwakusukusuku!

²²⁰ Kachi Nangufwa mujijila jami, chikumishilo chami napu Yesu Kulishitu, hali ikiye hakiko Ngwafwelela, kachi kalamuthu mwafumamo. Muthuumwe ngwenyi, Ndotolo. Davis ahanjikanga kuli yami, “Billy, ove weji kunangulanga vyuma vyangachize, ove mukaya nakungangula kujisengwa ja liuka.”

²²¹ Ngwambile ngwami, “Nangukaya nakunagula Lizu lya Kalunga kujisengwa, kahajino, mwomwo Kalunga ali wakutamo kulijize jisengwa kukatulako vana va Apalahama.” Chakwoloka. Lizu lya Kalunga lili lya muchano.

Ambile ngwenyi, “Ove washinganyeka nge vakiko navakaya nakukufwelela ove?”

²²² Ngwambile ngwami, “Kangwejivileko...Ou kaweshi mulimo wamiko. Mulimo wami shina kutwama mumuchano na Lizu.” Echi chakwoloka.

²²³ Ambile ngwenyi, “Ove unashinganyeka nge unahase kuliwana na akaye kutanga ngana, na kunangula chashikola na—na kukuka cha Ukalunga?”

²²⁴ Ngwambile ngwami, “Echi kacheshi kuka chami cha Ukalunga ko. Lunapu lushiko Lwenyi. Ikiye kaha Umwe ahanyine echi kutuma.” Mamalelo!

²²⁵ Kaha Ngunanuka omwo Ikiye akombele kuze muli aze Malaiti amanene, kwimana kuze kwishi ya kalwiji, mu 1933, mu Shika munene, omwo Ikiye ambile ngwenyi, “Nge—nge muze Yowano Mukakujimika vamutumine nakuya kaha nakuwahisa kwiza chatete cha Kulishitu, Ngunakutumu na ove na Mujimbu kukaye, kuwahisa Kwiza cha Kulishitu chamuchivali.” Kaha mukaye kosena Ikiye ayile, omwo kakahya kakuhizumwisa

katungikile ha myaka fifiteni ha kala pili. Kuka cha ukalunga chahichile mulifuchi lyosena, kaha jingolo, vajitungulwile.

²²⁶ Kaha jino Ngwafwelela Ikiye aliwakulizanga kuheta nahasongo, kuneha cheka Lufwelelo luze naluya nakukatula Liuka nakulingisa mu Upahu. Kaha Ikiye alivene muno mu Mujimbu. Etu tuli kulwola lwamakumishilo. Etu twahanjikanga hali chize, kaha na vyuma vyosena, oloze chuma chinatambuka jino. Yaah. Eyo, mwane. Ikiye kaha. Echi chakwoloka.

²²⁷ Ize—ize—ize laiti ichila, nge omu Ngwambile, yakumishile mulonga. Mukiko kaha. Ize laiti yinakulweka enu muli nakuya. Chipwethuhu chumamuka kala muthu mwahanjika, shina omu nayihanjika ize laiti ichila. Enu munahase kupwa naukalu hamukwakwa kachi enu kamweshi—kamweshi kuhaka mangana kuli ize laiti ichilako. Kwatela kupwa chikumishilo. Eyo, mwane.

²²⁸ Chochimwe na Liuka, kwatela kupwa na chikumishilo. Kuli vathu mu Liuka, enu mwatela kupwana chikumishilo.

²²⁹ Oloze, lelo, liuka hi liuka likwechi chikumishilo chacho. Talenu? Kaha kanda kweseka kumbata, “Etu va Mbaputishiti twafwelela *echi*. Etu va Mesondisiti twafwelela *echi*. Etu va Pulishiteliyani twafwelela *echi*. Etu va Pendekosita twafwelela *echi*.” Chose chakwoloka, oloze mwomwo ika mulinakuhona kumbata vyosena vya Echi? Chumamuka chinahenge na Echi?

²³⁰ “Etu va Mbaputishiti twafwelela mukwingisa.” Echi chamwaza. Ngachilihi ha kujimika cha Shipilitu Wajila, nawa? Ngachilihi kuhanjika mumalimi? Ngachilihi mawana akuka? Ngachilihi upolofweto? “Mamalelo, nduma. Etu katweshi ngachizeko. Chize, chize chapwilenga cha chisemunuino cheka.” Mamalelo, kanyike walunga!

²³¹ Va Pendekosita, enu ngwenu, “Chamwaza, etu twafwelela mu kuhanjika mumalimi, kupwa chinjikizo.” Pundu, kuhanjika mumalimi chili cha kwoloka, oloze chize kacheshi chunjikizoko. Vathu vavavulu kuhanjika mumalimi, muchano vene, kaha muze mukiko vakiko vahashile kuya. Ou liyavolo nahase kulifwanyisa kala wana vakwechi, kala wana wosena uli mu Mbimbiliya.

²³² Paulu ngwenyi, “Chipwethuhu Nanguhanjika mulilimi lya vathu na Vangelo, chipwe Nanguhana mujimba wami vawoche kupwa mulambu, chipwethuhu Nanguhanjisa vikumba vyami nakulisa vakakuhutwa, kaha chipwethuhu Nguli na lufwelelo lwakunungulula jipili, chipwethuhu Ngwayile ku shikola na kulinangula chinyingi chosena chatela kunangula, Nguchili wamokomoko.”

²³³ Echi uze Muthu Kulishitu. Kulishitu, kumutambula Ikiye, nge enu kamweshi kumutambula Ikiye chakuzeneka kutambula Lizu Lyenyi. Eli Lizu lyetela kwiza chatete, kahajino Chiyoyelo chechi kwiza na Lizu na kusoloka cha Lizu.

234 Kumana Yesu kahanjikile ngwenyi, “Kachi Kangweshi na kuzata milimo ya Tata Yami, kaha kanda Mungufwelelela ko”? Eli lyapwile Lizu lya Kalunga kupwa kusoloka. Kalunga apwilenga mu Kulishitu, kukindulwisa, kusolola Lyavene ku kaye, apwile Hiya. Chize chapwile—chize chapwile chikumishilo. Chize chapwile cha chikumishilo cha Hayamyaka.

235 Jino ove muhanjika, “Echi chikiko Hayamyaka, Ndumbu walunga Branham?” Chize chapwile. “Kaha jino ngachilihi lelo?”

236 Yesu ngwenyi, “Wosena Mwangu fwelela, milimo eyi Ngweji kuzatanga mwakayilinga naikiye nawa.” Echi chikiko chikumishilo. Chosena chakwoloka.

237 Muthu wosena vali na chikumishilo chavo. Mamaah, yami! Echi chili nge omu chapwile mumakumbi a vakakunyula, “Kala muthu alingile chapwile chakwoloka kumeso eyi.” Mu makumbi a vakakuyula, kala muthu apwile na chenyi—chenyi chikumishilo. Ikiye alingile chuma vatondondele kulinga. Kaha omu mukiko mujila chili jino. “Kala muthu alingile mwakusungama kumeso eyi.” Jino, munatachikiza ou mulonga vakiko va Kakuyula valingile? Echi chinahase kuvwisa woma chindende. Oloze mulonga vakiko valingile echi muli Vakakuyula, mwomwo vakiko vapwile na kapolofweto mumakumbi avo, mwomwo ya Lizu lya Mwata kwiza. Shikaho muthu wosena nahase kulinga chosena vatondede, mumeso avo.

238 Kaha echi chili vene nge omu chili nakusoloka na lelo. Etu katwechi na kapolofweto mumakumbi ano a vikungulwilo, oloze Kalunga atushikile umwe. Talenu? Talenu? Kaha Ikiye alingile ngocho. Mu makumbi akumakumishilo, Ikiye mwakakatula na kutuma Eliya cheka kwiza, “Kaha ikiye mwakalumuna michima ya vana kukindulwisa ku Lufwelelo lwa masevo,” kukinduluka kumaputukilo a pendekosita. Munatchikiza Ikiye ahanjikile muze.

239 Jino, Ngunatachikiza enu namuya nakutwala, nge omu Ikiye alingile na Yowano, muze mu—mu Mateu kapetulu 11, na vasi 6, Ngwafwelela mukiko kaha, omwo vakiko vahanjikile, “Enu ngwenyu Ou hiya, ou ikiye Yowano?”

240 Ikiye ambile ngwenyi, “Kachi enu munahase kutambula echi, nge ikiye uze vahanjikile, ‘Tala, Nangukamitumina muluwa Wami kumeso Ami.’” Ou ukiko Malaki 3, keshi Malaki 4 ko.

241 Oloze, anukenu, kachi nge uze apwilenga Malaki 4, kahajino Lizu lyahonene, mwomwo Ikiye ambile ngwenyi, “Oloze halwola luno kaha, kaye kosena nakakaya nakuwema, kaha vakakwoloka navakaya nakutambuka helu lya uto wavakakuhuka.” Nduma. Kanda kufutula echiko, ndumbu walunga. Chilingise Echi kuhajika muzevene Echi chahanjikile. Echi chakwoloka. Ikiye ashikile echi mulikumumbi lya kumakumishilo, kaha echi chakwoloka mukachi ketu.

²⁴² Anuka, omwo va kakuyula, kala muthu alinge mujila ikiye atondele. Kakwapwile muthuko, naumwe muthu ahashile kulingisa Lizu kuyoya. Kakwapwile kapolofweta ko. Eli Lizu lya Mwata lwola lwosena lyeji kwizanga kuli kapolofweto. Chakwoloka. Kaha ikiye lwola lwosena veji kumujinda. Oloze lize lizavu lyalindende lyeji kumuzanganga, talenu. Oloze, Ngunatwale nge, lwola lwosena chapwa vene ngachize.

²⁴³ Kalunga kalumuna jishimbu Jenyiko, Ikiye keshi kuhasako, kaha ikiye keshi kuhasa kupwa Kalungako. Kachi Kalunga nahajika chuma chimwe mokomoko mwalinga chuma chimwe, Ikiye atela kuchilinga lwola lukwavo. Nge ukalu uneza, kachi Ikiye keshi kuhasa kuzata lwola lwamuchivali mujila Ikiye alingile mu lwola lwatete, Ikiye alingile mwakuhenga mulwola lwatete. Kaha ikiye nahase kumuhana mulonga Kalunga ha kuzata mwakuhenga? Ove hiya, nahase kuhaka shili hali Kalunga? Omu mukiko Yesu ahanjikile, “Hiya mukachi kenu mwahasa Kunguhana mulonga washili?”

²⁴⁴ Shili chumamuka? Kuzeneka kufwelela. “Wosena mwahona kufwelela ali wakupaisa lyehi.”

²⁴⁵ “Hiya mukachi kenu mwangulweka Yami ngana nge Kangwazalishiwe vyuma vyosena Meshiya atela kulinga?” Talenu? Naumwe pimbi ahashile kuhanjika lizu. Ikiye apwile. Uze Meshiya apwilenga Kapolofweto, kaha Ikiye apwile wakwinjikiza nge Ikiye apwilenga ngocho. Vakiko kavapwilenga nakapolofwetoko ha myaka handulendi, kufuma mu Malaki, kaha hano Ikiye ejile. Ikiye apwilenga nge chakuswamana kuli vathu, kaha chimbunji kuliuka lyavo.

²⁴⁶ Mwomwo, Ikiye ngwenyi, “Tala, Ngunasavala mu Jiyone, lilolwa lwamumbango, Limwe lya mwaza, lyakweseka, mamalelo, lilolwa lya kulimbwisa.” Yaah. “Oloze wosena afwelela hali Ikiye kaveshi kamuvwisa sonyiko.” Echi chakwoloka. Mukiko Ikiye apwilenga. Kaha chize chapwile Chisoneka chakuzalishiwa. Oloze vaze vafwelelele hali Ikiye vapwilenga na chikumishilo.

²⁴⁷ Wamundende Malita, omwo amwene Lazalu kulovoka kufuma muchimbumbwe, ikiye atachikijile Hiya uze. Chipwe shimbu kanda Chize chilingike, ikiye apwilenga na chikumishilo chakutachikiza. “Ngwafwelela nge Ove yove Mwana Kalunga, uze apwilenga nakwiza muno mukaye. Numba oholili, chipwe ndumbwami walunga nafu, ove hanjika kaha lizu. Kalunga mwaya nakuchilinga.” Amena. Ikiye apwilenga vene wakukunyuka chikupu. Echi chakwoloka. Omwo Ikiye... Ahanjikile ngachize, kaha ikiye chapwile chakufuma mukachi kamuchima.

Ikiye ngwenyi, “Kulihi mwamufunjila?”

Amabile ngwenyi, “Twaya utale.”

248 Kaha Ikiye emanyine kuze, na chimweno. Mwomwo, Ikiye ahanjikile ngwenyi, “Kangweshi kuhasa kulinga chumako kuvanga Tata nangusolwesacho Chami chatete,” Mukakujila Yowano 5:19.

249 Amutumine Ikiye kufuma, ayile kufuma ku zuvo ya Lazalu. Vakiko vatumine nge Ikiye ezenga, alombe. Ikiye atachikijile nge Lazalu alinakuya na kufwa. Kaha hanyima ya lwola, Ikiye ambile ngwenyi, “Sepa lyetu, Lazalu, nasavala tulo.”

Vakiko vambile ngwavo, “Ikiye alikanawa.”

250 Ikiye ngwenyi, “Ikiye nafu. Kaha mwomwo yayenu, Yami ngunawahilila Kangwapwanga kuzeko.” Vakiko kachi vanangulombo Yami kumulombelela.

251 Kahajino Ikiye mweza cheka, ngwenyi, “Oloze Nguli nakuya nakumutonesa.” Mamaah, yami! (Keshi, “Nanguya na kumona omwo Nangulingila.”) “Nanguya nakumutonesa ikiye.” Mwomwoika? “Ou Tata nangulwekesacho lyehi Yami mwakulingila.”

252 Ayile kuze kuchimbumbwe. Kuze kwemanyine Lunga. Kuze kwemanyine Kalunga mumujimba, uze ahashile kuhanjika kulize lilolwa, “Yengunuka,” kaha kachi lya yengunukile. Oloze Ikiye ngwenyi kuli vakiko mapwevo, vaze pwevo vanyike vakuhutwa, vanyike va mapwevo, ngwenyi, “Fumisenuko lize lilolwa.”

253 Ove ukwechi chumachimwe chakulinga, nawa. Talenu? Kaha vakiko vafumishileko lize lilolwa. Kaha chavalingishile vakiko kuviza; ikiye apwilenga nakunuka.

254 Haze, Ikiye emanyine haze. Mamaah, yami! Ngunakuhasa kumona Ikiye kwolola lize lifumbo lyalindende. Mwomwo, Mbimbiliya ngwayo, “Kakweshi kuwaha chakumufwila Ikiye ko.” Ikiye kapwile wakulukwisa muchima mangana utaleko. Talenu?

255 Chochimwe nge Ndavichi, ikiye apwilenga mwangana wakusakula omwo apwilenga wamalandulu chindende. Talenu?

256 “Vosena vaze vavanene vakwavo,” ngwavo, “keshi kusoloka nakuwahako na uze muchama kumutwe wenyi? Mbatenu ou mwanami walunga wakukula,” Yese ngwenyi.

257 Samwele ngwenyi, “Kalunga namukane.” Anehele vava venyi vosena vamaalunga. Ngwenyi, “Kaweshi naweka ko?”

258 “Yaah, etu tukwechi umwe, oloze ikiye keshi nakusoloka nge nahase kupwa mwanganako. Mwomwoika, ikiye ali wamundende, mahye akulifumpa, kusoloka nge mukweze wamalandulu.”

“Yenu, mumubate.”

259 Kaha haze vene ikiye ejile, atambukile kumeso a kapolofweto, Shipilitu yaholokele hali ikiye. Ikiye alahile na

aze maji, vahingunuine ha mutwe wenyi, ngwenyi, “Ou ikiye mwangana wenu.” Mukiko kaha. Eyo, mwane.

²⁶⁰ Yesu emanyine kuze, namahye akwimana, pamo, kwalumuka ngengu omwo Ikiye tele kanda apwenga na myaka yakusemuka seti. Eyi Mbimbiliya ngwayo, “Ikiye pamo asolokele nge apwile fwote.” Vayuleya ngwavo, “Ove uli Muthu wakuhona kuhambakana chipwe—chipwe myaka fifite ya kusemuka, kaha Ove uhanjike Ove ‘wamumona lyehi Apalahama?’”

Ikiye ngwenyi, “Shimbu kanda Apalahama apwengako, Yami NGWAPWA.” Yami! Mamaah, yami! Mukakujila Yowano 6.

²⁶¹ Kahajino, etu tuneza nakuwana nge, haze jino Ikiye nemana, kulifuka. Ikiye atachikijile chize chimweno chatela kusoloka. Ikiye atachikijile nge chatela kupwa vene. “Fumisenuko lilolwa.” Ikiye...

²⁶² Ikiye apwilenga nakunuka, wakujinga mumahina, napunga wakufwa ha makumbi wana. Mazulu eyi anapofuka lyehi, haluze lwola.

²⁶³ Haze, Ikiye emanyine kuze, olwele mujimba Wenyi waundende. “Yami kusanguka, na Kuyoya.” Huu! “Wosena na fwelela hali Yami, chipwe navakafwa, oloze navakayoya.” Ngulweke muthu ahanjikile ngachize. “Wosena ayoya na kufwelela Yami keshi kuhasa kafwako. Wafwelela echi?”

²⁶⁴ Ikiye ngwenyi, “Haa, Mwata.” Chipwe Ikiye namuhono, kusoloka. Omwo ikiye asanyikile, Ikiye kayileko. Ikiye asanyikile cheka; Ikiye kayileko. Oloze hano ikiye ngwenyi, “Ngunatachikiza Ove yove Kulishitu upwilenga na kwiza mukaye.”

²⁶⁵ Ikiye ngwenyi, “Lazalu, lovokamo.” Kaha muthu nafu lyehi makumbi awna. Mwomwoika? Ika? Kulishitu apwilenga na chikumishilo. Ikiye amwene chimweno. Chize kachahoneneko. Echi chakwoloka. Chize kachahoneneko. Ikiye apwile chikumishilo.

²⁶⁶ Kaha Malita apwile na chikumishilo vene. Kachi ikiye ahashile kumulingisa Ikiye kutachikiza chuma ikiye afwelelele muli Ikiye kupwa, ikiye mwaya nakutambula chize ikiye alombele. Chakwoloka. Mukiko vapwilenga. Chize chikumishilo, chakashile na Lizu, kaha chuma muka chize.

²⁶⁷ Kala muthu lelo eji kulinganga, chinoloka kumeso eyi, chuma chinasoloka kupwa chamwaza, mwomwo ka kwapwilenga kapolofwetoko. Tala mumakumbi ava kakuyula.

²⁶⁸ Tala mumakumbi omwo Eli...Ngwafwelela, apwilenga Elija mokomoko Elisha, umwe. Yaa. Chize, uze kamba wakufwa. Uze—uze pwevo Wakushinema, ikiye atungile...

²⁶⁹ Eliya apwilenga muthu wa Kalunga wa lize likumbi, keshi umwe wamwaza, mulongeshi wamangana. Mwomwoika, ikiye

apwile wamwaka uze atambukilenga lika. Enu munahase... Kwiza, kachi kwiza kuchikolo chove lelo, ove unahase kuchina nakuya. Lifuchi lyosena lyamujinjile ikiye. Yezevele na vosena vavo vamujinjile ikiye.

²⁷⁰ Mwomwo, ikiye atwamine mu Zuvo Yitoma na kulingisa ma pwevo vosena kulinga mujila ikiye alingile, kaha vosena vakopelele kuli ikiye. Kaha Ahave alumukile, mutwe wenyi apwile wakwalumuka, ha ngolo jenyi. Etu katwajimbashile echiko nawa ha lelo. Chili kaha chochimwe, kaha yenu—yenu vase. Kaha vakiko vapwilenga vosena vaphuho. Kaha mamalelo, vakiko vapwilenga vakukwita meya achishika.

²⁷¹ Oloze uze kanyike, Kashunema wamwaka! Keshi pwevo wa Kashunema ko, oloze kanyike... Eyo. Ngwafwelela ikiye apwilenga Kashunema. Omwo ikiye ejile na kumona jize jize ngolo japwilenga muli Eliya, ikiye ngwenyi, “Ngunashinganyeka nge ove umuthu wakujila.” Kaha omwo uze kamba apwilenga wakufwa, ikiye ambile ngwenyi, “Kasa uze chimbulu kaha kanda ove mwimanako.” Ikiye ayile kuze. Ikiye atachikijile. Kaha Ngwazanga chize, jila ikiye ejile. Ikiye akwechilila ku chikumishilo, sengwa jenyi likashileko.

²⁷² Eliya ngwenyi, “Uze mweza uze pwevo wa Kushunema. Ikiye wakunyengetela. Oloze Ngunatachikiza nge chize chakuhenga.” Talenu? Kalunga kamulwekele ngamba Yenyi kala chumako; shina chumakaha Ikiye atondele vakiko kutachikiza. Shikaho ikiye ngwenyi, “Muchima wenyi unanyengetela, oloze Ngunahono kutachikiza.” Ikiye ambile ngwenyi, “Laha, wana, Gehazi, kaha mona chuma muka chihenge.”

²⁷³ Ikiye ambile ngwenyi, “Vyosena vili kanawa na ove? Vyosena vili kanawa na lunga lyove? Vyosena vili kanawa na mwana nove wapwevo?”

²⁷⁴ Tala hali ikiye. Mamaah, yami! Chikiko kaha. Ikiye ngwenyi, “Vyosena vili kanawa.” Mwomwoika? Ikiye atelele kwiza ku chikumishilo chenyi. “Vyosena vili kanawa.”

²⁷⁵ Kaha ikiye afukamine hamavu. Holoka, chatete, kumahinji eyi. Kaha Gehazi amukatwile, “Chize kasheshi chakwolokako,” kumeso a—a mwata wenyi. Amukatwile ikiye. Kaha ikiye aputukile kumulweka.

²⁷⁶ Jino, ikiye kapwile na chikumishiloko jino. Ikiye atachikijile nge apwile na ngolo, ha chimweno, kumuhana mwana. Oloze jino chuma muka ikiye alingile? Ikiye amabachile mukombo wenyi na kwingila muze mukapete, nakusoka mapito osena, kulovolamo vosena. Ikiye atambukile muze na muze kuhitangana muze mukapete. Ikiye apwile na chikumishilo, kachi ikiye ahashile kaha kukwachiwa kuli Echi. Kunyima nakulutwe, muze na muze kuhitangana muze mukapete! Mamaah, yami! Hazevene ewwile Chumachimwe kumukwata ikiye. Ikiye asavalile hali uze kamba. Kuyaho cheka, ayile. Uze—uze kamba alinyikishile,

azumine. Ikiye asangukile, cheka na ngocho. Ikiye kapwile na kulihumanga chambwendeko na chikumishilo. “Chuma muka, Mwata? Ika Nauya nakuhanjika ika?”

²⁷⁷ Kukakasana chauchi, omwo ikiye alumukile, ikiye amwene chimweno, uze kanyike walunga ali nakulaha, nakuhema, kutumbuka na lungoji, chumachimwe chikwavo nge ngachize, kuhema. Ikiye alimbilile hali uze kemba. Ikiye ahakile lizulu halizulu, mivumbo yenyi ha mivumbo yenyi, kaha ngolo ja Kalunga ja sangwile uze kemba na kuyoya.

²⁷⁸ Chuma muka chize? Chize chikumishilo chauze pwevo apwilenga kapolofweto. Uze kapolofweto chikumishilo chenyi apwilenga Kalunga. Kaha hamwe, na Lizu, “Yami kusanguka kaha Kuyoya.” Ngwamono ngolo ja Kalunga. Uze Tengi nahase kulinga vyuma vyosena. Ikiye amusangwile cheka, uze kemba. Pundu.

²⁷⁹ Mulonga weji kulingisanga muthu wosena kupwa mujila yenyi, mwomwo vakiko kavapwile na kapolofweto wa Lizu Iya Mwata mangana vezengako. Eli Lizu na kapolofweto lyapwile Iyauchi mulikumbi lize.

²⁸⁰ Mamalelo, Ngwamwene echi ha kwalumuka chami, likumbi lize lize etu twayoyelemo. Yami ngunawahilila chikuma nge Kalunga angukwachile yami shimbu kanda liuka lingukwate. Chipwe ngwapwile mukashili. Eyo, mwane. Nguli. . . Vyosena evi vihanda vihanda, majilo, kaha kala muthu, “Chamwaza, twayenu na kulinunga na yetu. Kaha kachi kaweshi kuhasako, chamwaza, ove kawatela kumbata mukanda wove na kuya nakulinunga na veka vakwavoko.” Mamalelo! “Kaweshi kuhasa kuneha mukanda wove mukulikata choveko?”

²⁸¹ Ngwafwelela kuli mukanda umwe, kuvangila Kulishitu mwasoneka lijina lyove mu Mukanda wa Kuyoya wa mwana Mukoko. Uze ukiko umwe kaha lyatela kupwa.

²⁸² Omwo Nangumona vikungulwilo vyosena! Chikuku chetu chili Irish, chize chapwilenga Katolika. Kaha Ngwamwene chize kupwa kulumbuka na kupola. Ngwayile kumwe kuliuka ya chikungulwilo muno mumbongi, vakiko vambile ngwavo, “Mamalelo, etu yetu jila, Muchano, Kumunyika. Etu tukwechi vyosena Tukwechi.” Ngwayile kulikwavo limwe mu New Albany, “Mamaah, yami! Vaze vakweze kuze kavejivile ovyo vakiko vapwilenga nakuhanjikako.” Katolika ngwavo, “Enu muvosena mwahenga.”

Ngwashinganyekele, “Mamaah, yami!”

²⁸³ Ngwahemenenga na kanyike walunga ka Luteleni. Kaha Ngwashinganyekele. . . Kanyike ka Luteleni ka German. Ngwayile kuze, kaha Ngwambile ngwami, “Ove weji kuya kuliuka muka?”

“Ngweji kuya *kulize* liuka.”

284 Ngwayile ko, kaha Ngwawanyine vakiko vambile ngwavo vakiko jila. Ngwayile kuli Ndumbu walunga Dale, mu Emmanuel Mbaputishiti, kaha, mokomoko Mbaputishiti Yatete. Vakiko ngwavo, “*Eyi* ikiko jila.” Ngwayile kuliuka lya va Irish, ikiye ngwenyi, “Chamwaza, *eyi* ikiko jila.”

285 “Mamaah, yami! Nguli muchimbalanganyi. Ngunahono kutachikiza na mwakulingila. Oloze Ngwatondo kupwa wakwoloka.” Ngwahonene kutachikiza nomu mwakulingila. Kaha Ngwahonene kutachikiza nomu mwakwalumukila nakupihilila.

286 Ngwasonekele mukanda. Ngwashingtonyekele, “Ngwamumwene Ikiye mu chipapa.” Ngwamusonekelele Ikiye mukanda. Ngwambile ngwami, “Ove Mukulwane, Ngunatachikiza Ove weji kuhitanga mujila yakuno, mwomwo Ngunatwamenga hano na kuhanga mihale. Ngunatachikiza Ove weji kwizanga. Ngunatachikiza Ove uli hano. Ngwatondo Ove. Ngwatondo kukulweka Ove chumachimwe.”

287 Ngwashingtonyekele, “Jino vandamina muyutu kaha. Kangwa—Kangwamwene kala muthuko. Kangwawashileko. Ngwatondo kuhanjika kuli Chize. Ngwatondo—Ngwatondo kuhanjika na Ikiye. Ngwatondo kuhanjika kuli Ikiye.” Ngwashingtonyekele, “Chamwaza, jino, Ngunahono kutachikiza nomu mwakulingila echi.”

288 Kaha Ngwayile mumuvule kaha ngwafukamine hamavu, meya, luyume. Chindende, minyau yamwaka yatwamine haze, ya kufwa. Ngwambile ngwami, “Ngwafwelela Ngunamono chifwanyisa, Ngwafwelela, vakiko vahakile mavoko avo nge *ngana*.” Kaha Ngwatwamine. Kaha Ngwambille ngwami, “Jino chuma muka Nguli nakuya nakuhanjika?” Ngwambile ngwami, “Kuli jila yimwe watela kulinga echi, kaha Ngunahono kutachikiza. Ngunatachikiza kuli jila yakupandamina ku kala chuma. Kaha Kangweshi. . .” Ngwambile ngwami, “Nanguya nakuhaka mavoko ami *ngana*.”

289 Ngwambile ngwami, “Ove Mukulwane, Ngunafwila ngwami kachi Ove wizenga na kuhanjika na yami, chindende kaha. Ngwatondo kukulweka Ove omwo Nguli wamupi.” Kukwata livoko lyami *ngana*. Ngwevwulilile.

290 Vathu ngwavo, “Kalunga ahanjikile kuli yami.” Kaha Ngwatachikijile Ikiye ahanjikile, mwomwo Ngwachiwile Chize omwo Ngwapwilenga ngukanyike wamundende, kungulweka “kanda kanwako” na vyuma vimwe.

291 Ikiye kangukumbulwileko. Ngwambile ngwami, “Pamo Ngwatelanga kuhaka mavoko ami *ngana*.”

292 Shikaho Ngwambile ngwami, “Ove Mukulwane, Ngunahone kutachikiza vene namwakulingila vyuma kana, oloze Nguna—Nguna fwelela nge Ove nauya. . . Nauya Ove nakungukafwa?”

293 Kaha kala mukakunangula mwaya nakungulweka yami, twatulinunge navakiko, kaha kwimana kaha vakiko ngwavo vambata Yesu Kulishitu, kaha vakiko “vafwelela Yesu kupwa Mwana Kalunga.” Va ndemoni vafwelela mwomumwe.

Shikaho Ngwashinganyeka, “Ngwa—Ngwatela kupwa na chumachimwe kuhambakana chize.” Nduma.

Ngwatwamine *ngana*.

294 Ngwatangile haze Petulu na Yowano vahichile kuchikolo vavulukilenga ngwavo Kuwaha, kaha kuze kwapwilenga muthu wakalepa, kufuma mujimo lyanaye. Ngwenyi, “Palata na ulu Katweshi na yoko, oloze echi Tuli nacho...” Mamalelo, Ngwejivile Kangwapwile nachizeko.

295 Shikaho Ngwapwilenga na kweseka ku—kuwana mwakulingila. Kangwatachikijileko mwakulombela. Ngwalingishile mavoko ami, kahajino Ngwasavalile *ngana*.

296 Kaha, eyo, Satana ejile haze vene, ngwenyi, “Ove wamono, ove una shimbula nakuvandamina chikuma. Ove unahete lyehi myaka twende ya kusemuka. Kakweshi cheka kweseka echi jinoko. Yaah.”

297 Kahajino Ngwahokokele, kaha na kuputuka kulila. Kaha jino, omwo Ngwapwile vene wakuhokoka, Ngwambile ngwami, “Nguli nakuya nakuhanjika. Kachi Ove kaweshi kuya nakuhanjika na yamiko, Yami nakuya nakuhanjika na Ove, mwosena omwo.” Shikaho Ngwa—Ngwambile ngwami, “Kangweshi wamwazako. Ngunevu sonyi ya yami lyavene. Mukulwane. Kalunga, Ngunatachikiza Ove muya nakungwivwulila yami, kumwe. Ove muya nakungwivwa. Kaha Nguli nasonyi yayami lyavene. Yami nguli nasonyi mwomwo Ngunakukanenga Ove.”

298 Ha lwola luze, Ngwatalile helu, kaha ngwevwile kwivwa chimwe hali yami. Kwejile Kumunyika, kutambuka nakuhita mukapete, nakupanga kulusu, nge *ngana*. Kaha Lizu, lize kanda lyehi Ngulivwe mu chiyoyelo chami, lyahanjikile. Ngwatalile hali Chize. Kututa kaha, kwosena, muzuzu na woma. Kangwatambukileko. Kwimana, kutala hali Chize. Kaha chayile.

299 Ngwambile ngwami, “Mwane, Nguna—Ngunahono kwivwushisa lilimi Lyove.” Ngwambile ngwami, “Kachi Ove muhanjika mwami, kaha Nangwi—kaha Nangwivwishisa Lyove, kaha kachi nge Ove unangukonekela... Ngunatachikiza nge Ngwatelanga kungwanuka muze mukulusu, kumwe, nge shili jami jatelele kupwa muze. Kaha—kaha kachi Ove muya nakungukonekela, kaha kinduluka na kuhanjika mu lilimi Lyove Ovelyavene. Kaha Nanguya nakwivwushisa chize, kachi Ove muhona kuhanjika mulilimi lyami.” Ngwambile ngwami, “Ove cheche Chize chikinduluke cheka.”

³⁰⁰ Kaha Chejile, cheka. Mamaah, yami kuwaha kana! Haze hakiko Ngwatambwile chikumishilo. Amena. Eyo, mwane. Ngevwile nge—nge vanafumisa chiteli chachilemu kuchifumisa kumafwiji ami. Ngwatambukile nakuhita muze mumavu, muze Kangwa hashile numba kukwata numba hamavuko.

Mama ambile ngwenyi, “Billy, ove uli wakulizakamina.”

Ngwambile ngwami, “Nduma, mama, Ngunahono kutachikiza chuma muka chasolokanga.”

³⁰¹ Kuze kwapwilenga jila ya janji kuyima kuze. Ngwalahile nakuya kujila ya njanji, kutumbuka mupeho, nangolo josena nge omu Ngwawashile. Ngwahonene kutachikiza mwakulumbunuina omwo ngwevwile. Mamalelo, kachi Ngwatachikiza mwakutambakanyina! Ngwapwilenga nakutambakana, oloze mujila yami, mwamono.

³⁰² Chapwile chuma muka? Ngwakashiwile mwono wami mwakunokela jimbopolo. Mukiko kaha. Chize chikiko chikumishilo chami. Kuze Ngwawanyine chumachimwe, keshi nge chakuswamana, mangana amwe. Ngunahanjika na Muthu. Ngwahanjikile na Muthu uze angulwezele “kanda kanwa wala ko, mokomoko kunwa makanya, mokomoko kalachuma chize nachijilulula” yami lyavene na mapwevo na vyangocho. Chize, omwo Naukaula, kuli nakuya nakupwa mulimo wayami naukalinga. Ngwawanyine Ikiye; keshi liuka ko. Ngwawanyine Ikiye, Ikiye! Eyo, mwane. Ikiye apwilenga Umwe kaha.

³⁰³ Nge mukweze kuno hano ha Kiwanis mokomoko... apwile nakuhanjika, keshi... hanyima ya Jita ya Kaye Yatete. Ndumbu walunga Funk, kwimana kuze, kupwa liswalale. Ikiye ngwenyi ikiye apwile... Echi chili chindende, kwivwakana nge chakusehesa. Chino keshi chihela chakusehelako, oloze hano chikiko chuma ikiye ahanjikile. Ikiye apwilenga hano mu New Albany.

³⁰⁴ Kaha ikiye ngwenyi, “Uze kapitawu natufumisamo, ngwenyi, ‘Nge lifuchi lyosena vanalingilila kuli va vathu vaku Japs. Hamene, vanyike vamalunga, etu natuya nakwingilamo. Etu twatela kuya nakuvakwata.’ Ikiye ngwenyi, ‘Anukenu, vanyike vamalunga, kuli vavavulu muli etu hano, lelo, vaze kaveshi kukapwako hamene. Vakiko kaveshi kahasa kapwa kunoko hamene. Etu tuli nakuya, muchimene, ha likumbi lya musana.’ Ambile ngwenyi, ‘Jino muthu wosena ayenga kukulifukula chenyi.’” Ou mukweze ngwenyi, “Kaha Kangwapwile na kulifukala kalako.” Kaha ambile ngwenyi, “Ngwambile ngwami...”

³⁰⁵ Ambile ngwenyi, “Imana haze. Kaha vosena muli vakiko...” Ambile ngwenyi, “Kwejile mukakunangula wamukembwe, ayile mujila *ngana*; kaha Vakakulikanga vayilejila *ngana*; kaha va Yuleya vayila jila ya *ngana*; kaha

va Katolika vayile jila ya *ngana*; na mukulwane wavo wamukembwe.” Ambile ngwenyi, “Ngwemanyine haze.”

³⁰⁶ Kaha ngwenyi, “Uze—uze mukulwane wajita ahanjikile kuli yami, ngwenyi, ‘Kanyike walunga, watela kuya kukulifukula chove.’”

Ikiye ambile ngwenyi, “Kangwatwama nachimweko.”

³⁰⁷ Ikiye ambile ngwenyi, “Ove watela kupwa nachimwe, mwomwo ove untondewa jila yakwoloka. Mukiko kaha.”

³⁰⁸ Kaha ngwenyi, hali luze lwola ikiye amwene lizavu lyapwile nawa nakuya, kaha lyapwilenga Katolika. Ngwenyi ikiye atambukile nakuya kuze kaha ngwenyi kuli uze kapilishitu, “Unahase kunguhana kulifukula chimwe?”

Kaha ikiye ngwenyi, “Twaya kuno.”

³⁰⁹ Ngwenyi, “Ikiye ayile nakwingila kaha nakupwa muka Katolika.” Kaha muze mu New Albany, mwapwilenga John Howard na lizavu lyavo vapwilenga vene vaka Katolika vatwamine kuze, munatachikiza, omwo apwilenga ou mukweze nakungulweka echi.

³¹⁰ Kaha ikiye ngwenyi—ikiye ngwenyi, “Likumbi lyakavangijileho oho nguli muuvwalo wauswalale...” Ikiye apwilenga nakuhanjika hali, mokomoko, omwo chapwilenga. Kaha ngwenyi ikiye apwile mukweze wamunene, munatachikiza. Kaha ngwenyi, “Vakiko valikwachile kumavoko, kaha vakilo vapwilenga nakulituva na jipoko, na kutambakana, na kuvatula, na kukwapa.” Ngwenyi, “Mikana yavo yalijingile. Vakiko vavajingilikile, nakuvecha vaka Japs kutambuka muyikiko, nge ngana. Kaha aze mata a makina amanene kutuvika, kufuma kujisali josena. Jita yaku livoko kuli livoko!”

³¹¹ Ngwenyi, “Hazevene, Ngwemanyine, nakushimbula, nge *ngana*.” Kaha ngwenyi, “Vyuma vyosena, kutambakana na kulila nakutwalilaho, ove kaweshi kuhasa kulivwa ove lyaveneko.” Ambile ngwenyi, “Kuli manyinga.” Ngwenyi, “Ngwatalile, kaha kumana manyinga ami.” Ikiye ngwenyi, “Ngwatalile *haze*. Kusali yami mwapwilenga wina.” Ikiye ngwenyi, “Aze apwilenga manyinga ami.” Kaha ngwenyi, “Nguli, munatachikiza, Nguli—Nguli—Nguli...”

Kaha wamwenemwene...sepa wamu Katolika, Kangweshi nakuhanjika echi mangana—mangana kusehesa, oloze wamwenemwene wakushishika ku Katolika ngwenyi—ngwenyi, “Unahanjika ngwove *Hee Maliya?*”

³¹² Ikiye ngwenyi, “Nduma, mwane.” Ambile ngwenyi “Aze akiko manyinga ami. Kangwa tondondele tulaliki ko. Ngwambile ngwami, ‘Ngwatondo kuhanjika kuli Muthu ivene.’ Aze apwilenga—aze apwilenga manyinga ami.”

313 Ngwashinganyeka chize chili shina mujila ya echi. Eyo, mwane. Mukiko mujila yatela kupwa. Etu tuli na sengwa ya kukashila, chikumishilo.

“Kangwapwile na lwola na lwa kalaliki Chenyi ko.” Kaha, “Ngwatondo kuhanjika na Ikiye.”

314 Kaha mukiko kaha, ndumbu walunga. Nge muthu mweza kuli Kulishitu, ove kawatonda kumbata mazu vakakunagula vamweko, kusweka cha mazu amweko, vyuma vyimwe. Enu Vakakulikanga, kanda kumbata *echi, chize*, mokomoko *chikwavo*. Yako ku chikumishilo, palanga ove unakashiwa kuze na Kusemuka chachiya, kupwa wakusemuka chachihya cheka na kuzala na Shipilitu Wajila, kaha ove unamono kuyoya cha Mbimbiliya kusoloka muuthu na zangi kuhita muchiyoyelo chove. Mamalelo, jinonyi, chize chikiko chikumishilo chove. Eyo, mwane.

315 Ngwatangile mu Lizu kuze Ikiye apwilenga Lizu. Omwo, liuka lya mutundu wa German lyahanjikile *echi* mujila kana; kaha va Mesondisiti, na va Mbaputisiti, na va Katolika. Oloze Ngwatangile mu Lizu muze Ikiye ambile ngwenyi, “Hali eli lilolwa Nangukaya nakutungilaho Liuka Lyami, kaha vikolo vya hetese kavyeshi kuhasa kuchifungulula Ko.”

Ivwulilenu jino, mukukulula. Jino Vakakulikanga ngwavo. . .

316 Jino, va Katolika ngwavo, “Ikiye Alitungila hali Petulu, ‘Ove yove Petulu, kaha hali eli lilolwa. . .’” Nduma, Ikiye kalingile ngochoko. Kachi chapwile ngocho, kaha hazevene lyalimbukile. Vakiko vanalitungila hali muthu.

317 Chuma muka Ikiye Alingile? Va Kakulikanga ngwavo, “Ikiye Alitungilile hali Lyavene.” Nduma. Ikiye kalingile ngochoko. Kalitungile Hali Lyavene ko.

318 Chuma muka Ikiye alingile? Ika? “Nyi vathu ngwavo Yami, Mwana muthu, yami hiya?”

“Kaha vamwe ngwavo Ove yove ‘Eliya,’ na ‘Mose.’”

Ikiye ngwenyi, “Oloze ove muhanjika ika?”

Petulu ngwenyi, “Ove yove Kulishitu, uze Mwana Kalunga wakuyoya.”

319 Tala mazu jino. “Wakukisula ove, Shimona, mwana Yona. Nyama na manyinga kavya kusolwele echi kuli oveko. Enu kanda lyehi mulinangule echi kufuma kuli kapilishitu. Enu kanda mulinangule echi kufuma kuli kala shikola. Oloze Tata Yami ali Mwilu ikiye na kusolwela Echi kuli ove. Kaha hali eli lilolwa,” kusoloka cha mushipilitu cha Lizu, “Nanguya nakutunga Liuka Lyami, kaha vikolo vya hetese kavyeshi kahasa Kuchifungulula ko.”

Ngwashinganyekele, “Mwata, mukiko kaha.”

³²⁰ Ngwachitangile muno mu Mukanda wa Kusoloka, 21 kape-...²² kapetulu, muze Ikiye ambile ngwenyi, “Wosena...” Echi chinapu Chuma chakukuma mwosena. “Wosena mwakengisamo chumachimwe muli Chize; wosena mwakafumisa Chumachimwe kufuma muli Echi, kukana Echi; mokomoko wosena owo mwakeseka kuchilingisa Echi kupwa kanawa, Kuchiwahisa kutesekesa na lize likumbi. Wosena mwakaya nakuhakilako mokomoko kufumisako, chochimwe naikiye navakamufumisamo, chihanda chenyi, kufuma mu Mukanda wa Kuyoya.”

³²¹ Ngwambile ngwami, “Kahajino, mukiko kaha mwosena Ngwatondo, Mwata, shina kufwelela Echi.” Kaha muli Echi, chinahichi, ou Kulishitu ejile. Ali wakukupuka, mujila yosena, kala Lizu lize Ikiye ahanjikile. Mbatenu Mukanda muli *eli* livoko, mujimbu muli *eli* livoko, kaha kwinjikiza kupwa lyakwoloka, lili lya kukupuka. Kaha Ngwambile ngwami, “Kahajino, Mwata, ngutambule.” Kaha omwo Ngwalingile ngachize, Ngwamutambwile Kulishitu, uze Shipilitu Wajila mukachi ka muchima wami, uze chikumishilo chami. Echi chinapunga yami.

³²² Ngwapwile na kuviza lwola lumwe, omwo yami... Ngwajimbalishile pwevo lyami. Ngwajimbalishile kemba yami. Mamalelo, kujimbalisa tata, na kujimbalisa ndumbwami walunga, kaha kujimblisa nyali. Kaha Billy apwilenga nasavala, apwile nakufwa, kaha—kaha Ngwapwile vene hakamwihi nakuya. Ngwapwilenga nakuya mujila, nakulila, kuya kulifuka lyenyi; kaha ikiye na kemba, kaha nakemba mulivoko lyenyi. Kuya kulifuka. Ngwapwilenga nakutambuka. Mukulwane. Isler apwilenga nakwiza kuno na kuhema, munatachikiza, uze Mukulwane wa Indiana. Ikiye apwilenga nakwiza mujila. Ikiye angwimikile. Ikiye alahile nakwiza, kuhaka mavoko enyi hali yami. Chize chapwile hanyima ya livaji lya '37. Ikiye ngwenyi, “Uli nakuya kulihi, Billy? Kuze?”

Kaha Ngwambile ngwami, “Eyo.”

Ikiye ngwenyi, “Uli nakuya nakulinga ika kuze?”

³²³ Ngwambile ngwami, “Nguli nakwivwulila katela wamwaka.” Ngwambile ngwami, “Ngutwame kuze halifuka lya kemba na nanaye. Kaha katela eji kwizanga kuze, kaha eji kuhanjikanga kuli yami.”

“Mamalelo,” ikiye ngwenyi, “Billy!”

³²⁴ Ngwambile ngwami, “Yaah. Kaha Ngwevwile kuyevetele cha mafwo omwo vakiko vawimbile. Eji kukwimbila mwaso yami, Mukulwane. Isler.”

Ngwenyi, “Miaso muka veji kwimbanga?” ikiye ngwenyi.

Kuze kuli Lifuchi kusali ya kalwiji,
 Kuze veji kuvukangako ngwavo kuyema
 hayamyaka,
 Kaha etu tunahase kuheta kuze kuvangila na
 lufwelelo kaha;

Umwe na umwe hinatungalanya mujimba,
 Kuze kwakutama navakuzeneka mujimba
 wanyama,
 Omwo likumbi limwe vakiko navakaya
 nakwimba jingezo ja ulu kwimbila ove na
 yami.

³²⁵ Ikiye ngwenyi, “Billy, Ngwatondo kukuhula ove chuma chimwe.” Ikiye ngwenyi, “Nyi Kulishitu alumbunuka ika kuli ove jino? Nyi Kulishitu alumbununa ika kuli ove jino?”

³²⁶ Ngwambile ngwami, “Ikiye Chiyoyelo chami, mwami mwoyena. Ikiye vyosena Ngukwechi, Mukulwane. Isler. Ikiye wami—wami Mwamakumishilo. Ikiye vyosena vize Ngunahase kukwachilila.” Mwomwoika? Kunapunga chumachimwe chinasoloka, “Hali eli lilolwa!”

³²⁷ Ngwenyi, “Ngwakumwene ove kwimana haze halifumbila jila na kunangula, palanga nomu wasolokele nge nauya nakuholoka nakufwa. Ngwakumwene, maola osena aufuku, kukanduka nakushikumuka mujila, nakusanyika vakakuviza. Kaha hanyima Ikiye nambate pwevo lyove, na kemba yove, kaha hanga wamuzachila Ikiye?”

³²⁸ Ngwambile ngwami, “Kachi Ikiye mwangujiha, chochimwe Nangumu fwelela Ikiye.” Mwomwoika? Chikungo chami chakwata mukachi ka nyama. Ngwapwilenga na Chikumishilo. Ngwali kashilenga amilyavene ku Lizu Lyami, kaha Lizu Lyami lyakwachile. Ikiye apwa Chikumishilo chami. Ngunachiwane nge evi vyuma vyosena vikwavo vinahase kuhona, oloze Kulishitu keshi kuhasa kuhonako.

³²⁹ Eli liuka lya Katolika lyatwama na popu kupwa chikumishilo. Va Kakulikanga vatwama na mambishopu, na jishimbi javo, nava kulwane javo.

³³⁰ Oloze, Nguli, nge Paulu. . . Mbata sonekeso yove? Soneka vyuma vimwe. Mu. . . Paulu ngwenyi, mu Vilinga kapetulu vasi 20 na 24, “Kakweshi numba evi vinahase kungunyisa yami.” Mamalelo, enu munahase kupwa najishimbi, enu munhase kupwa nakala chosena ocho munatondo, oloze vikiko kavyeshi kuhasakungunyikisako.

Ngunajikijisa mwono wami muze
 mwakunokela jimbopolo,
 Mangana kuvwuwa hatulungalwiji, kaha
 ngunahono kutachikiza ove uli hali, (*eyi*
 jila, *ize* jila), keshi chekako;

Awa makanya anahaase kuhita helu lya
kunyunga, hakajinga hakukunama,

Vyosena vinahase kukuma.

Oloze muli Yesu Nguli wakukingiwa.

³³¹ Yaah. Kakweshi vyuma kana vinahase kungunyikisa, mwomwo Ngunakashiwila ku chikungo. “Mamalelo, kufuma haze Ngwaliwanyine na Ikiye,” Paulu ngwenyi, “mujila yakuya, Ngunapunga wakukashiwa ku chikungo. Ikiye angushikumwishile. Ikiye angukindulwishile kunyima.” Anuka, Paulu nikiye nawa apwile wakuchikungulwilo, chachinene mulifuchi, oloze ikiye apwile wakukashila ku chikumishilo.

³³² Ivwulilenu. Ngwatondo kumilweka chumachimwe. Ikiye apwile na punga mukungulwila yami. Ikiye apwile na punga mukukulwila ove. Kaha Nguli wakufwila, ha punga Yenyi, kuchilinga; keshi kuhaka Ko, mokomoko kufumisa Ko. Kusoloka 22:19, kachi ove unatondo soneka echi. Chosena chakwoloka. “Wosena mwafumisa...” Nguliwakufwila. Nguliwakulizanga kuseza liuka, kaha enu munatachikiza chize. Kaha shikaho Nguli wakufwila kusala na Mujimbu wa mwaza nge Nguli na kuyoya, ha kukafwa cha Kalunga. Huu! Anuka, hano hakiko hali likoji. Kuze kwapwilenga jimiliyone japwilenga nakufwa mushili omwo Ikiye angulwilile yami. Ngwapwilenga Hiya numba Ikiye angulwile? Ikiye apwilenga na punga, ya kungulwila yami, kaha Ngunajinyi kuzata mwaza punga kana. Kangwalizaminako. Echi chinahase kupwa makumishilo ami, pamo, hakamwihi jino. Oloze kala chuma chosena, Yami hanga nguli wakukashiwa ku chikungo. Wakuhona kwalumukako.

³³³ Mukulwane. Isler ahanjikile kuli yami likumbi lize, hakuya mujila, ikiye ngwenyi, “Billy, muli ou ukalu wosena, hanga walama kulifukula chove?”

³³⁴ Ngwambile ngwami, “Nduma, mwane. Chikiko changulama.” Uh-huum. Chikungo chami chakwata. Echi chakwoloka. Kangwachilama Ko. Chikiko changulama. Kangweshi kuhasa kuchilama Ko. Kakweshi jila yami mwakuchilingila. Oloze Cheji kungulama. Eyo, mwane.

³³⁵ Ikiye apwile na punga mukungulwila yami. Kuvali jimiliyone mu shili omwo Ngwejile kuli Ikiye, oloze Ikiye angulwilile yami. Ikiye apwile na punga mukulinga ngocho.

³³⁶ Kulishitu kufwa chenye chapwile chikumishilo, kuchivwa woma. Kulishitu kufwa chenye chakumishile vihula, omwo mumunyi wapuka wakufwa wajikile hali Ikiye kaha chajikijisa uze mumunyi. Munatachikiza, puka, katutu uze atwama na mumunyi, kachi ikiye najiki mumunyi, kwingisa chikupu, nge mwafuma, nachifumisa mumunyi muli ikiye. Kufwa lwolalwosena chapwilenga na mumunyi. Kufwa lwolalwosena chapwilenga na mumunyi.

337 Kaha likumbi limwe, nge chize chilinakuya ku Kavali, kaha kulivata cha malolwa, Manyinga kumwanganjala hamalolwa, omwo nachiveta ha majilo a Kavali, kuya ku Ngologota, kunyima yaize kulusu, yapwilenga nakukoka jingano ya Manyinga jauze waundende, mujimba wakuzeya kuya, nakutambuka nakuya. Nachize kuchapula nakumuchika Ikiye, shimbu Ikiye apwile nakuya nakukanduka kupili, oloze Ikiye apwilenga na chikumishilo. Ikiye atachikijile oho Ikiye emanyinyine, mwomwo eli Lizu Iya Kalunga ngwalyo, kuhichila muli Ndavichi, “Kangweshi kaseza Uze Wami kumona kupola, chipwe Yami kuseza mwono Wenyi muhetese.”

338 Ikiye atachikijile kupola nachikengilamo, mu jiola ja sevete tu. Ikiye ngwenyi, “Nangwenyeka eyi tembele, kaha Nanguya nakuyikatula cheka mumakumbi atatu.” Ikiye apwile na chikumishilo.

339 Haze Ikiye himwaya, nakukanduka pili, na lizavu Iya vakakumutoleka, kufwijila cha maswalale vakupenda vase vahakile lihana nakujinga kumeso Eyi, kaha kumuveta Ikiye hamutwe, ngwavo, “Ove ukapolofweto? Tulweke hiya nakuvete Ove.” Uze Haze, kuya na kukanduka helu Iya pili, mu sonyi na kusauka. Kupwa na . . . Uvwalo wenyi kumufumisawo Ikiye, kutoleka sonyi, kusukama ha kulusu kumeso avathu, uselesele. Kufwa mukusauka cha va Loma, mwishi ya fulumende, mulonga wakumusukika, Muthu uze kalinga chumako.

340 Mujimbu waundende lwola lumwe, ngwenyi, Maliya Mangalata alahile kaha ngwenyi, “Chuma muka Ikiye nalingi? Ahindwilenga vaveji jenu, asangwilenga vafu, kaha nanehe kusokoka kuli vase vanahase, muundungo. Chuma muka Ikiye nalingi?”

341 Kaha kapilishitu kumuveta mbanda kukanwa, palanga na manyinga kuhita, kaha ngwenyi, “Namwivulila kuli ikiye nyi kapilishitu kenu wakulitulaho?”

342 Mamalelo, chize chahetele kaye, chapwile changu hali vyosena. Mukiko kaha.

343 Haze, yaah, vakiko vamumbachile Ikiye nakuya lika. Oloze omwo Ikiye ayile nakukanduka kupili, kukokangiza, liyavolo apwilenga lika nakukakasana, Ikiye kupwa omwo Ikiye apwilenga. Ngwenyi, “Kachi Ove u Mwana Kalunga, alumuna awa malolwa kupwa malowa. Ove weji kulivuluka Ove kulinga vikomwesa. Kachi Ove u Mwana Kalunga, hanjika kuli awa malolwa alumuke kupwa mbolo.”

344 Uze liyavolo youmwe ayoya nalelo. Echi chakwoloka. “Kachi ove umukakuka wa Ukalunga! Hano hali ou kashinakaji John *Munganji makananga* natwame haze halifumbila jila. Ngunatachikiza ikiye atwama na kalepa. Muhindule.” Kawatachikijile nge ali liyavolo youmwe uze wamwaka?

Yesu ngwenyi, “Ngweji kaha kulinga . . .”

³⁴⁵ Tala, Ikiye ayile nakuhita na muchijiva cha Mbeteseta, kuze kwapwilenga masauzande vasavilenga kuze, vakuhona kutambuka, tupuputa, vakakumbilikita, na vakuzuza, kaha ayile kuli uze lunga mangana ahase kutambuka. Ikiye ahashile kutambuka nakujinguluka. Ikiye pamo apwilenga na ukalu wa kajikila. Kala chosena ocho apwilenga nacho, chamushimbula. Ikiye apwilenga nawo mumyaka seti eyiti. Ikiye ngwenyi, “Omwo Nangwiza ku chijiva, muthuumwe mwalivanga kutwe lwami.” Ikiye kahashile kutambukako.

³⁴⁶ Kuvaseza vosena vanasavala kuze, kaha ayilenga kuli uze umwe kaha uze ahindwile. Mwomwoika? Ikiye ngwenyi Ikiye atachikijile nge ikiye napunga mulize seteko. Kahajino vakiko vahanjikile kuli Ikiye, kumuhula Ikiye, omwo vakiko vamuwanyine Ikiye. Mukakujila Yowano 5, Ikiye ngwenyi, “Chamwenemwene, mwene, Nanguhanjika kuli enu, Mwana keshi kahasa kalinga chumachimwe Lyavene ko, shina chize Ikiye mwamona Ise kulinga.” Haze hakiko hali chikumishilo Chenyi. Chize chikiko chikumishilo.

³⁴⁷ Kwimana kuze mu Finland likumbi lize, kaha uze kanyike walunga kusavala kuze, kaha Ngwatambukile, ikiye kusavala kuze, wakufwa, kupwa wakufwa ha ola yachimbwa. Ove kutanga mu mukanda. Ngwaputukile nakutambuka nakuya, Chumachimwe kuhaka mavoko avo hali vakiko. Ngwalumukile, kushinganyeka, “Chuma muka chize?” Ngwatalile cheka. Ngwashingtonyekele, “Vandamina munyutu kaha.”

³⁴⁸ Kutala hanyima helu Iya Mbimbiliya. “Kaha nachikasoloka, kanyike walunga wamundende pamo na myaka naine yakusemuka, ikiye navakaya nakumujiha ku miyawu. Kuze nakukaya nakupwa nakupwa mitondo, malolwa akulifwika muze. Minyawu nayikapwa yasavala kusali ya mukwakwa, yakufwa. Ikiye mwakaya nakupwa na sokishi yayindende, nge helu ngana; na kuteula chakuseza jikambu helu. Meso eyi amandende nawakaya na kwalumuka kunyima. Vifuwa mumujimba wenyi navikaya nakupwa vyakuhokoka.”

Ngwatalile. Ngwashingtonyekele, “Ove Kalunga!”

³⁴⁹ Ngwambile ngwami, “Imanenu kulu, muvosena.” Na mukulwane wa mbongi kwapwile kuze. Ngwambile ngwami, “Kachi uze kanyike keshi kuhasa kwimanako mu minyutu yivali kufuma hanoko, Ngukapolofweto wakwonga; tambukisenu, nakunguhanga muno mu Finland.” Punduvane. “Oloze kachi ikiye mwemana, enu mulinamukuli wakumuyoyela Kulishitu.” Echi chakwoloka. Vakiko vemanyine kulunguna.

³⁵⁰ Ngwambile ngwami, “Tata wa Mwilu, kusali ya kalungalwiji kuze, myaka yivali kunyima, Ove wahanjikile ou kanyike walunga mwakapwa nasavala hano.”

³⁵¹ Kuze kwapwilenga Ndumbu walunga Moore na Ndumbu walunga Lindsay, vosena vapwile nakutala hali chize. Kaha,

kwosena, vakiko vachisonekele muji Mbimbiliya. Kaha masauzande aji Mbimbiliya mulifchi lyosena vasonekelemo. Chuma muka echi? Chikumishilo. Uze Tata nasolola chuma muka nachikasoloka. Kakwapwile womako, numba wumwe, kwimana kuze. Chikumishilo, ikiye mwaya nakusanguka.

³⁵² Hazevene mu Finland, kuze kwapwile masauzande a vathu kwiza nakuunga, kaha twavashinjikile numba kuhanjika navo, kuvashinjika na kuhakako muthu weka. Ikiye emanyine haze, na vyosena. Vaze vathu vanguzangile yami, kaha vakiko vamwenenga kukiwa, oloze hano kanyike walunga nasavala haze, wakufwa. Chuma muka chapwilenga chikumishilo? Chize chimweno. “Nangulinga ovyo Tata mwangulweka ngwenyi linga. Wosena mwafwelela muli Yami, milimo eyi Ngweji kulinganga ikiye mwakayilinga nawa.” Haze hakiko hali chikumishilo chove.

³⁵³ Ngwambile ngwami, “Kufwa, kaweshi kuhasa kumukwata likako. Kalunga nahanjika. Twaya kinduluka. Mukindulwise.” Kaha uze kanyike walunga asangukile, atalile talile *ngana*. Vaze vathu valezumukile, vyumavyosena. Mukiko chapwile, vachisonekele hazevene, kaha nakuchifwachika kuli mukulwane wa mbongi, mokomoko, kuli mukakwimanyinako lifuchi. Echi chakwoloka.

³⁵⁴ Chuma muka echi? Chikumishilo, Yesu Kulishitu ali youmwe zau, lelo, na hayamyaka. Kachi kupwa youmwe Kalunga uze emikile uze pwevo waku Nune, na kuya nakufunda na mwanenyi walunga. Nge muthu mwafwa mumakumbi aze, vakiko hazevene vamuhakilenga muchimbumbembe. Vakiko kavazangilenga vasavaleko. Vakiko vavahakilenga muchimbumbembe. Uze ikiye youmwe Yesu Kulishitu, zau, lelo, na haya myaka. Yaah.

³⁵⁵ Tala kuze ku Mexico, kaha uze kanyike wa kamba. Enu vamwe munasavala hano, munatwame hano. Kaha uze kamba, ndotolo afwachikile nakusoneka, chize vachisoneka mu Christian Business Men. “Uze kamba afwile chize chimene na lwola lwa naine koloko, kaha elu lwapwile teni kuloko ya ufuku.”

³⁵⁶ Uze kanyike wapwevo kavahashile kumuvendejeka ko. Billy nemana kuze, mwana walunga, kweseka kumuhonesa. Kaha ikiye apwilenga, chamwaza, Ngwashinganyeka vakiko vapwilenga na vakakwimana kuchikola tu handulendi, kaha ikiye apwilenga nakuyina hali vakiko. Uze ufuku chimbu kanda, uze lunga wakapuputa atambule meso eyi, kaha ikiye achitachikijile. Ikiye apwilenga Katolika.

³⁵⁷ Omwo, makumishilo, Ngwambile ngwami, “Yako, Ndumbu walunga Moore, kaha mulombele. Mwomwo, uze kamba . . .”

³⁵⁸ Kwapwilenga nakunoka vula, yayinene. Vakiko vemaneyine muze vene kufuma ku chimene, muzevene muweluka. Kaha

Ngwambile ngwami. . . Echa mungusulule kuhichila mujingoji, kunyima, numba ngwingile mukachi. Hazevene maufuku atatu.

³⁵⁹ Ngwemanyine kuze. Ngwambile ngwami, “Nge muze Ngwapwile nakuhanjika. . .” kunangula. Kaha atalile, Ngwamwene kamba wamundende kulutwe lwami, kamba wamundende waku Mexico, mazo auchi, natwame haze alinakuseha na yami, hazevene kutwe lwami.

³⁶⁰ Ngwambile ngwami, “Vandamine munyutu kaha, Ndumbu walunga Moore. Munehe kuno.” Mamalelo, chikumishilo!

³⁶¹ Vaze vakakwimana kuvikolo vehukile. Uze mweza. Ikiye aholokele hamavu kaha ambile ngwenyi, “Padre, Padre.”

Ngwambile ngwami, “Imana.”

³⁶² Kaha Ndumbu walunga Espinoza ngwenyi, “Imana,” kaha ikiye amulwekele mulilimi ya Spanish. Ikiye emanyine haze.

Ngwambile ngwami, “Tata wa Mwilu, Ngunema hano muli ino vula.”

³⁶³ Chize kuwaha, chauze kanyike wapwevo pamo na myaka ya twende seli yakusemuka, chumachimwe nge ngachize, jikambu javo zuzulu. Kumeso enyi kutala helu nge *ngana*, kutala mumeso eyi, ali nakuvandamina. Ikiye amonanga uze lunga apwile kapuputa chikupu mu myaka fwote, meso ejile nakutona kuze kuka menga. Ikiye atachikijile nge Kalunga nahase kutonesa meso aupuputa, Ikiye nahase kuka kamba yenyi. Ikiye apwile nasavala haze, nominyina chindende nasavala mulipayi nge ngachize, kaha nawa lili nakuzova petete. Ikiye napunga wakwimana haze chimene chosena, kaha musana uze, nawa. Haze, hapwilenga pamo eleveni koloko, teni koloko yaufuku, chumachimwe nge ngachize, kukwata uze kamba. Enu mwamwene chize kusoneka mu Christian Business Men. Kuze, kukwata uze kamba ngachize.

³⁶⁴ Ngwambile ngwami, “Tata wa Mwilu, Ngunahono kutachikiza echi chuma muka. Yami ngu ngamba Yove. Oloze Ngwamonanga uze kamba nemana haze. Ali wakuyoya. Ngunanangika mavoko hali ikiye, mu Lijina lya Yesu Kulishitu.”

Ngwenyi, “Whah!” kaha aputukile kulila.

³⁶⁵ Kaha naye akwachile uze kamba nakuputuka kutambakana. Kaha navathu vaputukile kutambakana, kaha uze pwevo kulezumuka na vyuma. Ngwambile ngwami, “Kanda ove muhanjika chumachimwe hali echiko. Tuma mukakulaha na ou kamba, na ou naye, kaha yenu kuli ndotolo, kaha echa ikiye akafwachike nakusoneka mujimbu, chize, ‘Uze kamba afwile. Afwile na musongo wamutulo, na chimene shimbu kanda chize, kaha, mokomoko chimene chize na naini koloko.’”

³⁶⁶ Kaha etu tukwechi kufwachika nakusoneka cha ndotolo, “Uze kamba vamuvulukile kupwa ‘wakufwa,’” mu ufwishu

ya ndotolo chimenechize, kaha naye amukwachile likumbi lyamuundu.

367 Chuma muka echi? Chikumishilo. Chuma muka echi? Ikiye afwelele, kachi Kalunga ahashile kutonesa meso, (ngachilihi?) Kalunga ahashile kusangula wakufwa, mwomwo Ikiye youmwe zau, lelo, na hayamyaka.

368 Kangwapwile wakukunyuka. Kangwatachikijileko palanga nomu Ngwamwene. Kaha omwo Ngwamwene uze kemba, chize hinachipwa chikumishilo, chakwoloka vene. Chikiko chize. Kufwa chatele kuhana uze akwachile.

369 Hano ayile Mwana Kalunga. Uze puka wa kufwa aputukile kuyinga nakumujinguluka Ikiye. “Ha, Ikiye mwapwa ngachilihi kapolofweto? Ikiye mwemana Ngachilihi kuze na kwecha vamufwijile kumeso Eyi? Ikiye mwemana Ngachilihi kuze, na kwecha vakiko kumusekeleka Ikiye, kaha nakuhona kulingaho chuma chimwe? Uze keshi Emanuwele ko. Uze apwile muthu kaha. Kutala hali vakakunwa wala kufuma muli vaze vitakwa vya maswalale. Nakutala kumeso Eyi kuli nakuhita manyinga.”

370 Uze liyavolo ngwenyi, “Nanguya nakumukwata Ikiye. Nanguya nakumukwata Ikiye.” Ou mweza, nge puka, mumunyi wakufwa, kwingila muli Ikiye. Oloze, ndumbu walunga, omwo uze puka ajikile mumunyi muli uze Emanuwele, omwo ikiye alovokele, ikiye ajimbalishile uze mumunyi, nauze wakufwa.

371 Shikangaho Paulu, lwola lumwe, atalile mu meso acho, nakuhanjika, “Ove kufwa, mumunyi wove uli kulihi? Lifuka, kuhasa chove chili kuli? Kusakwilila kuli Kalunga, Ou natuhane kuhasa!” Kulishitu kufwa chenye chapwilenga chikumishilo kuli muthu wosena achivwilenga woma.

372 Muchima wami nauhanjika “amena” ku Lizu lyosena lili mu Mukanda Wenyi. Nguli jino nakusoka, pundu chinatemo jino. Ngwatela kuvatula echi. Talenu?

373 Mukiko Ngunejivila nge Shipilitu Wajila ikiye compass jenzi kungutwaminyinanga. Ikiye uze Umwe eji kungulisanga kutachikiza eli Lizu kupwa muchano. Ikiye napu chikumishilo chami. Ikiye Kumunyika chami. Ikiye Chiyoyelo chami. Ikiye kuzama chami. Nge maukalo aneza, Ikiye Tanganyika yami wa kukuto. Nge Ngunajimbala, ou Shipilitu Wajila ikiye compass yami yeji kungutwaminyinanga kukinduluka kuchihela.

374 Vikungulwilo vili nge vatanganyika vakwavo, vakiko veji kununguluka na kaye. Va tanganyika vakwavo veji kununguluka omu kaye kali nakununguluka, oloze keshi tanganyika wa kukuto. Aka kaye kanahase kununguluka kwosena okwo kanazange, oloze ove twama. Mamalelo, ndumbu walunga, uze Tanganyika wa kukuto azama. Veka kununguluka nakujinguluka, enu munahase kuvamona *hano* na *haze*, kaha kwosena. Omu mukiko mujila nawa na mauka avikungulwilo.

375 Oloze Kulishitu apwa chikumishilo. Ikiye uze Umwe unahase kuhakamo lufwelelo. Omwo vikungulwilo navikujongonona, ove tala kaha ku Tanganyika wa kukuto. Ou Shipilitu Wajila ikiye compass yove. Ikiye lwola lwoyena apwa wa muchano ku Lizu Lyove.

376 Omwo vakiko vangulwekele yami nge vize vyuma kana vinahase kusoloka mumakumbi akutona nge awa, Ngunatachikiza. Kachi—kachi kakwechi—kachi kakwechi Kalunga ko, kahajino yoya, lyako, nwako, nakuwajilila. Kuli Kalunga, echa tumuzachile Ikiye. Kaha Ngunayoyenga ngumone likumbi lize Ikiye nazate vyuma vyosena, kuheta nakusangula vafu, omwo Ikiye apwilenga hano hamavu. Kaha eyu tunatachikiza chize na mazu akusoneka, nge echi chinapu muchano. Eyo, mwane.

377 Ikiye chikumishilo chami. Jino mulingise Ikiye kupwa Chikumishilo chove. Mbata nakwingisa mu...Mu lwola lwa ukalu, Ikiye lwola lwoyena apwa chikumishilo. Jino tala. Ha likoji lya Kalunga...

378 Jino Ngwatela kaha kusoka. Kuli na kukotekela. Chamwaza, tala hano, Ngwashinganyekanga nge ili leveni koloko, kumana twolufu seti.

379 Masepa, likumbi lyosena, ufuku wosena, mwaka wosena, kuhita mu Haya yeye, kavahashile kuhanjikako hali Echi. Kanda kweseka kuchitumbununa Echiko. Enu kamweshi kulinga ngochoko. Kakwechi jila ya kuchitumbununa Echiko. Enu namuhanjika, “Ndumbu walunga Branham, kachi—kachi ove...”

380 Ngunnahono kutachikiza. Ngunafwelela kaha. Nangwecha kweseka, kulinga kala chuma hali Echi. Nangufwelela kaha Echi, mukiko kaha. Talenu? “Kacheshi chaou mwalaha, mokomoko ou mwazanga; shina shili cha Kalunga eji kusololanga keke.” Talenu? Keshi ha milimoko. Chili cha likoji. Talenu? Ngwafwelela kaha Echi. Kalunga, chili kuli Ikiye kulinga vyosena. Fwelela kaha Echi, zata hali Echi.

381 Ou mwaso wamwaka, Ngwavevwanga vakiko kuwimba mokomoko kuwimbisa hano mokomoko kumwe:

Mamalelo, zangi ya Kalunga, omwo yavula
kaha yitoma!

Omwo yahona jimbango kaha yazama!
Nayikaya na kwilila,
Mwaso wava kakujila na Vangelo.

382 Omwo muthu mu makumi, kweseka kupangununa, mokomoko kweseka kuchilwekesa na kutanga cha shikola, ikiye mwaya nakukuzalwisa. Ove kaweshi kuasa kulinga chuma kanako. Kanda kweseka kulinga chumakanako. Kanda kweseka kuchitumbununa Echi ko. Kalunga kavamutumbununa ko. Ove kawatela kutumbununa Kalunga ko. Ove watela

kaha kufwelela Kalunga. Echi chikiko chiha-...Chikiko chiswamo. Kanda kuchitumbununa Echi ko. Fwelela kaha Echi. Kangweshi kuhasa kuchambulula kuli enu omwo Echi chalumbunukila. Kangweshi kuhasa kumilweka omwo mwakulingila. Ngunatachikiza Ngwafwelela Echi kaha. Mukiko kaha.

³⁸³ Chochimwe nge ove mushika chumachimwe kanyike wamundende, ikiye mwafwelela. Ove watela kulama lizu lyove. Ove umwana Kalunga. Ikiye alama Lizu Lyenyi. Fwelela kaha Echi. Kanda kuyikikako. Twama kaha haze. Kalunga achilingile lwola lumwe, Ikiye atela kuchilinga cheka. Kachi Ikiye kachilingileko, Ikiye mwaya nakukulweka ove mwomwoika Ikiye mwahonene kuchilinga echi. Kaha echi chakwoloka. Jino, twama kaha mwakwoloka na Echi.

³⁸⁴ Munatachikiza, ize vasi yimwe kuze...Ngwafwelela ndumbwetu walunga wamwaza haze, wa mujimikanga ufuku unhichi ngana, kwimba uze mwaso, "Mamalelo, zangi ya Kalunga." Vakiko veji kungulweka ize vasi, echi chihanda, vachiwanyine vanachipopela hambango ya zuvo yavakakuzaluka. Omwo chahanjikile:

Kachi kalungalwiji azalile na ulombo,
Mokomoko nge utangatanga wapwile lipapilo;
Kaha chiswaswa chosena chapwilenga
sonekeso,
Kaha muthu wosena kupwa mukakusoneka;
Kusoneka eyi zangi ya Kalunga wa mwilu
Kachi nachumisa kalungalwiji chau;
Mokomoko kupwa na lipapilo lya-...kutamo
lyauchi,
Chipwe lipwenga lya kutanduula kufuma
kuutangatanga na kuutangatanga.

³⁸⁵ Shinganyeka hali echi. Omwo, chimbwa chachinene cha kaye chapwa meya. Kaha tala hali hydrogen na oxygen mu peho, kututa na vikwavo. Talenu? Kachi chikekeshi chapwilenga ulombo. Kaha shinganyeka ji mbiliyone, na ji tililyone na ji tililyone ya viswaswa, vipwenga ji sonekeso. Kaha shinganyeka ji mbiliyone ya vathu vanapunga hano hamvu, kaha vosena vapwenga vakausoneka. Kumbwichika jisonekeso mu kalungalwiji, na kweseka kutumbununa zangi ya Kalunga, kachi nayumisa kalungalwiji chau; mokomoko kakweschi lipapilo nalihasa kukwanyisa vyosena ko, chipwethuhu valitanduule kufuma ku Hayamyaka naku Hayamyaka.

³⁸⁶ Kanda kutumbununa Echiko. Enu kamweshi kuhasako. Enu namuya nakujimbalisa vishinganyeka vyenu, kweseka kutumbununa Echi. Fwelelenu kaha Echi. Mulingise Ikiye kupwa chikumishilo chove. Twama kaha haze, kuunda chiyema

nakutachikiza chize naukahona kuvulyama. Zamina kuli Chize, kaha kuzama chove nachiya nakukwata mukachi kove.

Echa tunongame mutwe.

“Omwo watohwa Ove! Omwo watohwa Ove!”

³⁸⁷ Vangahi muno, na mitwe yenu yakunongama nachimene chino. . . Tuli nakupandama ku Mwaka Wauhya jino. Kaha ove unapunga mukakulifukula chikuma, kaha chinapu kanawa. Ngwasakwila hali chize, enu vosena. Ngufwelela na Kalunga nasakwilila. Oloze ove kawapwanga vene nachize kutachikiza cha chikumishiloko?

³⁸⁸ Chize Chuma chimwe chize ove wahonene kufwelela, ove kawashile kushinganyeka, oloze Chuma chimwe chahanjikile kuli ove, kaha jino ove wamwene chiyoyelo chove kwalumuka kufuma lwola luze. Talenu, kala Lizu lyosena Iya Kalunga, kala lushiko, valimaka na “amena,” kahajino ove uli nakukwachilila ku chikumishilo. Mwomwo, anuka, Ikiye ngwenyi, “Melu na mavu navikahita, oloze Lizu Lyami kalyehi kahonako.”

³⁸⁹ Enu kanda lyehi mwizenga kuchihela kana, kuze enu munahase kuhanjika “amena” ku Lizu lyosena, kachi Echi chili chakulimbalaka na jishimbi jauthu, Echi chapwilenga chakulimbalaka na chikungulwilo, oloze enu mwatondo kwiza kuze kuchihela, nge Mose, nge vakiko vosena? Vakiko kavashile kulinga chizeko palanga vakiko vakwachile chize chikumishilo. Kaha enu mwatondo echi muchiyoyelo chenu chimene chino, munahase kwinjikiza chochimwe na kuzundula mavoko enu kuli Kalunga? Kalunga amikisule. Chosena chakwoloka, mwane. Zuvo yosena.

³⁹⁰ Tata wa Likoji, Ngunatachikiza lwola lwolumwe etu twatela kulinunga. Kwatela kupwa lwola luze omwo etu tuli nakuya nakuseza kano kaye. Etu katwatachikijileko lwola muka elu, kaha kahechi chihandwa chikumako. Kachi lwola lwetu lwakumu, kahajino etu twatondo kwiza. Kufwila chetu chakutwama hano chili kukuzachila Ove.

³⁹¹ Kaha kuputuka mujila yakuya nakwenyeka, likumbi limwe, nge Paulu apwilenga nakuya ku Ndamashiku, nakuneha chimbalanganyi ku Liuka, chize Kumunyika chamwilavishile ikiye. Kaha, Ove Kalunga, chize Kumunyika chamukavangijile ikiye, mwomwo Chapwilenga Kulishitu. Kaha ikiye azamine haze vene muchikumishilo, nge, chipwwe kufwa chivene, ikiye ahashile kuseha mumeso acho, kaha ngwenyi, “Kusakwilila chipwenga kuli Kalunga Ou eji kutuhananga etu kuhasa kuhichila muli Yesu Kulishitu.”

³⁹² Enu muneza nakupwa chikumishilo cha kukupuka kuli uze kapositolo. Ikiye apwilenga na. . . Enu mwapwilenga Amena kuli ikiye, mukala kusoneka. Ove wapwilenga Tanganyika ya kuyoya chenye, twamina wakusengwa. Ove wapwilenga compass ize yatwaminyinenga ikiye kuhita mumakimba. Enu

mwapwilenga kusoloka. Enu mwapwilenga chimweno. Enu mwapwilenga lusalililo lwenyi, ulwilo wenyi. Na ha lwola lwakufwa, omwo ikiye atachikijile nge ali nakuya nakuchilinga, Ove wapwilenga hanga chikumishilo chenyi.

³⁹³ Ove wapwilenga chikumishilo cha Ndanye. Ove wapwilenga chikumishilo cha tupolofweto vosena. Mukachi kavibandwa vya vikungulwilo, kaha maukalu makumbi avo, na va Fwaliseu na va Sanduke, hanga kuze kwapwilenga malunga vaze vakumbachilenga Ove kupwa chikumishilo chove.

³⁹⁴ Kaha lelo, Mwata, malunga na mapwevo na kutetela, na zangi, na—na michima ize ili nakuhita manyinga, hali Mwata, hakupwa nakutachikiza chivene cha kutachikiza Kalunga, kaha na kupwa na—na—nakukunyuka cha chikumishilo. Pamo vathu vosena vatachikijile, shimu kanda, Mwata, nge kulinunga kaha naliuka. Kaha etu tunatachikiza, nge Nguneseka ku, shishika, kuhona kupwa wakuhandunuka; Ove unatachikiza muchima wami; oloze valweke vakiko chize, “Ove kaweshi kuhasa kulinunga na Liuka. Enu mweji kulinunga na jizuvo mwakusavala, va Mesondisiti, na va Mbatutishiti, nava Katolika, na jizuvo jakusavala java Pendekosita. Oloze enu mwatela kusemuka mu Liuka, uze Mujimba washipilitu wa Kulishitu, kaha namwiza nakupwa va membala ja Mujimba Wenyi, na mawana amu Shipilitu, kulingisa Mujimba Wenyi kutohwa nakutambuka nakuzata na ngolo.”

³⁹⁵ Kalunga, echi chikiko mavoko avo analumbunuka chimene chino, omwo akiko ananyi helu. “Nguhake, Ove Mwata. Ngumbate, ngutunge, ngulingise. Tunga kaha chihela chami mukuyoya chikumishilo kana, kukashiwa kuli Kulishitu, chize Nachiya nakupwa keshi chumako shina chikumishilo.” Tuhanecho echi, Mwata. Vakisule vakiko. Hindula vakakuviza na vali nakuyanda. Lwila vana jimbala.

³⁹⁶ Jino, Mwata, etu twatachikiza echi kupwa nge chisemwa kusanyika vathu kwiza kukmenga, oloze echi chinapunga chisemwa chetu. Kaha chimene chino, na tumenga vanazale, kaha va—va vandende vana na—kaha na vosena, oloze, Mwata, mujila yimwe Ove wahanjikanga kuli vakiko. Vakiko vemikanga mavoko avo. Vakiko vanalingi—vanalingi, nge omwo chapwile, kusakula. Vakiko vanatondo ku. Vakiko—vakiko—vakiko vanatondo chumachimwe chamwenemwene. Kaha Nguli nakuhana wana wami wakulomba kuvemanyinako. Hanaechi kuli wosena, Mwata. Pwako etu jino, kukonekela jishili jetu, kuka vakakukola, na kutuhana kusokoka echi etu tunatondo.

³⁹⁷ Kaha, Mwata, kuhambakana vyuma vyosena, echa etu natukavulyamako, lelo, nge etu tuli vakukashiwa ku chikumishilo, uze Tanganyika wa kukuto, ku Kavali, kuli Kulishitu. Kaha ou Shipilitu Wajila ali nakumbata Mazu a Kalunga na kuwaligisa Akiko kusoloka hatoma kuli etu, ha

kuka vakakuviza, kutulwekesa vimweno, kusangula vafu, kaha kulinga vene mwosena muze Ikiye ashikile kulinga.

³⁹⁸ Kaha echa eli liuka, kaha ava vathu, mokomoko chihanda cha Mujimba wa Kulishitu echi chinakunguluka hano chimene chino, kuyoya nge Yesu omu ambile etu kuyoya. “Enu munapu mungwa wavakamavu.” Kaha echa vakiko vezenga nakupwa vamungwa chikuma palanga vamuchivulu navapwa napwila. Mungwa weji kuneha pwila. Kaha mungwa unahase kuzata nge naulinunga nawo. Kaha Ngwalombo, Kalunga, nge Ove uyenga nakutuhana ava vathu, mangana vapwenga vakakungalaya myono, nawa.

³⁹⁹ Kisula pashita yetu, Ndumbu walunga Neville, ou ngamba wakulikehesa, Mwata. Kwimana ha mulimo, nakavumbi kosena, nge membala wa Mujimba wa Kulishitu, kweseka mwenyi mwosena na vyuma vyosena omwo Ove mumulweka kulinga.

⁴⁰⁰ Kisula lizavu lya vakakufwelela muliuka, vakiko ava malunga veji kwimananga hamwe nayami nalikoji muno kutohwa cha, lwola lwamilima luze Ngunahichimo.

⁴⁰¹ Imana na Liuka eli lyalombele nayami na kwimana na yami mulwola lwaukalu. Mwata, Ngwavazanga. Kaha Nguli nakuhana kulomba chami, nge vakiko vatale kuli Ove, Mwata. Echa vakiko vatale nakufuma kuli ngamba wa ndambo. Echa vakiko vatale kuli Ikiye uze Ngolo jahaya myaka, Ou ali. Kaha etu tunatachikiza, Mwata, nge etu tuli vakukuminamo. Chipwethuhu vakiko vapwilenga ngachilihi, etu hanga twapwa vathu kaha. Oloze, keshi muluwako, oloze Mujimbu. Tuhanecho echi, Mwata. Kuze kukio etu tuli nakwinyika, kuli Yesu Kulishitu uze Mwana Kalunga. Tuhane echi Ikiye mwaya nakupwa hatoma kuli wosena hano lelo, nakuli vaze vanyike vavandende, nge Ikiye mwaya nakwiza nakupwa chikumishilo cha chikungulwilo chosena. Etu twalombo mu Lijina lya Yesu. Amena.

Ngwazanga Ikiye, Ngwamuzanga Ikiye
Mwomwo Ikiye avangilile kunguzanga
Kaha alanjile ulwilo wami
Ha mutondo wa Kavali.

⁴⁰² Jino, shimbu etu tuli nakwimba cheka, limeneka naumwe ali kulutwe lwove, kunyima yove, musali yove, vosena jino limekenu. Kaha twamenu lika. Alumuka kaha nakulimeneka mumavoko, kachi ove unahase. Talenu?

Nguli . . . [Ndumbu walunga Branham
mwalimeka mumavoko shimbu
chikungulwilo chapwile nakwimba
Ngwamuzanga Ikiye—Muka.] . . . ? . . .
. . . -lanjile . . . ? . . .

Vakiko vavilikanga kaha nge kuli kulya, “Mbolo, ufukku wa Muchimwe, ha kachi kaufuku.”

403 Echa tuzundulenu mavoko etu jino na kwimba kuli Ikiye. Vangahi, vangahi vali nakwivwa (ove) Ikiye ali chikumishilo chove? [Chikungulwilo ngwacho, “Amena.”—Muka.] Ali Lizu, Ikiye apwa Lizu. Enu mwafwelela echi? [“Amena.”] Ikiye apwa Lizu. Kaha Shipilitu Wajila asokese eli Lizu, kuneha Kumunyika kuyoya muli enu, eli Lizu, kwinjikiza cha Lizu. Kuhaka eli Lizu mumuchima wove. Echa Shipilitu Wajila kwiza nakwingila, kaha tala eli Lizu lili nakutambuka. Fwelela. Pwako wakulikehesa. Kanda kufwila kupwa mthuumwe ko. Pwako wamokomoko, nge Kalunga nahase kukulingisa ove kupwa mthumwe. Talenu? Chosena chakwoloka. Linga echi jino.

404 Muthu wosena amuzanga Ikiye? Hanjikenu, “Amena.” [Chikungulwilo ngwacho, “Amena.”—Muka.] Munatachikiza lizu lya *amena* omu lya lumbunukila? “Chipwenga ngocho.” Amena. Echi chakwoloka.

405 Echa tuhanjike, “Haleluya!” [Chikungulwilo ngwacho, “Haleluya!”—Muka.] Munatachikiza omwo echi omu chalumbunukila? “Kwalisa Kalunga ketu.”

406 Omwo Ngwapwile mu Germany keshi hanyima chikumako, Ngwapwile kumeso avathu, pamo, seti mokomoko fwote sauzande vapwile kuze lize likumbi, kaha Ngwambile ngwami, “Chapwile chuma chakukomoka enu vathu vachi German kamweshi kuhasa kuchivwushisako.” Ngwambile ngwami, “Mujila yami muze lelo, kawa awozele hali yami mu Ingilishi. Echi chakwoloka.” Ngwambile ngwami, “Ikiye keshi naukaluko. Kaha kuze kwatwamine kajila, kaha ikiye angwimibilile mwaso mu Ingilishi. Ngwejile mujila, kaha mama apwile na kamba hamavoko enyi, omwo Ngwejile kunyia kuze kunyima, kaha,” Ngwambile ngwami, “Uze kamba apwilenga nakulila mu Ingilishi. Ukalu ulihalihali anenu vathu?” Echi chakwoloka. Mamalelo, kachi ove nautala kaha nakujinguluka, Ikiye ali kwosena. Keshi Ngocho? [Chikungulwilo ngwacho, “Amena.”—Muka.] Pundu, Mukiko ali.

407 Jino echa tuzundulenu mavoko etu kaha fwikenu meso enu, kaha kwimba, shimbu etu tuli nakulomba pashita kwiza na kutumwanga.

Echa twimane, chatete. Muthuwosena hamahinji ove, kala muthu.

408 Enu mwamuzanga Ikiye? Hanjikenu, “Amena.” [Chikungulwilo ngwacho, “Amena.”—Muka.]

409 Kaha munatachikiza, eli lizu *haleluya* lyolimwe mukala muyachi. Yako mu mumusenga wa litungu lya Africa kuli va Hottentot, *haleluya* lili lizu lyolimwe. *Haleluya*, chapwa nge hanjikiso ya Vakakulishitu. Keshi ngochoko? [Chikungulwilo ngwacho, “Amena.”—Muka.] *Haleluya*, eli lizu lyalumbunukila “kwalisa Kalunga ketu.” Kaha Ikiye ali wakutelamo. Keshi Ikiyeko? [“Amena.”] Ikiye ali vene Mulwilo wami. Ikiye ali vene

Yesu Kulishitu, uze Mwana Kalunga, kuli yami. Ikiye ali vene
“younwe zau, lelo, nahaya myaka,” kuli yami. Ikiye Ali ize jila
kuli ove? [“Amena.”]

Ngwamuzanga Ikiye, Ngwamuzanga Ikiye
Mwomwo Ikiye alivangile kunguzanga yami
Kaha ala-... (Kalunga akukisule, Ndumbu
walunga.)



CHIKUMISHILO LVE62-1230M
(Absolute)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Kuvale 30, 1962, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org